







# কুন্তলীম পুরস্কার

১৩০৬ সন।



এইচ বসু, পারফিউমার

৬২ নং বোবাজার ষ্ট্রট, কলিকাতা।





## প্রকাশকের নিবেদন ।

বিগত বৎসরের কুন্তলীন পুরস্কারের প্রথম পর্বের রচনার মধ্য হইতে যে কয়েকখানি পুরস্কারের উপযুক্ত হইয়াছে তাহা প্রকাশিত হইল । পুরস্কৃত রচনার মধ্যে প্রথম আটটি পুরস্কার ভূতপূর্ব ট্রিনিউন ও বর্তমান প্রভাত সম্পাদক সুবিখ্যাত লেখক শ্রীযুক্ত বাবু নগেন্দ্র নাথ গুপ্ত মহাশয় অনুগ্রহ করিয়া নির্বাচন করিয়া দিয়াছেন । তজ্জন্ত তাহার নিকট কৃতজ্ঞ আছি ।

আমাদের গ্রাহক ও অনুগ্রাহকগণ তাহাদের অনুগ্রহে আমরা বৎসর বৎসর এই প্রকার পুরস্কার দ্বারা সাহিত্য চক্রায় লেখক লেখিকাদিগকে কিঞ্চিৎ পরিমাণে উৎসাহিত করিতেছি এবং পুরস্কৃত গল্পগুলি পুস্তকাকারে প্রকাশিত করিয়া ভদ্রসাদারণকে উপহার দিতে সমর্থ হইতেছি, তাহাদের নিকট আমাদের আন্তরিক কৃতজ্ঞতা প্রকাশ করিতেছি । আমাদের প্রস্তুত কুন্তলীন দেলপোস্ ইত্যাদির ক্রেতা মাত্রেই যে এই সদনুষ্ঠানের সাহায্যকারী তাহাতে সন্দেহ নাই ।

বর্তমান বৎসরের কুন্তলীন পুরস্কারের নিয়মাবলী পুস্তকের শেষভাগে প্রকাশিত হইয়াছে ।

কুন্তলীন আফিস  
৪ঠা শ্রাবণ, ১৩০৭ ।

নিবেদক  
শ্রী এইচ বসু ।

# সূচী

বিষয়		পৃষ্ঠা
অদ্বুত-হত্যা	...	১
অদল বদল	...	১৫
অবগুপ্তিতা	...	৩০
ছুৰ্ভাগা	...	৩৯
রঙ্গিয়া	...	৪৬
শোভা	...	৫৪
গহনার বাস	...	৬২
রেলে চুরি	...	৭১
আমার কাহিনী	..	৭৯
প্রতিশোধ	...	৮৯
বিমাতা	...	৯৮
সরোজিনী	...	১০৮
বুদ্ধিমান রাজার স্বর্গযাত্রা	...	১২০



## প্রথম পুরস্কার ১০০

### অদ্ভুত-হত্যা ।

( ১ )

কৃত্রিম-মুদ্রা প্রস্তুত করিবার অপরাধে অভিযুক্ত কোন ব্যক্তির সশ্রদ্ধে বিশেষ অনুসন্ধানের নিমিত্ত আমাকে ময়মনসিংহ অঞ্চলে যাইতে হইয়াছিল। প্রায় সপ্তাহ কাল তথায় থাকিয়া সে মোকদ্দমার যথাসম্ভব প্রমাণাদি সংগ্রহ করিয়া গোয়ালন্দ-ট্রেনে রাত্রে কলিকাতা প্রত্যাবর্তন করি। পরদিন প্রাতঃকালে কাগজ পত্র গুছাইয়া রিপোর্টাদি লিখিয়া নিজের কোন প্রয়োজন বশতঃ জনৈক বন্ধুর সঙ্গে সাক্ষাৎ করিতে যাইবার উদ্যোগ করিতেছি, এমন সময়ে এক জন কনেষ্টবল যথারীতি লম্বা সেলাম ঠুকিয়া, একখানা সরকারী চিঠি আমার হস্তে প্রদান করিল। চিঠির উপরে লাল কালিতে বড় বড় ইংরেজী অক্ষরে লিখিত “অতি দরকারী”—এ ছুটি কথা সর্ব-প্রথমে আমার দৃষ্টি আকর্ষণ করিল। কনেষ্টবলকে বিশ্রাম ঘর দেখাইয়া দিয়া, ত্রস্ত হস্তে চিঠি খুলিয়া পত্র পড়িতে লাগিলাম। পত্রে প্রধান কর্মচারী যাহা লিখিয়া পাঠাইয়াছেন, তাহার সার মর্ম এই ;—

“আজ চারি দিবস গত হইল, মির্জাপুর ষ্ট্রাটের একটা ছাত্রাবাসে মহেশচন্দ্র বন্দ্যোপাধ্যায় নামে একটা ছাত্র অতি আশ্চর্য্যরূপে হত হইয়াছে। পুলিশ যথাসাধ্য চেষ্টা করিয়াও এ পর্য্যন্ত খুনের কিনারা করিতে পারে নাই। তুমি মুহূর্ত্তমাত্র গোণ না করিয়া উক্ত হত্যা ব্যাপারের অনুসন্ধানে প্রবৃত্ত হইবে। মুচিপাড়া থানার পুলিশ কর্মচারী হত্যা ব্যাপারের প্রথম অনুসন্ধান করিয়াছে।”

পত্রখানি পাঠ করিয়া আমার বন্ধুদর্শনবাসনা পলকে বিলুপ্ত

হইল। সেই কৃত্রিম মুদ্রার জটিল মোকদ্দমার গুরুভার হইতে মুক্ত হইতে না হইতে আবার এক হত্যা কাণ্ডের গুরুতর ভার মস্তকে বহন করিতে হইবে ভাবিয়া মন অবসন্ন হইয়া পড়িল। কিন্তু উদ্ধতন কণ্ঠচারীর আদেশ ইচ্ছায় বা অনিচ্ছায় আমাকে প্রতিপালন করিতে হইবে, সুতরাং আর ইতস্ততঃ না করিয়া কনেটবলকে বিদায় দিয়া গাড়োয়ানকে গাড়ী প্রস্তুত করিতে আদেশ করিলাম এবং কিঞ্চিৎ জলযোগান্তে অবিলম্বে মুচিপাড়া থানায় উপস্থিত হইলাম। সেখানকার ভারপ্রাপ্ত কণ্ঠচারীকে বড়সাহেবের লিখিত পত্রের মর্ম্ম জ্ঞাত করাষ্টলে তিনি আমাকে উক্ত হত্যা ব্যাপারের প্রধান অনুসন্ধানকারী কণ্ঠচারীর সহিত সাক্ষাৎ করাষ্টয়া দিলেন। অনুসন্ধানকারী কণ্ঠচারীর নাম স্মীল বাবু; স্মীল বাবু আমার পূর্ন পরিচিত। তিনি আমাকে হত্যা সম্বন্ধে নিজ তদন্তে যতদূর তথ্য সংগ্রহ করিতে পারিয়াছিলেন, তাহা একে একে সম্বৃষ্টির সহিত সমস্ত বর্ণনা করিলেন। হত্যাসংক্রান্ত আমূল বিবরণ শুনিয়া আমি বিম্বিতে পারিলাম, এ ব্যাপারের কিনারা করা বড় সহজ-সাধ্য নহে। পুলিশানুসন্ধানে এ সম্বন্ধে যতদূর জানা গিয়াছে, তাহার সংক্ষিপ্ত বিবরণ নিম্নে প্রকটিত হইল —

“মহেশ চন্দ্র বন্দ্যোপাধ্যায়ের বাড়ী বিক্রমপুর অঞ্চলের বজ্রযোগিনী গ্রামে। ইঁহার পিতার নাম ৬হরপ্রসাদ বন্দ্যোপাধ্যায়। মহেশ কলিকাতা সিটি কলেজের দ্বিতীয়-বায়স্ক শ্রেণীতে অধ্যয়ন করিতেন। মির্জাপুরের এক ষ্টেডেন্ট মেসে ইঁহার বাসা ছিল। ৬ শ্রীশ্রীজুর্গা পূবার বন্ধে সেই মেসের অধিকাংশ ছাত্রই বাড়ী চলিয়া গিয়াছিল, কেবল তিন জন বি, এ, পরীক্ষার্থীর সহিত মহেশচন্দ্র বন্ধের সমগু সেই মেসেই ছিলেন। মেসের দালানটী দ্বিতল; উপরে চারিটী ঘর, নীচে ছটী। মেসে অধিক ছাত্র না থাকায়, পড়া শুন্যর সুবিধার নিমিত্ত চারিটী ঘরে চারি জন ছাত্র শুইবার বন্দোবস্ত করিয়া লইয়াছিলেন। নীচের একটী ঘরে রান্না; এবং অপরটীতে খাওয়া-দাওয়ার কার্য্য সম্পন্ন হইত। মেসে এক্ষণে একটী মাত্র ব্রাহ্মণ দ্বারা ই সর্ক কার্য্য চালিত হয়। ব্রাহ্মণটী রাত্রে মেসে থাকে না। ২৬শে আশ্বিন রাত্রিতে, মহেশচন্দ্রকে অত্যাণ্ড

রাত্রির ত্রায় সকলে সুস্থ শরীরে আপন ঘরে পড়িতে দেখিয়াছেন । পর দিবস প্রভাতে অতুল বাবু নামে—ই—মেসেরই অল্পতম ছাত্র যখন মহেশচন্দ্রের ঘরের মধ্য দিয়া নিম্নতলে যাইতেছিলেন, তখন তাহাকে ছিন্ন-কণ্ঠ, রক্তাক্ত কলেবর দেখিতে পাইয়া উচ্চ চীংকারে সকলকে সেখানে একত্র করেন । পরে, তথায় উপস্থিত সকলের পরামর্শ মত অগোণে পুলিশে খবর দেওয়া হয় । পুলিশ অনুসন্ধান করিয়া সে ঘরে একথানা রক্ত-রঞ্জিত বড় কাটারী ও একপাটি নাগুরা জুতা প্রাপ্ত হইয়াছেন । এ গুলি ইতিপূর্বে মেসের কেহ কখন দেখে নাই । হত্যাকারীর এ পর্য্যন্ত কোন সন্ধান পাওয়া যায় নাই । আশ্চর্যের বিষয়, হত্যাঘটনের একটি সামান্য জিনিস কিম্বা একটি কপদকও স্থানান্তর হয় নাই । মহেশের চাবি তাহার পকেটে পাওয়া গিয়াছে ; উক্ত চাবি দ্বারা পুলিশ মহেশের পোটমেন্ট ও হাত বান্ধ খুলিয়া টাকা পরসা মহেশের লিখিত হিসাবের মিল মতনই পাইয়াছেন ।

“মহেশের সহিত যে সে মেসে কাহারও মনোমালিন্য বা বিবাদ ছিল, এমনও প্রমাণ পাওয়া যায় না । তিনটি ছাত্র ও ব্রাহ্মণের ‘জবানবন্দী’তে হত্যার অনুসন্धानে কাব্যাকরী হইতে পারে, একপ কোন কথাই প্রকাশ পায় না । ইহাদের কেহ কাহাকে মহেশের হত্যাকারী বলিয়া সন্দেহ করেন না । পরন্তু মহেশের সহিত সকলেরই সদ্ভাব ছিল বলিয়া প্রমাণ পাওয়া যায় ।”

পুলিশের এই রিপোর্ট দেখিয়া এবং ব্রাহ্মণ ও ছাত্রদ্বয়ের জবানবন্দী আনুপূর্ব্বিক মনোযোগ সহকারে পাঠ করিয়া অনুসন্ধানের কোন সূত্রই বাহির করিতে পারিলাম না । তবে জুতা ও কাটারীখানা দেখিতে হইল । সুশীল বাবু তৎক্ষণাৎ সেগুলি আমার সমক্ষে উপস্থিত করিলেন । আমি তখন পুঙ্খানুপুঙ্খরূপে পরীক্ষা করিয়া দেখিতে পাঠিলাম, রক্তাক্ত কাটারীখানা অপূর্ণবাবহত । জুতাখানিও একেবারে অব্যবহৃত বলিয়াই বোধ হইল । উহা পায়ে দেওয়ার কোন চিহ্নই পরিলক্ষিত হইল না । সুতরাং এ গুলি অনুসন্ধানের পক্ষে কোন সহায়তা করিবে, • একপ মনে করিতে পারিলাম না । আমি সেখানে আর বেশী সময়

অপেক্ষা না করিয়া সেই মেসটা দেখিতে মনস্থ করিলাম এবং সুশীল বাবুর সহিত সেই মেসে যাইয়া উপস্থিত হইলাম ।

তখন পূজোপলক্ষে স্কুল কলেজাদি বন্ধ ছিল, স্মৃতরাং সকলকেই বাসায় প্রাপ্ত হওয়া গেল । আমি প্রথমে হত্যাগৃহ এবং তৎপরে মেসের অগ্ন্যগ্ন স্থান যথারীতি পরীক্ষা করিলাম ; কিন্তু হত্যা সম্বন্ধে কোন নূতন তথ্যই সংগ্রহ করিতে সমর্থ হইলাম না । পরিশেষে আমি হত্যাগৃহে প্রথম উপস্থিত সেই অতুল বাবুকে নিম্নলিখিত প্রশ্নগুলি জিজ্ঞাসা করিলাম, এবং উত্তর আমার নোট-বহিতে লিখিয়া লইলাম ।

আমি । আপনি সে দিন প্রাতেই প্রথম সে কক্ষে পদার্পণ করিয়াছিলেন, না, রাত্রে সে কক্ষের ভিতর দিয়া আর কোন বার নীচে নামিয়া ছিলেন ?

অতুল বাবু । না, সেই প্রথম আমি সে কক্ষে প্রবেশ করি ।

আমি । যে রাত্রে মহেশ খুন হয়, সে রাত্রে সর্বশেষ তাহাকে কে জীবিত দেখিয়াছিলেন ?

অ, বাবু । সর্বশেষ কে জীবিত দেখিয়াছিলাম, মনে নাই । আমরা সকলেই একসঙ্গে নীচের ঘর হইতে উপরে আসিয়া আপন আপন কক্ষে পড়িতে বসিয়াছিলাম ।

আমি । আপনারা সেদিন শয়ন করিবার পূর্বে আর নীচে যান নাই ?

অ, বাবু । আমি সেদিন আর নীচে যাই নাই ।

আমি তখন আর ছুজনকে এ প্রশ্ন জিজ্ঞাসা করিলাম, তাঁহারা তত্বত্রে বলিলেন; সে রাত্রে তাঁহাদের কাহারও নীচে যাইবার প্রয়োজন হয় নাই । আমি পুনরায় জিজ্ঞাসা করিলাম ।—

“আপনাদের মেসের ছাত্রগণ বাতীত অগ্ন কাহারও সহিত মহেশ বাবুর বিশেষ জানাশুনা ছিল বলিয়া আপনারা জানেন ?”

অ, বাবু । মহেশ বাবুর বিশেষ বন্ধু ত কেহ দেখিতে পাই না ।

আমি । মহেশ বাবুর কাহারও সহিত শত্রুতা বা মনোবিবাদ ছিল, বলিতে পারেন ?

অ, বাবু। না, মহাশয়, তাঁহার সহিত কাহারও শত্রুতার কথা আমরা পরিজ্ঞাত নহি।

আমি। হত্যার দিনে মহেশ বাবু সমস্ত দিবস কি মেসেই ছিলেন, না, কোথাও বাহির হইয়াছিলেন ?

অ, বাবু। (খানিক চিন্তার পর) হাঁ, মহেশ বাবু সেদিন মধ্যাহ্ন ভোজনের পরে বাহিরে গিয়াছিলেন।

আমি। কোথায় গিয়াছিলেন, বলিতে পারেন ?

অ, বাবু। না, তাহা বলিতে পারি না।

আমি। মহেশ বাবুর কি বেড়াইবার অভ্যাস ছিল ?

অ, বাবু। মধো মধো বেড়াইতে যাইতেন বৈ কি !

আমি। হত্যার তারিখে কোন্ সময়ে বাসায় প্রত্যাবর্তন করেন ?

অ, বাবু। বোধ হয় রাত্রি ৭টা, কি ৮টার সময়।

আমি। মহেশ বাবুর স্বভাব চরিত্র কেমন ছিল, আপনার বিশ্বাস।

• অ, বাবু। ( একটু বিরক্তির সহিত ) ওগুলি কি বলিব ?

আমি তখন অপেক্ষাকৃত গম্ভীর স্বরে বলিতে লাগিলাম, “দেখুন, আপনারা সকলেই বিদ্বান্ ও বুদ্ধিমান। অবশ্য বুদ্ধিতে পারিতেছেন, এ হত্যার কিনারা করা বড় সহজ সাধ্য নহে। কেহ অর্থলোভে এ নৃশংস কাণ্ড সম্পন্ন করিয়াছে, অবস্থাপর্য্যবেক্ষণে, এমন বিশ্বাস আমি করিতে পারিতেছি না। ঈর্ষামূলেই বোধ হয় এ লোমহর্ষণ হত্যা সংশোধিত হইয়াছে। এক্ষণে যদি আমি হত ব্যক্তির সম্বন্ধে সমস্ত কথা অবগত হইতে না পারি, তবে প্রকৃত দোষীর অনুসন্ধান কিরূপে করিতে সমর্থ হইব ? আর অবশ্য ইহাও আপনারা বুদ্ধিতে পারিতেছেন, যদি কোন প্রকারেই এ হত্যার কূল-কিনারা করা না যায়, তবে পুলিশ শেষ কালে আপনাদের লইয়াই টানাছিড়া করিতে পারে। কে জানে, আপনাদের কেহ এ বাপার বিজড়িত নহেন ? এ বাড়ীতে অপর কেহ বাস করেনা, মহেশ বাবুর সহিত অশ্রু কাহারও শত্রুতা ছিল না একথা আপনারাই বলিতেছেন; এমতাবস্থায় কাহার উপর প্রথম সন্দেহদৃষ্টি



পড়িতে পারে; তাহা আপনারাই ভাবিয়া দেখুন। হত্যাগৃহে প্রাপ্ত কাটারি-খানি সম্পূর্ণ নূতন, সুতরাং হত্যাকারী যে পুরাতন-পাপী নহে, ইহা তাহার প্রকৃষ্ট প্রমাণ। তবে—একপাটী নাগরাজ্য তা পাওয়া গিয়াছে বটে, কিন্তু কে বলিতে পারে ইহা আপনাদের চালাকি নয়?—

আমি এতদূর বলিলে ছাত্রবাবুটি অপেক্ষাকৃত কাতরস্বরে বলিলেন, “ক্ষমা করুন মহাশয়, আমি যাহা জানি, বলিতেছি। আমার বিশ্বাস মহেশবাবু নিষ্কলঙ্ক চরিত্র ছিলেন না।

আমি। কাহার সঙ্গে, কোথায়, মহেশ বাবুর আসা যাওয়া ছিল, বলিতে পারেন?

অ, বাবু। সে সম্বন্ধে কিছুই বলিতে পারি না। তবে তিনি মধ্যে মধ্যে অনেক রাত্রির পর বাসায় আসিতেন এবং মাঝে মাঝে একটী কি শ্রোণীর স্ত্রীলোক তাহার সঙ্গে সাক্ষাৎ করিত।

আমি। কিসের ঠিকানা আপনি জানেন?

অ, বাবু। না, মহাশয়, ঠিকানা জানি না।

আমি। কাকে দেখিলে চিনিতে পারিবেন?

অ, বাবু। হাঁ, পারিব বৈ কি? হত্যার তারিখেও দিনের বেলায় কি তাহার নিকট আসিয়াছিল।

আমি। যে দিন হত্যার কথা জানিতে পান, সে দিন প্রথমে কে সদর দরজা খুলিয়াছিলেন?

অ, বাবু। সম্ভবতঃ সদর দরজা খোলা ছিল।

আমি। সদর দরজার খিলান ত অভগ্ন; তবে হত্যা কিরূপে সংঘটিত হইল, আপনাদের বিশ্বাস?

অ, বাবু। সদর দরজা মধ্যে মধ্যে খোলাও থাকে। বোধ হয় সে রাত্রে আমরা কেহ দরজা ভেজাই নাই। বামনটী চলিয়া গেলে, কোন দিন দরজা ভেজান যায়, কোন দিন বা যায় না।

আমি। বামনটী কেমন, কতদিন যাবৎ এখানে কাজ করিতেছে?

অ, বাবু। অনেক দিন। বামনটী খুব বিশ্বাসী, সে আমাদের বড় যত্ন করে।

আমি এপর্যন্ত জিজ্ঞাসা করিয়া লইয়া স্মৃশাল বাবুর সম্বন্ধে মেস হইতে বহির্গত হইলাম । তখন বেলা ১টা বাজিয়া গিয়াছে । সুতরাং আর থানায় না বাইয়া, স্মৃশাল বাবুকে আমহাষ্টে ষ্ট্রাটে গাড়ী হইতে নামাইয়া দিয়া, বরাবর বাসাভিমুখে অগ্রসর হইতে গাড়োয়ানকে আদেশ করিলাম ।

( ২ )

আমি অনুসন্ধানের স্বত্র উদ্ভাবনার্থ বতই চিন্তা করিতে লাগিলাম, প্রথমে ততই নিরাশা-মাগরে নিমগ্ন হইতে আরম্ভ করিলাম । আমি বুঝিয়া উঠিলাম না, এ হত্যা কাহার দ্বারা সাধিত হইয়াছে । ধনাপচরণ মানসে কি এ হত্যা সম্বন্ধে তত্ত্ব সন্ধান ? তাহা হইলে এক গাছি তুণেরও বিপর্যয় ঘটল না কেন ? শুনিয়াছি, মহেশের চরিত্র ভাল ছিল না, তবে কি অপর কোন মন্দ চরিত্র প্রতিদ্বন্দ্বী দ্বারা এ কার্য সম্পন্ন হইয়াছে ? অসম্ভব কি ? কিম্ব সে ব্যক্তির অনুসন্ধান কিরূপে করিব ? মেসের কেহ ত কুচরিত্র নহে ? সদর দরজার খিলান অভয় ; এনস্তাবস্তায় সহজে বাহিরের লোক কিরূপে ভিতরে প্রবেশ করিবে ? কিম্ব যদি সদর দরজা সে রাতে খোলাই থাকিয়া থাকে, তবে এই এক কণার উপর নির্ভর করিয়া মেসের ছাত্রদিগকে দোষী সাব্যস্ত করা ত যুক্তিসঙ্গত নহে । আচ্ছা, একটা লোক একই বাড়ীতে থন হইল, আর বাড়ীর অপর কেহই ইহার বিন্দু বিসর্গও জানিতে পারিল না, ইহা বা কি প্রকারের কথা ? হত্যাগৃহে একথানা নাগরা জুতা প্রাপ্ত হওয়া গিয়াছে, তবে কি হতাকারী কোন হিন্দুস্থানী ? কিম্ব তাহা হইলে জুতাখানি একেবারে অব্যবহৃত থাকিবার কারণ কি ? এ জুতা পায়ে দেওয়া হইয়াছে বলিয়া ত কিছুতেই বোধ হয় না ।

মেসের ছাত্র হইতে জানিলাম, একটা কি মহেশের কাছে আসা যাওয়া করিত, হত্যার তারিখেও আসিয়াছিল ; সে কি কে ? তাহার সন্ধানের উপায় কি ?—এবস্থিধ নানা প্রশ্ন ক্রমে ক্রমে মনে উদ্ভিত ও লম্বপ্রাপ্ত হইতে লাগিল । শেষে যখন আর ভাবিয়া চিন্তিয়া কিছু স্থির করিতে পারিলাম না ; কোন স্তত্রাবলম্বনে অনুসন্ধান কার্য আরম্ভ

করিব, তাহার কিছুই নির্ধারণ করিতে সমর্থ হইলাম না ; তখন অগত্যা তখনকার মত এই সিদ্ধান্ত করিলাম যে, আজ রজনীযোগে গুপ্তভাবে মির্জাপুরের সেই ছাত্রবাসে ছাত্রদিগের কথাবার্তা শুনিতে চেষ্টা পাইব। যদি প্রকৃত প্রস্তাবে ইহারা হত্যা ব্যাপারে সংশ্লিষ্ট থাকে কিম্বা এ সম্বন্ধে কিছু পরিজ্ঞাত থাকে, তবে খুব সম্ভবতঃ ইহাদিগের মধ্যে আজ এ বিষয়ের গোপনীয় কথাবার্তা চলিতে পারে। তখন বোধ হয়, হত্যা সম্বন্ধে কিছু না কিছু সন্ধান পাইতে পারিব।

এইরূপ স্থির করিয়া স্নানাহার সমাপনান্তে শয্যায় পড়িয়া একটু বিশ্রাম ভোগ করিতেছি, এমন সময়ে হঠাৎ মনে পড়িল, এ হত্যা-সম্বন্ধে ডাক্তার সাহেব কি অভিমত প্রকাশ করিয়াছেন, তাহা আমি এপর্যন্ত জানিতে পারি নাই। অল্পসন্ধান কার্য্য আরম্ভ করিবার পূর্বে এ তথ্যটি জানিয়া লওয়া আমার পক্ষে একান্ত কর্তব্য;—এই মনে করিয়া তৎক্ষণাৎ গানোথান পূর্ব্বক ‘ধড়া চূড়া’ পরিধান করিয়া পুনরায় মুচিপাড়া থানাভিমুখে রওনা হইলাম।

যথাকালে মুচিপাড়া থানায় পহঁছিয়া সধকারি ডাক্তারের রিপোর্ট পাঠে যাহা অবগত হবলাম, তাহাতে সন্দেহ আরো বদ্ধিত হইল। ডাক্তার বলেন, মৃত্যুর পূর্বে হত ব্যক্তিকে ক্লোরোফর্ম প্রয়োগে দ্রুতচেতন করা হইয়াছিল। পরে অজ্ঞানাবস্থায় তীক্ষ্ণ অস্বাধাতে ইহাকে হত্যা করা হইয়াছে। কি ভয়ানক কথা! জীবিতাবস্থায় হত্যা করিলে পাছে আহত ব্যক্তির আর্তনাদে অত্যাশ্রয় লোক ‘জাগরিত হইয়া পড়ে, এজন্য পূর্বাঙ্কে সাবধান হইয়া হত্যাকারী ইহার উপর বিষ প্রয়োগ করিয়াছিল! হত্যাকারী তবে ত নিতান্ত সামান্য ব্যক্তি নহে! মেসেরই কোন ছাত্র কি তাহা হইলে আন্তরিক বিবেচনায়, গুপ্ত কারণে, অপর সকলের অজ্ঞাতে এরূপ সাবধানতা সহকারে হত্যাকাণ্ড সমাধা করিল? সন্দেহ ক্রমে দৃঢ় হইতে লাগিল। এ সময়ে একবার মহেশের মৃত দেহ দেখিতে ইচ্ছা হইল, কিন্তু সে সুবিধা ঘটিয়া উঠিল না। আমার কলিকাতা পহঁছিবার বহু পূর্বেই, ডাক্তারের পরীক্ষার পর উক্ত মৃতদেহের সংস্কার ইহা গিয়াছিল।

নানা বিষয়িণী চিন্তার পর অবশেষে আমি প্রথম অনুসন্ধানকারী কণ্ঠচরী সুশীল বাবুর সহিত পুনর্ব্বার সাক্ষাৎ করিলাম। এবং তাঁহাকে জিজ্ঞাসা করিলাম, “সুশীল বাবু, কি সূত্রে অনুসন্ধান কার্য আরম্ভ করিব ?” সুশীল বাবু হাসিয়া উত্তর করিলেন, “সূত্র বাহির করিবার জন্তই ত টিক্‌টিকির প্রয়োজন।” সুশীল বাবু ডিটেষ্টিভ কে টিক্‌টিকি বলিতেন। আমি পুনর্ব্বার জিজ্ঞাসা করিলাম, “আপনি সেদিন ঘন্টা তল্লাসের সময় কাহারও কাছে ক্লোরোফর্ম আছে কি না, অনুসন্ধান করিয়াছিলেন কি ?” সুশীল বলিলেন, “না, আমরা ত তখন জানিতাম না যে হত ব্যক্তির উপর প্রথমে ক্লোরোফর্ম প্রযুক্ত হইয়াছিল।” আমি তখন হাসিয়া বলিলাম “অনুসন্ধানের সকল সুযোগ আমি কলিকাতা আসিবার পূর্বেই শেষ হইয়া গিয়াছিল, সূত্রাং এখন এ অদ্বুত হত্যা সম্বন্ধে তদন্ত করিয়া রূত কার্য্যতোর আশা করা বিড়ম্বনা মাত্র।” ইহার উত্তরে সুশীল বাবু বলিলেন, “ভাল মনে পড়িল;—সে দিন মহেশ চন্দ্রের হাত বাগ্ন অনুসন্ধানের সময় ইহার ভিতরের কতকগুলি চিঠি পত্র আমি সঙ্গে লইয়া আসিয়াছিলাম, অবকাশাভাবে সে গুলি এ পর্য্যন্ত পড়ি নাই। আপনার ইচ্ছা হইলে আপনি তাহা পড়িয়া দেখিতে পারেন, যদি কোন সূত্র বাহির হয়।” এই বলিয়া তিনি কতকগুলি বিশৃঙ্খল চিঠিপত্র আনিয়া আমার সম্মুখস্থ টেবিলে ফেলিয়া চলিয়া গেলেন। আমিও তখন আর কিছু করিবার নাই ভাবিয়া সেগুলি ইহাতে এক এক খানি পত্র লইয়া আগ্রহ সহকারে আপন-মনে পড়িতে লাগিলাম। পাঁচ সাত খানি চিঠির পর একখানি চিঠি পাঠ করিয়া আমি একেবারে চমকিয়া উঠিলাম। চিঠিখানি অবিকল এই রূপ;—

“—নং হাড়কাটা গলি।

২৬শে আশ্বিন।

প্রাণের মহেশ,

তুমি আর এখন আসিতেছ না কেন ? বিধু বাবুর সহিত ঝগড়া করিয়া আমার পরিত্রাণ করা কি তোমার উচিত ? আজ

যা হয়, একটা হইয়া গাইবে। বিধু বাবু বাড়াবাড়ি করিলে, তাহাকে আমার কাছে আসিতে বারণ করিব। আমার কুন্তলীন একেবারে ফুরাইয়া গিয়াছে। দেলখোস নামে নাকি এক প্রকার নূতন এসেন্স বাহির হইয়াছে, দেখিতে পাই কি? ঝিকে পাঠাইলাম, তুমি আজ অবশ্য অবশ্য আসিবে, অন্তথা না হয়। ইতি।

তোমারই ভালবাসার

নলি—।”

পত্রখানা ছুইবার পড়িয়া আমি আর স্থির থাকিতে পারিলাম না। পত্রের তারিখ দেখিয়া অস্থিরতা আরও বৃদ্ধি পাইল। এ পত্রে ঝির সন্ধান পাইলাম। বিধু বাবু নামে কোন ব্যক্তির সহিত মহেশের মনোমালিন্য ছিল, পত্র পড়িয়া বুঝিতে পারিলাম। এক্ষণে যেন অনু-সন্ধানের কিছু কিছু সূত্র বাহির হইল, মনে করিলাম। আমি আর বিলম্ব না করিয়া ধড়াচুড়া ছাড়িয়া একটা ফিট বাঙ্গালী বাবু সাজিলাম। তাহার পর চিঠিখানা পকেটে পুরিয়া, আমার প্রত্যাবর্তন পর্য্যন্ত গাড়োয়ানকে সেখানে অপেক্ষা করিতে বলিয়া পদব্রজে রাস্তায় বাহির হইলাম।

( ৩ )

হাড়কাটা গলির সেই বাড়ী খুঁজিয়া বাহির করিতে বিশেষ বিলম্ব হইল না। আমি একেবারে ‘সপাসপ’ উপরে ঘাইয়া উপস্থিত হইলাম। তখন অপরাহ্ন পাঁচটা—সন্ধ্যার প্রাক্কাল। গৃহ কত্রী বেশভূষা পরিপাটি করিতেছে। আমি চির-পরিচিতের ছায় একখানা কেদারী টানিয়া বসিয়া পড়িলাম। যুবতী তখন আমার অভ্যর্থনার্থ তাড়াতাড়ি আপন কার্য সমাধা করিয়া ঝিকে তামাক আনিবার নিমিত্ত আদেশ করিল।

আমি ইতাবসরে আপন মনে অনুচ্চস্বরে বলিতে লাগিলাম, “বিধু বাবুর এতক্ষণ এখানে আসিবার কথা ছিল, কই তিনি যে আসিলেন না!” যুবতী উত্তরচ্ছলে বলিল, “কই, সে ত আজ কয়দিন আসিতেছে না। সেই যে সে দিন মহেশের সঙ্গে মারা মা—” এ পর্য্যন্ত বলিয়া যুবতী আমার মুখের দিকে চাহিল। আমি যেন নিতান্ত অগ্নমনস্কভাবে উত্তর

করিলাম, “তা কাজটা কি ভাল হয়েছিল ? আমি সমস্তই গুনিতে পাইয়াছি। বিধু আমার পরম বন্ধু।

স্ববতী। কই, আপনাকে ত একদিনও এখানে দেখি নাই।

আমি। এতদিন আসিবার প্রয়োজন পড়ে নাই; তাই আসি নাই; কিন্তু সেদিনকার ঘটনার পর বিধু প্রতিজ্ঞা করিয়াছে; সে আর কখনও এখানে একাকী আসিবে না।

স্ববতী। তা মহাশয়; আমার দোষ কি বলুন ? বাস্তবিক; সেদিন মহেশ্বরের কাজটা ভারি অত্যাচারকর্মের হয়েছিল। তদ লোকের গায়ে হাত তোলা, জুতো মারা, এগুলি নেহাত ছোট লোকের কর্ম।

এই বলিয়া স্ববতী স্বহস্তে প্রস্তুত পানের খিলি ছুটি আমাকে প্রদান করিল। আমি সমস্ত ব্যাপার ইতিমধ্যে বেশ বুঝিতে পারিয়াছি। এক্ষণে আমার মনে শুভিতে লাগিল, এ ছুতোমারা কাণ্ডের প্রতিশোধ লইতে বিধু বাবু নামক ব্যক্তির পক্ষে মানসিক উত্তেজনা-প্রাবল্যে মহেশ্বরের জীবনলীলা সাস্থ্য করা একেবারে অসম্ভব নহে। ইহা ২৬শে আশ্বিনেরই ঘটনা। যাহা ইউক, অধুনা আমার পক্ষে এই বিধু বাবুর অনুসন্ধান লওয়া বিশেষ প্রয়োজন হইয়া পড়িল; কিন্তু এখানে আমি বিধু বাবুর বন্ধু বলিয়া পরিচয় প্রদান করিয়াছি, সুতরাং সোজাসোজি ইহাকে সেকথা জিজ্ঞাসা না করাই বুদ্ধিযুক্ত মনে করিলাম। ইতিমধ্যে, ঝি-মুন্ডি, একটা রূপার ভকা হাতে করিয়া সেই কক্ষে প্রবিষ্ট হইল। এবং আমাকে দেখিয়া বলিল,—

“এটা যে নূতন বাবু!” স্ববতী তত্ত্বরে বলিল “ইনি বিধুভূষণের বিশেষ বন্ধু!”

ঝি। কোন্ বিধুভূষণ ?

স্ববতী। অ্যা—নেকি ? মুখুণ্ডো বিধু—সেই ২১ নম্বর কলুটোলার।

এতক্ষণে সহজেই আমার কার্য্য সিদ্ধ হইয়াছে;—আমি ঘটনাক্রমে বিধুর ঠিকানা অবগত হইলাম। সুতরাং আর সেখানে অপেক্ষা করিবার দরকার নাই ভাবিয়া, ঝির কথার উত্তরচ্ছলে অগ্রমনস্ক-ভাবে বলিলাম  
বিধু বাবুর ত এখনই এখানে আসিবার কথা ছিল, দেবী হইতেছে

কেন, বুদ্ধিতে পারিতেছি না । তা, আমি একটু দেখিয়া, আসিতেছি ।” এই বলিয়া আমি “২১নং কলুটোলা” ঠিকানাটি মনে রাখিয়া সে বাড়ী হইতে বহিষ্কৃত হইলাম । এবং অবিলম্বে মুচিপাড়া থানায় আসিয়া পঁহুছিলাম ।

তখন সন্ধ্যা হইয়াছে । আমি আসিয়া দেখি, সুশীল বাবু আমার প্রতীক্ষায় বসিয়া আছেন । আমি যথাসম্ভব সংক্ষেপে তাঁহাকে সমস্ত ঘটনা বুঝাইয়া বলিলে, তখনই বিধুর সঙ্কে তদন্ত করা উচিত বলিয়া পরামর্শ স্থির হইল । দুই জন পুলিশ কনেষ্টবল, পুলিশ-পোষাক পরিহিত সুশীল বাবু এবং বাঙ্গালী বাবু আমি—শকটারোহণে অগোণে কলুটোলায় যাইয়া উপস্থিত হইলাম । বলিয়া রাখা ভাল, হত্যাগৃহে প্রাপ্ত কাটারি এবং নাগরা জুতা আমাদিগের সঙ্গে লইয়াছিলাম ।

তাহাদিগকে গাড়িতে পথের উপর অপেক্ষা করিতে বলিয়া আমি একাকী সেই ২১নং বাড়ীতে প্রবেশ করিলাম । এটা একটা ছোটখাট ডিম্পেন্সারী । অনুসন্ধানে জানিলাম, সুধীর বাবু নামে জনৈক ভদ্র লোক এ ডিম্পেন্সারীর স্বত্বাধিকারী । তিনি সপরিবারে ইহারই উপরতলে বাস করেন, নীচের ঘরে ডাক্তারখানা । আরো জানিলাম, সত্য সত্যই বিধুভূষণ নামে উক্ত সুধীর বাবুর এক ভাইপো এ বাড়িতে বাস করেন । তিনি এক্ষণে বেকার অবস্থায়ই আছেন ।

আমি যে সময় সেখানে উপস্থিত হইয়াছিলাম, সে সময় ডাক্তার বাবু বাসায় ছিলেন না । সুতরাং ডাক্তারখানার কম্পাউণ্ডারকে বিধু বাবুকে সংবাদ দিতে বলিয়া নীরবে সেখানে অপেক্ষা করিতে লাগিলাম ।

কম্পাউণ্ডার উপরে চলিয়া গেল, এবং অল্প সময়ের মধ্যে আরক্ত-নয়ন, বিষাদ-বদন, রুক্ষ-কেশ এক যুবক সমভিব্যাহারে সে কক্ষে প্রবিষ্ট হইল । যুবকের মুখাকৃতি ও ভাবগতি সন্দর্শনে আমার মনের দারুণ সন্দেহ একেবারে বিশ্বাসে পরিণত হইল ।

আমি একটু ত্রস্ততার সহিত অথচ মৃদুস্বরে যুবককে বলিলাম, “আমি ~~একটু~~ একটা গলি হইতে আসিয়াছি । পথে গাড়ীতে ‘নলি’ অপেক্ষা করিতেছে, আপনি একটু বাহির হইতে পারেন ?” যুবক

সংক্ষেপে উত্তর করিল “আমি আজ বড় অসুস্থ ।” আমি তখন ব্যগ্র-ভাবে বলিলাম, “তবে আপনি একটু এখানেই অপেক্ষা করুন, আমি তাহার নিকট হইতে এই আসিতেছি ।” এই বলিয়া স্বরিতপদে সদর রাস্তায় আসিয়া পড়িলাম, এবং কয়েক মুহূর্তের পর দলবলসহ সূশীলকে সঙ্গে বাড়ীতে উপস্থিত হইতে উপদেশ দিয়া, পুনরায় ডাক্তারখানায় প্রবেশ করিলাম । এবারে তাড়াতাড়ি আসিয়াই আমি দৃঢ়মুষ্টিতে বিধুর দক্ষিণ হস্ত ধারণ করিয়া, বস্ত্রাভ্যন্তর হইতে সেই নাগরা জুতা-খানি বাহির করিয়া বলিলাম, “দেখ দেখি বিধু, তুমি এ জুতা সেদিন রাত্রিকালে মহেশের হত্যাগৃহে ফেলিয়া আসিয়াছিলে কি না !”

\* আমার কথা শুনিয়া ও ভাবভঙ্গী দেখিয়া বিধু ফ্যাল ফ্যাল করিয়া আমার দিকে দৃষ্টিপাত করিল এবং স্বীয় হস্ত ছাড়াইয়া লইবার চেষ্টা পাইল । তখন আমি আমার মুষ্টি দৃঢ়তর করিয়া বলিলাম, “সে চেষ্টা বৃথা ; তুমি মহেশের হত্যাকারী, তোমাকে আমি গ্রেপ্তার করিলাম ।

ইত্যবসরে কনেষ্টবলসহ সূশীল বাবু সে গৃহে প্রবেশ করিলেন । আমি তাঁহাকে বলিলাম, “আসামী গ্রেপ্তার হইয়াছে, এক্ষণে থানায় চলুন ।”

বিধু এ সকল দেখিয়া-শুনিয়া একেবারে দমিয়া গেল । আমি তাহাকে লক্ষ্য করিয়া পুনর্ব্বার বলিতে লাগিলাম, “দেখ, বিধু, আমি সমস্তই জানিতে পারিয়াছি; তুমি হাড়কাটাগলিতে ‘নলির’ বাড়ী মহেশ কর্তৃক প্রহৃত ও অবমানিত হইয়া প্রতিশোধ লইবার মানসে, উত্তেজনা-বশে, সেদিনই মহেশকে খুন করিয়াছ । এ বিষয়ের সমস্ত প্রমাণাদি আমি সংগ্রহ করিয়াছি, এক্ষণে চল, তোমাকে হাজতে লইয়া যাইব ।”

আমি এতটুকু বলিয়া দেখিলাম, বিধু আমার সমস্ত কথা শুনিতেছে কি না সন্দেহ । কারণ, ক্রমে যেন তখন তাহার সংজ্ঞা বিলুপ্ত হইতে আরম্ভ করিল ।

তদনন্তর আমি তাহাকে জিজ্ঞাসা করিলাম, “বিধু, তুমি এক্ষণে কি বলিতে বা করিতে চাও ?” সে ভাঙ্গা ভাঙ্গা স্বরে উত্তর করিল, “মহাশয়, আমার কিছু বলিবার বা করিবার নাই । পাপ গোপনে



থাকে না । পাপের ফল অবশ্যই ভুগিতে হইবে ; চলুন, আমি কোথায় যাইব ।”

আমি বলিলাম, “তুমি হত্যাপরাধ স্বীকার করিতেছ ?” সে উত্তর করিল, “আর মিথ্যা বলিব না ; আমি হত্যা করিয়াছি ।”

আমরা সেখানে বসিয়াই উপস্থিত কতিপয় ভদ্র লোক সমক্ষে বিধুর স্বীকারোক্তি এবং তৎকল্পক বর্ণিত হত্যার আমূল বিবরণ লিপিবদ্ধ করিলাম ।

অবমানিত হইয়া, উদ্বেজনা-বশে যে এ ভীষণ কার্য্যে ব্রতী হইয়াছিল ; মহেশ যাহাতে চীৎকার করিতে না পারে, তজ্জন্তু যে পূর্বাঙ্কেই ক্লোরোফর্ম প্রয়োগ করিয়াছিল ; অনুসন্ধানকারীকে বিপথে চালিত করিবার জন্তু যে হত্যাগৃহে স্বেচ্ছাপূর্ব্বক নাগরাজুতা রাখিয়া আসিয়াছিল, একে একে এ সমস্তই বিধু স্বীকার করিল । এইরূপে বিধুর জমানবন্দী সমাপ্ত হইলে আমরা তাহাকে থানায় লইয়া চলিলাম ।

বলা বাহুল্য, এই অভূত-হত্যার মোকদ্দমা দায়রা সোপদ হইল, এবং দায়রায়, জজ সাহেব ও জুরির বিচারে, বিধুভুষণ চিরনির্ব্বাসন দণ্ডাজ্ঞা প্রাপ্ত হইল ।

শ্রীরজনীচন্দ্র দত্ত ।

হেডমাষ্টার, বেঙ্গুড়া পুল, (শ্রীহট্ট) ।



## দ্বিতীয় পুরস্কার ২০৭

### অদল বদল ।

#### প্রথম পরিচ্ছেদ ।

একদিন সে আজ কয়েক বৎসর পূর্বের কথা; কার্তিক মাসের শেষে একদিন : আমি—বেলা..বারোটার..সময়..যথারীতি..আফিসে..আসিয়া..বসিতেই : ..চাপড়াস..বন্ধ..এক..হিন্দুস্থানী মুসলমান..মুন্ডি আমার সন্নিহিতবর্তী হইয়া : বলিল ‘বড় সাহেব আপকো সেলাম দিয়া বাবুজি !’ বড় সাহেব আমা-  
দের ডিটেক্টিভ পুলিশের সুপারিণ্টেন্ডেন্ট; আমি তখন সবে ডিটে-  
ক্টিভ ডিপার্টমেন্টে প্রবেশ করিয়াছি; আমি ডিটেক্টিভের সবইন্স-  
পেক্টর, বাঙ্গালায় যাকে বড়ো ‘গোয়েন্দা দারোগা’ ।

বড় সাহেব আমার উপর কিছু প্রশ্ন ছিলেন; অল্প দিনের মধ্যে  
আমার কিঞ্চিৎ সুনামও জন্মিয়াছিল; এবং কোন জটিল মকদ্দমা ‘তদন্ত  
করিবার আবশ্যক হইলে; অনেক সময় সিনিয়ার দারোগার পরিবর্তে  
আমার উপরই তদন্তের ভার পড়িত । আজও সেইরকম একটা কিছু  
প্রত্যাশা করিয়া বড় সাহেবের ‘আফিস রুমে’ প্রবেশ করিলাম ।

সাহেব তখন মাথা গুঁজিয়া কি লিখিতেছিলেন; আমার গৃহপ্রবেশ  
মাত্র সাহেব এক চোখের চসমার ভিতর দিয়া একবার আমার দিকে  
চাহিলেন; এবং কোন কথা না বলিয়া বাম হস্তে আমার সন্মুখে একখান  
বাঙ্গালা খবরের কাগজ ফেলিয়া দিলেন; আমি তাহা কুড়াইয়া লইয়া  
খুলিলাম; নাম দেখিলাম ‘সদর ও মফঃস্বল’; ইহা কলিকাতা কিম্বা  
মফঃস্বলের কোন নগর হইতে বাহির হয় কি না জানি না; এখন পর্য্যন্ত  
ইহার অস্তিত্ব বর্তমান আছে কি না জ্ঞাত নহি; ইহা ‘সঞ্জীবনী’ অপেক্ষা  
কিছু ছোট আকারের সাপ্তাহিক পত্রিকা, এ কাগজ সর্ব প্রথম এই

দেখিলাম । প্রথম পৃষ্ঠা উলটাইতেই, ‘সম্পাদকীয় মন্তব্যের’ নীচে নীল পেন্সিলের মোটা দাগ দেওয়া একটা প্যারা আমার নজরে পড়িল, বুঝিলাম ইহাই দেখিবার জ্ঞাত সাহেব কাগজখানি আমায় দিয়াছেন, আমি প্যারাটি আগাগোড়া পড়িলাম ;—

“মালদহের বন্ধুবিহারী সাহা নামক একজন হাতুড়ে ‘কুন্তলীন’ নামক বিখ্যাত কেশ তৈলের বিক্রয়াদিকা দেখিয়া লাভবান হইবার আশায় ‘কুন্তলীনের’ নামের অনুকরণে ‘কুন্তল তৈল’ নামক এক প্রকার কেশ তৈল প্রস্তুত করিয়াছে, আমরা এই তৈল ব্যবহার করিবার জ্ঞাত এক শিশি উপহার পাইয়াছি, কিন্তু সৌভাগ্যবশতঃ ইহা ব্যবহার করিবার পূর্বেই ইহার অসাধারণ গুণের কথা অবগত হইয়াছি । এই তৈল ব্যবহার করিয়া দুই জন লোক ভব-যন্ত্রনা হইতে মুক্তির লাভ করিয়াছে, আর দুই জন লোক শঙ্কটাপন্ন অবস্থায় হাস-পাতালে পড়িয়া আছে, ডাক্তার সাহেব সম্বন্ধে চিকিৎসা করিতেছেন, রোগীদ্বয় বাচিবে কি না এখনো বলা যায় না ; নিজ মালদহ হইতে আমরা এ সংবাদ পাইয়াছি, বন্ধু সাহা ‘কুন্তল তৈল’ আর কোথাও কোন বিভ্রাট ঘটাইয়াছে কি না তাহা আমরা এখনো জানিতে পারি নাই । আমরা সংবাদ পাইলাম বন্ধু সাহা নামে ম্যাজিষ্ট্রেট গ্রেপ্তারী ওয়ারেন্ট বাহির করিবার পূর্বেই সে চম্পট দিয়াছে, পুলিশ এ পর্য্যন্ত তাহার কোন সন্ধান করিতে পারে নাই ।”

সংবাদটা দুইবার মনে মনে পড়িলাম । তাহার পর কাগজ খানা ধীরে ধীরে টেবিলের উপর রাখিয়া সাহেবকে বলিলাম “কিছু বুঝিতে পারিলাম না, বন্ধু সাহা হাতুড়ে সন্দেহ নাই; হাতুড়েদের মতই হয়ত সে কাণ্ডজ্ঞান হীন মুর্থ এবং হয়ত এই তৈলের বিভিন্ন উপাদানের রাসায়নিক ক্রিয়ায় ইহা বিষাক্ত হইয়াছে; কিন্তু এমন বিষাক্ত হইল যে তাহা মাথিয়াই দুইটা মানুষ মরিয়া গেল’ আর দুজন মর মর; তৈলে যে এমন কোন উগ্র বিষ ছিল তাহার কিছু প্রমাণ পাওয়া গিয়াছে ?”

সাহেবের লেখা শেষ হইয়াছিল, তিনি চেয়ার খানা অল্প ঘুরাইয়া লইয়া আমার মুখের দিকে চাহিলেন, এবং অল্প হাসিয়া বলিলেন,

“আমিও কিছু না বুঝিতে পারিয়া ম্যাজিস্ট্রেটকে একপান অফিসিয়াল পত্র লিখিয়াছিলাম, তিনি উত্তরে লিখিয়াছেন তৈলে যে উগ্র উদ্ভিজ্জ বিষ বর্তমান, পরীক্ষা দ্বারা তাহা প্রমাণিত হইয়াছে। মৃত ব্যক্তিদ্বয়ের পাকাশয় Chemical Examiner এর কাছে পাঠান হইয়াছিল, পাকাশয়ে এই বিষের অস্তিত্ব বর্তমান ছিল।

আমি আকাশ হইতে পড়িলাম, বিষয়পূর্ণ দৃষ্টিতে সাহেবের মুখের দিকে চাহিয়া বলিলাম, পাকাশয়ে বিষ পাওয়া গিয়াছে! তাহা হইলে আপনি বলিতেছেন তৈল মাখিয়া ইহারা মরে নাট, খাইয়া মরিয়াছে?”

সাহেব বলিলেন, “কাণ্ডটা আমার নিকটও আগাগোড়া রহস্য পূর্ণ বলিয়া বোধ হইতেছে। সমস্ত ঘটনার full report আমি পাঠি নাট, ম্যাজিস্ট্রেট বন্ধু সাহাকে পরিবার জ্ঞাত একজন expert ডিটেক্টিভ নিযুক্ত করিবার নিমিত্ত অক্লেশে করিয়াছেন,—বুঝিয়াছ তোমাকে ডাকিয়াছি কেন?”

এ সময়ে সাহেবের সঙ্গে আমার আরও দুই চারিটা কথা হইল। তাহার পর সাহেব সহসা দাড়ি খুলিয়া বলিলেন,—তোমাকে আজই লুপ মেলে নাটতে হইবে। আর ছ ঘণ্টা নাগ সময় আছে, এখন গুডবাই। টুপিটা মাথার তুলিয়া সাহেব কার্যান্তরে উঠিয়া গেলেন, আমিও আর বিলম্ব না করিয়া বাহিরে আসিলাম।

লুপমেল বেলা স তিনটার সময় ছাবড়া ছাড়ে; আমি তাড়াতাড়ি বাসায় আসিয়া দরকারী কয়েকটা জিনিস মাত্র একটা ট্রঙ্কে পুরিয়া ছাবড়া রওনা হইলাম। হেসেনে আসিয়া গাড়ী ছাড়িতে মিনিট দশেক মাত্র সময় ছিল, জিনিষপত্র গুছাইয়া গাড়ীর মধ্যে একটু ভাল করিয়া বসিতেই গাড়ী ছাড়িবার ঘণ্টা বাজিল, গাড়ের হইমূলে শিশ দেওয়া হইল, এবং প্লাটফর্ম কন্সপিত করিয়া ভস্ ভস্ শব্দে ট্রেন ছুটয়া চলিল।

রাত্রি প্রায় সাড়ে এগারটার সময় রাজমহলে উপস্থিত হইলাম। সেই রাতেই ডাকের নোকায় গঙ্গা পার হইয়া আমি গো-শকটের অনুসন্ধান করিতে লাগিলাম। গাড়ীর খোজ করিতেছি গুনিয়া পাঁচ সাত জন গাড়োয়ান আসিল, এবং আমাকে ঘেরিয়া দাঁড়াইয়া প্রায় এক

সঙ্গে সকলেই জিজ্ঞাসা করিল, “কাঁহা জানে হোগা সাব রাংরেজা ?” ‘রাংরেজা’ কিরে তাপু ? শেষে বুঝিলাম, ইংরেজবাজার বা ইংরেজাবাদ, মালদহের সিভিল স্টেশন ইহাদের নিকট এই সংক্ষিপ্ত নামে পরিচিত । পাঁচ সিকা মাত্র দিয়া আমি রাংরেজার জন্ত গাড়ী করিলাম । গাড়োয়ান আমার বিছানা বিছাইয়া দিলে, ধূলিধূসর মস্তকটি উপাধানে তুলত করিয়া শুইয়া পড়িলাম ।

### দ্বিতীয় পরিচ্ছেদ ।

সকাল বেলা যখন নিদ্রা ভাঙ্গিয়া গেল, তখন দেখি প্রভাত রৌদ্রে মুক্ত প্রকৃতি পরিপ্লাবিত, ধীরে ধীরে শীতল বাতাস বহিতেছে, গাড়ী প্রশস্ত পথ বহিয়া মন্তর গতিতে চলিতেছে, পথের উভয় পার্শ্বে মাটির উঁচু আইল দেওয়া ভুতের ক্ষেত, আমের বাগান, পাখীর কলগান, বনের ছায়া, ক্ষুদ্র ক্ষুদ্র পরিচ্ছন্ন কৃষক কুটীরে বালক বালিকার হর্ষ কল্লোল, আর অনেক দূরে ধূসর গিরি শ্রেণীর উপর প্রাতঃ-সূর্য্যের দীপ্তালোক, আমি গাড়ীর মধ্যে উঠিয়া বসিলাম ।

বেলা তিনটার সময় মালদহ আসিয়া পৌছিয়াছিলাম । সৌভাগ্যক্রমে আমাকে মালদহে আসিয়া কোন অপরিচিত ব্যক্তির আতিথ্য গ্রহণ করিতে হয় নাই, আমার বালা-বন্ধু কমলকৃষ্ণ বাবু সে সময় মালদহের ডিস্ট্রিক্ট স্কুল ইন্সপেক্টর ছিলেন, তাঁহার স্বদেহেই ভর করিলাম । তিনি আমাকে সহসা উপস্থিত দেখিয়া অত্যধিক আনন্দিত হইলেন । অপরাহ্নে স্নানাহার শেষ করিয়া, তাখুল চর্চন করিতে করিতে, আমি আমার এই আকস্মিক অভিজ্ঞানের বৃত্তান্ত তাঁহার নিকট বিবৃত করিলাম । দেখিলাম তিনি বন্ধু সাহার সম্বন্ধে অনেক কথা জানেন ; আমাকে কৌতূহলাক্রান্ত দেখিয়া তিনি তাহার সম্বন্ধে দুই এক কথা বলিলেন, আমি বলিলাম, “তাহার সম্বন্ধে যাহা জানিতে পারিয়াছ আগাগোড়া বল ।”

কমলকৃষ্ণ বাবু বলিতে আরম্ভ করিলেন,—

“বন্ধু সাহার অবস্থা এমন ছিল না যে আমি তাহার বিষয়ে কোন ধরনের রাখি, তবে তাহার পলায়নের পর বিষয়টা কিছু

interesting হইয়া উঠায় দিগম্বর বাবুর কাছে কথা প্রসঙ্গে যাহা শুনিয়াছি তাহাই তোমাকে বলি; দিগম্বর বাবু আমাদের এ অঞ্চলের একজন বড় জমিদার, প্রথম যৌবনে বহু তাঁহার একজন মোসাহেব ছিল; তাঁহাদেরই গ্রামের ছাত্রবৃত্তি স্কুলে সে কিছুদিন পড়িয়াছিল, কিন্তু সরস্বতীর অরূপাবশতঃ ছাত্রবৃত্তি পাশ করিতে পারে নাই, অবশেষে সে মালদহে আসিয়া ‘সারদাসুন্দরী (দিগম্বরের মাতার নাম) দাতব্য চিকিৎসালয়ের’ কম্পাউণ্ডারের এসিষ্ট্যান্ট নিযুক্ত হয়; কিছু দিন এসিষ্ট্যান্টগিরি করিয়া দিগম্বর বাবুর অনুগ্রহে তাহার কম্পাউণ্ডারের চাকরী লাভ হয়, কিন্তু দীর্ঘকাল তাহার চাকরী করা পোষাইয়া উঠিল না, সে সর্বদাই বলিত, প্রতিভাশালী ব্যক্তির কখন চাকরী করিয়া পোষায় না, প্রতিভা বিকাশই তাহাদের জীবনের উদ্দেশ্য, তাই সে চাকরী ছাড়িয়া আবিষ্কার কার্যে মনঃসংযোগ করিল, কিন্তু বাঙ্গালা দেশে নাকি সর্বদা সার্ব হুম্ফ্রে ডেভি বা ক্রিষ্টোফার কলম্বস জন্মগ্রহণ করে না, তাই বেচারার আবিষ্কারের মধ্যে তেমন originality ছিল না, অর্থাৎ সে যখন দেখিল প্রতিভা খাটাইয়া কিছু আবিষ্কারও করা চাই সঙ্গে সঙ্গে অর্থ উপাধুনও চাই, তখন আর কিছু আবিষ্কারের সুবিধা না পাইয়া ‘কুন্তল-তৈল’ নামে একটা কেশ-তৈল আবিষ্কার করিয়া ফেলিল। বোধ হয় কুন্তলীনের বিক্রয়াদিকা দেখিয়া ও তাহার খ্যাতির কথা শুনিয়া সে ইহার নামের অনুকরণে নিজের তৈলের নাম রাখিয়াছিল, এরকম অনুকরণ আজ কাল আমাদের দেশের একটা রোগ হইয়া দাঁড়াইয়াছে। যাহা হউক শুধু এই তৈল আবিষ্কার করিয়া ক্ষান্ত হইলেই হয় ত বেচারীকে কোন বিপদে পড়িতে হইত না, সঙ্গে সঙ্গে কয়েকটা নিরীহ লোকের প্রাণও যাইত না।”

আমি বাধা দিয়া বলিলাম—“বল কি তুমি, তাহা হইলে কি সে তৈল বিষাক্ত নয়? আমি বিশেষ প্রমাণ পাইয়াছি এ তৈলে উগ্র উদ্ভিজ্জ বিষ বর্তমান আছে।”

কমলকম্বু হাসিয়া বলিলেন, “আরে ভাই কথাটা শোনই, অনেক রহস্য আছে, বুঝিতেছ না মাখিবার তেল খাইয়া মানুষ মরিয়াছে, বিষ থাক বা না থাক, মাখিবার তেল আর কে খায়?”

আমি বলিলাম, “তোমার গল্প শেষ না হইলে আর এ রহস্যের অন্ত পাইতেছি না, —বল ।”

কমলকম্পে বলিতে লাগিলেন,

“বন্ধু সাহা শু্যু তৈল প্রস্তুত করিয়াই ক্ষান্ত হইল না, ভাবিয়া চিন্তিয়া পেটের ব্যাধারোগের একটা পেটে-ট মেডিসিন বাতির করিল, তাহার নাম দিল উদরাময়ের মহৌষধ । এই মহৌষধের আর কোন গুণ ছিল কি না জানি না, কিন্তু এমন ভয়ঙ্কর আঠালো যে তাহা আর কহতব্য নয়, বোধ করি এই মহৌষধ দিয়া ভাঙ্গা কাচও বোড়া দেওয়া চলে । এ পরিচর আমরা পরে পাইয়াছি, সেট কথাই এখন বলিব ।

তৈল ও উদরাময়ের ঔষধ আবিষ্কার করিয়া বন্ধু সাহা তাহার ভূতপূর্ব মনিব ‘সারদাসুন্দরী দাতব্য চিকিৎসালয়ের’ ও দিগবর বাবুর পারিবারিক চিকিৎসক ডাক্তার কে, সি, দত্ত এম্, আর, সি, পি (এডিন) মহাশয়ের নিকট ছুই শিশি উপহার পাঠাইল, এবং তাঁহাকে পত্র লিখিয়া জানাইল যে যদি তিনি এই তৈল ও মহৌষধের উপকারিতা সম্বন্ধে একটা সার্টিফিকেট দেন তাহা হইলে তাহার মহোপকার হয় । ডাক্তার জানাইলেন, ইত্যাদের গুণাগুণ পরীক্ষা করিয়া তিনি সার্টিফিকেট দিবেন ; শিশি ছাট আপাততঃ তাঁহার নিকট রহিল ।

### তৃতীয় পরিচ্ছেদ ।

কমলকম্পে বলিলেন,—“এই ঘটনার তিন দিন পরে মালদহের সেসন বসিল । রাজসাহীর সেসন জজ সাক্ষোপাঙ্গ সঙ্গে লইয়া দাওয়া করিতে আসিলেন । দেখিতে দেখিতে বিচারালয় সজীব হইয়া উঠিল, দাওয়া আরম্ভ হইবার দিন আদালতের সম্মুখবর্তী স্তব্ধ নিববৃক্ষ মূল ও অদূরবর্তী ছায়াচ্ছন্ন আশ্রয় তরুতল উকীল, মোক্তার, সাক্ষী, আসামী ও ফরিয়াদী পক্ষীয় লোক, স্কুলের ছাত্র, দোকানদার সর্ব্বশ্রেণীর জন সমাগমে এক বৃহৎ হাটের আকার ধারণ করিল, এক্রূপ হইবার বিশেষ কারণও ছিল, জন আরবখনট কোম্পানীর সহিত জমিদার দিগবর বাবুর একটা হাটের অধিকার লইয়া বিবাদ উপস্থিত হয়; এক দিন হাটে

উভয় পক্ষীয় লোকই উপস্থিত ছিল, কথায় কথায় তাহাদের মধ্যে বিবাদ বাড়িয়া গেল, প্রথমে মুখে মুখেই চলিতেছিল, শেষে লাঠি চলিতে লাগিল, আরবখনট কোম্পানীর এক পাঠকের লাঠিতে দিগদম্বর বাবুর একটা লাঠিখালের মাথা ভাঙ্গিয়া যায়, সেই আঘাতেই বেচারী মরিয়া গিয়াছে । দাপ্তরার প্রথম দিনই এই মকদ্দমার বিচার হইবে একপক্ষের হইয়াছিল, উভয় পক্ষই প্রবল, কলিকাতা হইতে দুই পক্ষই বড় বড় বারিষ্টার আনাষ্টরাছেন । পেটা খড়িতে চন্ চন্ করিয়া এগারটা বাজিয়া গেল, কনেটবল বেষ্টিত আসানী 'কাঠগড়ার' মধ্যে আনীত হইল, জজ সাহেব থাম কামরা হইতে বাহির হইয়া বিচারকের আসনে উপবেশন করিলেন, বারিষ্টার সাহেবেরা আসিয়া বিচারালয়ের বিভিন্ন কাষ্ঠাসন শোভিত করিয়া বসিলেন, এবং সামলা মাথায় দিয়া সরকারী উকীল বিচার গ্রহে প্রবেশ করিলেন ।

প্রথমে সরকারী উকীল মোকদ্দমার আরম্ভ করিলেন । মকদ্দমার করিয়াদী পক্ষের কয়েকজন প্রধান সাক্ষীর জমানবন্দী শেষ হইলে, একজন বড় রকমের সাক্ষীর সময় আসিল, এই সাক্ষী আর কেহ নহে, দিগদম্বর বাবুর পারিবারিক চিকিৎসক মিঃ কে, সি, দত্ত, এল্, আর্, সি, পি মহাশয় ।

কিন্তু এখনও তিনি উপস্থিত হন নাই, একে বিলাত ফেরত ডাক্তার, তাহার উপর আবার এল্, আর্, সি, পি (এডিন), মামলা মকদ্দমার তিনি তোরাঝাই রাখেন না, কিন্তু সেসন আদালতের কথা স্বতন্ত্র, তাহার উপর হাকিম যেরকম কড়া, খাতির না করিয়া উপায় নাই । কোটে যখন তাঁহার উপস্থিত হওয়ার দরকার ঠিক সেই সময়টিতে তিনি ছাট কোটে পরিশোভিত হইয়া, তাঁহার ডগকাট খানিতে করিয়া বিচারালয়ে উপস্থিত হইলেন ।

এখানে দত্ত সাহেবের কথা তোমাকে একটু বলি ; তাঁহার একটু প্রাকৃতিক বিকৃতি জন্মিয়াছিল, দুর্ভাগ্যবশতঃ সহপাঠ্যশালার নব-যৌবন বর্তমানেই পর্যন্ত বৎসর গ্রাহ্য বয়সে তাঁহার মস্তকের সম্মুখের নিবিড় কেশ রাশি উঠিয়া গিয়া ছই চারি গাছি মাত্র চুল মরুভূমে ওয়েশিসের



মত বিদ্যমান ছিল। বন্ধু সাহা তাকে পুনঃ পুনঃ অনুরোধ করিয়াছিল যেন তাহার আবিষ্কৃত কুন্তল তৈল যথারীতি ব্যবহার করা হয়, তাহা হইলে তাহার লুপ্ত কেশরাজি অঙ্কুরিত হইয়া তাঁহার অন্তর্কর মস্তক সুশোভিত করিবে। কাছারীতে সাক্ষী দিতে বাইবার কয়েক মিনিট পূর্বে বন্ধু সাহা সেই তৈলের কথা তাঁহার মনে পড়িল, শিশিটা তখনও খোলেন নাই, মনে করিলেন ‘তৈলটা একটু মাথায় লাগাইয়া যাই না কেন?’ শিশি বাহির করিয়া চাকরকে সেই তৈল তাঁহার মাথায় উত্তমরূপে লাগাইয়া দিবার আদেশ করিলেন। চাকরটা শিশির কর্ক খুলিয়া অর্ধ ছটাক পরিমাণ তরল পদার্থ তাঁহার মস্তকের উপর উত্তমরূপে অহুলিপ্ত করিয়া দিল। অতঃপর তিনি মস্তকে হাট আঁটয়া কাছারীতে সাক্ষ্য দিতে চলিলেন।

আমি তোমাকে একটা কথা এতক্ষণ বলি নাই, বন্ধু সাহা যে কুন্তল তৈল ও উদরাময়ের মহৌষধ আবিষ্কার করিয়াছিল, তাহাদের শিশি ঠিক এক রকমের, গুলিয়াছি শিশির উপর লেবেল লাগাইবার ভার দিয়াছিল একটা নিরক্ষর চাকরের উপর, চাকরটা লেবেলগুলি অদল-বদল করিয়া ফেলিয়াছিল, অর্থাৎ কুন্তল তৈলের লেবেল উদরাময়ের মহৌষধের শিশিতে লাগাইয়াছিল, আর মহৌষধের লেবেল লাগাইয়াছিল তৈলের শিশিতে; ইহাতে যে ফল ফলিল তাহা বৃষ্টিতেই পারিতেছ, কারণ আমি পূর্বেই বলিয়াছি উদরাময়ের মহৌষধটা ভয়ানক আঁঠালো জিনিস। কাজেই সেই আঁঠালো উদরাময়ের মহৌষধ অতি পরিপাটরূপে দত্ত সাহেবের মস্তকে লিপ্ত হইল।

কোঠের দ্বারদেশে উপস্থিত হইয়া তিনি হাট খুলিবেন, উঠাইতে গিয়া দেখেন তাহা মাথার উপর আঁটয়া বসিয়াছে। এরূপ অলৌকিক ঘটনার কারণ কি তাহা বৃষ্টিতে না পারিয়া তিনি আর একবার হাটের এক কোণ ধরিয়া সজোরে টান দিলেন, কিন্তু বৃথা চেষ্টা! শিরীষের আটা বরং ভাল, বিস্তর টানাটানিতে হাট একটুও নড়িল না, এদিকে টাকের উপর ঔষধ শুখাইয়া চামড়া টান ধরিয়াছে, মাথা চুলকাইবার

জজ তিনি অস্থির হইয়া পড়িলেন, কিন্তু হায়, হিমাচলের অভ্রভেদী শিরে চির বরফস্তূপের মত তাঁহার মস্তকে সোলা-হাট অটুট রহিল ।

এদিকে আর সময় নাই, তাঁহার আগের সাক্ষী অনেকক্ষণ সাক্ষীর ‘কাটরা’ হইতে নামিয়া গিয়াছে, অগত্যা তিনি হাট মাথায় দিয়াই সাক্ষীর কাটরায় উঠিলেন ; দেখিয়া অনেকে পূর্ণ বিশ্বাসে তাঁহার দিকে চাহিল, কারণ হাট মাথায় দিয়া কোন সাহেব বা বাঙ্গালীকে সাক্ষী দিতে আর কখনও তাহারা দেখে নাই ।

জজ সাহেবট কিছু অতিরিক্ত রোণা, সাক্ষীর তাঁহার হস্তে নিগ্রহ ভোগ করে বলিয়া একটা জনরব ছিল । জজ সাহেব ডাক্তারের মাথায় হাট দেখিয়া তৎপ্রতি দুই একবার তীক্ষ্ণ কটাক্ষ পাত করিলেন, কিন্তু ডাক্তারকে যখন হাট অপসারণ বিষয়ে সম্পূর্ণ উদাসীন দেখিলেন, তখন গম্ভীর স্বরে বলিলেন,

“আদালত গৃহে মাথায় হাট রাখা নিয়ম বিরুদ্ধ এ কথা একজন শিক্ষিত সাক্ষীকে স্মরণ করাইয়া দেওয়া লজ্জাজনক ।”

ডাক্তারের গলদঘর্ষ হইতেছে, তিনি বুকের পকেট হইতে রুমাল বাহির করিয়া ললাটের ঘর্ষ অপসারণ করিয়া বলিলেন, “মহাশয়, আমি ইচ্ছা করিয়া মাথায় হাট রাখি নাই, আমার—”

সাহেব—“আপনার ইচ্ছাতেই হোক আর অনিচ্ছাতেই হোক কোর্টে আপনার মস্তক উন্মুক্ত করিতে হইবে, ভারতেশ্বরীর বিচারাসনের প্রতি অসম্মান প্রকাশ করিবার আপনার অধিকার নাই ।”

ডাক্তার—“আমার ইচ্ছা বা অনিচ্ছা—”

সাহেব এবার গর্জন করিয়া উঠিলেন, বলিলেন, “আপনার ইচ্ছা বা অনিচ্ছার কথা কোর্টের জানিবার কোন আবশ্যক নাই, আপনি এই মুহূর্ত্তে হাট খুলিবেন কি না ?”

ডাক্তার—“কি বিপদ, কোর্ট কি আমার কথাটা—”

জজ সাহেব—ইহা নিতান্ত বেয়াদবী ! আমি আপনার কোন কথা শুনিতে চাহি না, আগে মাথা খুলুন, পরে কথা ; আর যদি বিন্দু মাত্র বিলম্ব করেন, তবে আমি আপনাকে—

ডাক্তার আবেগের সহিত বলিলেন, “মহাশয়, আমার কৈফিয়তটা শুনিয়া—”

জজ সাহেব এবার বুটিংএর রুলটা টেবিলের উপর আহঁড়াইয়া সক্রোধে চীৎকার করিয়া বলিলেন—“চাপড়াসী, আবি উকো। টোপী জোরসে উতার লাও, পেঙ্গার, আমি ইহাকে আদালত অবজ্ঞার জ্ঞা কুড়ি টাকা জরিমানা করিলাম।

পেঙ্গার জরিমানার ওয়ারেন্ট লিখিতে বসিল। চাপড়াসী ভজুরের হুকুমে ডাক্তার সাহেবের ছাট পুলিশার জ্ঞা সাক্ষীর কাটরার নিকট উপস্থিত হইল, কিন্তু ভাগকান্দি ডাক্তার সাহেবের বিরূপ ঘুসি উন্মো-  
লিত দেখিয়া আগাইতে ভরসা করিল না, এখন তাহার অবস্থাটা অনেক পরিমাণে

“না ধরিলে রাজা বধে ধরিলে ভজঙ্গ  
সীতার হরণে কথা মারীচ কুরঙ্গ।”

একদিকে জজ সাহেবের গুসার, অণ্ডদিকে ডাক্তারের ঘুসি, দুইটাই সমান আতঙ্কজনক—চাপড়াসী বেচারার প্রমাদ গণিল।

জজ সাহেব তাঁহার হুকুম তামিল হইল না দেখিয়া চেয়ার ছাড়িয়া লাফাইয়া উঠিলেন, চাপড়াসীর দিকে হাহিয়া উচ্চৈঃস্বরে হাঁকিলেন—  
“চাপড়াসী—গাধা, সূয়ার, তোমার কাণ্ডের ছায় জোরসে নেকালো উস্কে টোপী, আবি নেকালো, পেঙ্গার, আমি সাক্ষীকে আরো পঞ্চাশ টাকা জরিমানা করিলাম।

একে ত ভারি ধুমধামের মকদ্দমা, তাহার উপর বড় বড় ব্যারিষ্টার আসিয়াছে; পূর্বেই বলিয়াছি সহরের অধিকাংশ লোক আসিয়া জড় হইয়াছিল, বিচারের মধ্যপথে বিচার গৃহে এই প্রহসন আরম্ভ হওয়ায় ঘরের দ্বার ও বারান্দায় আর তিল ফেলিবাব স্থান রহিল না, সকলের দৃষ্টি ডাক্তারের উপর, বাপার দেখিয়া সকলেই শশবাস্ত, কিছু বসিতে না পারিয়া সকলেই বিষমাকুল। ডাক্তার সাহেব কিন্তু এত লোকের সাক্ষাতে ইরূপ অপনানিত হইয়া একেবারে ক্ষেপিয়া উঠিলেন, তাঁহার চোখ মুখ দিয়া আগুণ ছুটেতে লাগিল, ললাট বহিয়া টাট্ টন্ করিয়া ঘাম ঝরিতে

লাগিল, তাঁহার ধৈর্য্যের বাধন ছিঁড়িয়া গেল, জজ সাহেবকে লক্ষ্য করিয়া তিনি উচ্চঃস্বরে বলিলেন,—“পঞ্চাশ কেন, আপনি এই মুহূর্ত্তে পাচশো টাকা জরিমানা করুন না কেন, জরিমানার ভয়ে কে কখন অসম্মা কস্ম্ম সাধন করিতে পারে ? আপনি শুধু রাগই করিতেছেন, বুঝিতে পারিতেছেন না যে ছাটাট আমার মাথায় কায়েমীভাবে বসিয়া গিয়াছে ; আমি চেষ্টার ক্রটি করি নাই, কিন্তু হাজার টানাটানিতেও ইহা থুলিবে না । যাহা হউক আমি আপনার আক্ষেপ রাখিব না, দেখুন ইহা অশ্রু উপায়ে থুলি।” বলিয়া দত্ত সাহেব পকেট হইতে একখানা ছুরী বাহির করিলেন, এবং তাহা থুলিয়া সোলা-ছাটের উপর তাহার অগ্রভাগ বসাইয়া জোরে টানিলেন, তাহার পর সেই ফাঁকে অঙ্গুলি প্রবেশ করাইয়া সজোরে টানিতে লাগিলেন, সোলা-ছাটের ক্ষুদ্র প্রাণ সে বিষম টান সহ্য করিতে পারিল না পড় পড় শব্দে মাথার উপর হইতে ছাট উঠিয়া আসিল, মাথায় লুপ্তাবশিষ্ট যে দুই চারি গুচ্ছ কেশ বর্ত্তমান ছিল এই বিপুল টানে তাহাদেরও অস্তিত্ব লোপ পাইল, এবং ছাটের এক পরদা সোলা টাকটো ছুড়িয়া বিরাজ করিতে লাগিল, কি রকম শোভা হইল কিছু অনুমান করিতে পার ?” কমলকমল হাসিয়া আগাকে এই কথা জিজ্ঞাসা করিলেন ।

আগিও হাসিয়া উত্তর করিলাম, “তাহা আর পারি না ?”

‘ছাদিতা শরদভ্রংশ শশি লেখব দৃশ্যতে’, তার পর ?

“তাহার পর অ’র কি ? হাসির গররা পড়িয়া গেল ; সাক্ষী দেওয়া শেষ হইলে ডাক্তার অগ্নি-মুদ্রিতে আদালত হইতে বাহির হইয়া বন্ধু সাহাকে তেলের সার্টফিকেট দিবার জন্ত ঘোড়ার চাবুক হাতে করিয়া ছুটলেন, বন্ধু ঘরের দরজা বন্ধ করিয়া তাঁহার সার্টফিকেটের হাত হইতে সে যাত্রা রক্ষা পাইল । ডাক্তার মাথার পঙ্কোদ্ধার করিতে তিনখানা ‘ভিনোলিয়া সোপ’ খরচ করিলেন, মাথার গরম দূর করিবার জন্ত মাথায় দু বোতল ‘কুন্তলীন’ মালিশ করিতে হইয়াছিল, ইহার পর বোধ করি তাঁহার মাথা কিছু ঠাণ্ডা হইয়াছে ।”

## চতুর্থ পরিচ্ছেদ ।

কমলকৃষ্ণ বলিতে লাগিলেন, “ডাক্তারের এই ঘটনার পরদিন পাব্লিক ওয়ার্কস্ ডিপার্টমেন্টের ওভারসিয়ার মাথা ও ঘাড় উদ্ভিন্নরূপে চাদর দিয়া ঢাকিয়া আগার বাসার কাছে দিয়া যাইতেছিল, তখন বেলা আটটার বেশী হয় নাই ; আমি তাহাকে ডাকিয়া তামাক খাইতে বসাইলাম, দেখি বেচারী মাথায় পাকড়ি ‘ঙ’ হইয়া ঘাড় উচু করিয়া বসিল, আমি জিজ্ঞাসা করিলাম ‘তোমার মাথায় কি কোন রকম বেদনা হইয়াছে, না ঘাড়ে ফিক্ লাগিয়াছে ?’ ওরকম করিয়া চাদর জড়াইয়াছ কেন ?’ ওভারসিয়ার বলিল, ‘মহাশয় ছঃথের কথা আর কি বলিব, বন্ধু সাহা নামক একটা হাতুড়ে এই সহরে ‘কুন্তল তৈল’ নামে একটা তেল আবিষ্কার করিয়াছে । কাল রাত্রে তাহাই একটু মাথায় দিয়া শুইয়াছিলাম, মধ্যে মধ্যে আমার মাথাটা ঘোরে, ভাবিলাম, তেলটা বোধ হয় ভাল, সস্তাও বটে । তেলট মাথায় মালিশ করিবার সময় আমার চাকর বলিল ‘ভারি আঠালো তেল’, আমার চুর্সুন্ধি ! আমি বলিলাম, ‘আঠালো হোক, ভাল করে মালিশ কর ।’ সে মাথার কাছে আধ ঘণ্টাটেক বসিয়া মালিশ করিল, আমি ঘুমাইয়া পড়িলাম ; সকাল বেলা উঠিয়া দেখি, বালিশট মাথার সঙ্গে ঈদা জোড়া লাগিয়া গিয়াছে, কণ্ঠে স্বেদে বিছানায় উঠিয়া বসিলাম, বালিশটও যিশুখুঁড়ের ক্রুশ কাষ্ঠের মত মাথার সঙ্গে আড় হইয়া বাধিয়া উঠিল । কি করি, অনেক বিবেচনার পর খোল হইতে বালিশটা খুলিয়া ফেলা হইল, কিন্তু ওয়াড় ত মশায় আর কিছুতে মাথা ছাড়িতে চায় না, বিস্তর টানাটানি করিয়া দেখা গিয়াছে, আর এ বেশে বাহিরই বা হই কি করিয়া ?’ অগত্যা ঘাড়ে মাথায় চাদরটা জড়াইয়া একবার সেই ‘রাসকেলের’ কাছে যাইতেছি, অবস্থাটা একবার তাহাকে দেখাইয়া আসি । এমনি রাগ হইতেছে, বেটাকে যা কত দিয়া আসি আর বলিয়া আসি যে যদি আমার মাথার এ আটা না ছাড়াইয়া দেয় ত তার নামে ক্ষতি পূরণের মোকদ্দমা আনবো—’—ওভারসিয়ার চলিয়া গেল, কিন্তু বন্ধু সাহার বেরকম স্থখ্যাতি বাহির হইয়াছিল, তাহাতে তাহাকে হাজির পাওয়া

সহজ হইল না। ইহার দিন কয়েক পরে যখন তাহার ‘কুন্তল তৈল’-রূপি ‘উদরাময়ের মহৌষধ’ সেবন করিয়া দুই জন লোক মরিল, আর দুই জন সরকারী ডাক্তার খানায় আসিয়া মরণাপন্নভাবে তিন চারি দিন কাটাইয়া ডাক্তারের বিশেষ চেষ্টায় বাঁচিয়া উঠিল, তখন চারি দিকে একটা মহা হুলস্থূল পড়িয়া গেল, তাহাকে arrest করিবার জ্ঞাত ম্যাজিষ্ট্রেট ওয়ারেন্ট বাহির করিলেন। কিন্তু তাহার পূর্বেই যে সে কোথায় গা ঢাকা দিয়াছে, পুলিশের সাধ্য নাই যে তাহাকে খুঁজিয়া বাহির করে। তাহার অন্তর্ধানের পর তাহার বাসাখানা তল্লাসী করা হইয়াছিল, পাওয়া গিয়াছে কি জান? গোটা কত কেরোসিনের বাগ, একখানা ভাঙ্গা চৌকি, সরলজর চিকিৎসা, বিসৃচিকা দর্পণ, বৈজ্ঞানিক সামগ্রী প্রস্তুতের সহজ উপায়, প্রভৃতি কয়েকখানা পুঁথি, আর তাহার মহৌষধ কয়েক ডজন, এ সকল জিনিস এখন ম্যাজিষ্ট্রেটের নাজিরের জিহ্বায় আছে। এ সকল জিনিস যখন লইয়া যাওয়া হয়, তখন তাহার তুলো বাহির করা ময়লা বালিশটার নীচে দুখানা পত্র পাওয়া গিয়াছে, পত্র দুখানা ভারি মজার, দেখিতে ইচ্ছা করত কাল এক সময় ম্যাজিষ্ট্রেটের কোর্টে যাইও, হেড ক্লার্কের কাঁচ হইতে লইয়া দেখাইব।”

পরদিন কোর্টে গিয়া পত্র দুখানি দেখিয়া আসিলাম, দেখিলাম একখান বহরমপুর হইতে আর একখান বর্দ্ধমান হইতে আসিয়াছে। আমি হেড ক্লার্ককে বলিয়া একটা কাগজে পেন্সিল দিয়া পত্র দুখানা নকল করিয়া লইলাম। বর্দ্ধমানের পত্রখানি এইরূপ:—

মার্গবরেষু।

মহাসয়, এই কলীজুগে হরেক রকম জুআচুরির কতা হামেসা শ্রবন করিয়া আসিতেছি। কিন্তুক এ রকম জুআচুরি এই প্রথম দেখিলাম। অত্ৰ জুআচোরেরা ধন লইয়া খ্যাস্ত হয় কিন্তুক আপুনি প্রান পর্যাস্ত নষ্টো করিবার উপক্রোম করিয়াছেন। আমার মাতা ঠাকুরানি কিছু কাল জাবদ পেটের পীড়েন কষ্টো পাইতেছিলেন, বিধায় আপনার উদরাময়ের মহৌষদের বিজ্ঞাপন দ্রিষ্টে ঐ মহৌষদ আনা-

ইআ তাহাকে সেবন করিতে দিই, একবার সেবনের পর সীড়ে উপসোম হওয়া ছরের কথা তিনি ক্রমেসে তা ভেদ বমীতে অস্থির হইয়া পড়িলেন, অগত্যে ঔষদ বন্দ করিয়াছি। যাহা হইবার হইয়াছে, মাঠাঠাকুরানি পুন্দ্র পুত্রিফলে এজাহা রইথো পাঠিআছেন, আমার কাছে ফাঁকা দিআ যে দান আদায় করিয়াছেন, পত্রোপাট তাহা ফেরত পাঠাইবেন, নচেৎ আমি বঙ্গোবাসী পত্রিকায় আপনার জুআচুরির কথা প্রকাশ করিআপত্রো লিখিবো জানিবেন, অধীক লেখা বাতুল ইতি—

নিঃ প্রিন্ত্রানন্দ পরামাণিক ।

দ্বিতীয় পত্রখানি আরো অত, ভাষা এত পরিপুঙ্ক না হইলেও ইহা অপেক্ষা তাহাতে অধিক রস আছে, তাহা এই:—

শ্রীযুক্ত বি. বি. সাহা এণ্ড কোং

মালদহ ।

মহাশয়,

আমার পুত্র প্রিয়মান কৃষ্ণকিশোর সাতাল আপনার কুন্তল তৈলের বিজ্ঞাপন দেখিয়া ভান্নুপেএবল ডাকে ঐ তৈল এক শিশি আনাইয়া লইয়াছিল, কিন্তু আমার নিকট এ কথা প্রকাশ করে নাই; গুনিয়াছি ঐ তৈল মালিশ করিলে কেশহীন স্থানে কেশোদ্ভূত হয়, এই কথা বিজ্ঞাপনে পাঠ করিয়াই সে এ কাজ করিয়াছে; বাবাজীর মাথায় কেশ প্রচুর আছে, কিন্তু তাহার অষ্টাদশ বৎসর বয়স হইল, এ পর্য্যন্ত দাড়ি গোঁফের কোন চিহ্নমাত্র প্রকাশ না হওয়ায় বাবাজী কিঞ্চিৎ ব্যতিবাস্ত হইয়া তাড়াতাড়ী দাড়ী গোঁফ লাভের আশায় মুখ মণ্ডলে মালিশ করিবার অভিপ্রায়ে ঐ তৈল আনাইয়াছে, এবং মুখে এক দিন মাত্র মালিশ করিয়াছে, ঐ এক দিনের মালিশেই তাহার মুখে চিরস্থায়ী কালো বাণিসের পত্তন হইয়াছে, পিয়ার্দের সাবান দূরের কথা, নারিকেলের ছোবড়া ঘসিয়াও সে বাণিস চটাইতে পারিলাম না; বাবাজীবন লোক সমাজে মুখ দেখাইতে অক্ষম হইয়া বাড়ীর ভিতরেই সর্বদা বাস করিতেছেন, এবং কয়েক দিন হইতে স্কুলে যাওয়া বন্ধ হইয়াছে। তৈলের খোসবোটও অতি চমৎকার, বোধ করি ইহার মধ্যে কয়েক

ফোঁটা করিয়া ছারপোকা, তেলাপোকা, এবং ঝেলোপোকাকার আরক আছে, যাহা হটক কয়েক দিন ধরিয়া মুখের উপর এসেঙ্গ ‘দেলথোস’ লাগাইয়া গন্ধটাকে নষ্ট করা গিয়াছে, কিন্তু রঙ্গটি কিসে অন্তহিত হয় তাহা লিখিলে পরমোপকৃত হইব। দাম আর ফেরত চাই না। আপনার এ ব্যবসায় কত দিনের? সাবধান হটয়া ব্যবসায় চালাইবেন, নতুবা পেটের দায়ে পিঠে বিস্তর খাটতে হইবে। ইতি—

ই. নবকিশোর সাখ্যাল ।

আমি পত্র দুখানি নকল করিয়া লইয়া হেড্ ক্লার্ককে ফেরত দিয়া বলিলাম, “মহাশয় বন্ধু সাহায্য আসল বাড়ী কোথায় জানেন কি?”

হেড্ ক্লার্ক বলিলেন, “শিবগঞ্জ, এখান হইতে এগারো বারো ক্রোশ হইবে, গঙ্গাতীরবর্তী সমুদ্র গ্রাম, উচ্চা করেন ত ষ্টেমারে যাইতে পারেন, আই, জি, এন্, এন্, কোম্পানীর ‘তিলোত্তমা’ ষ্টেমার আজ বেলা চারিটার সময় সিরাজগঞ্জ ছাড়িবে।”

আমি প্রথমে ম্যাজিষ্ট্রেট ও তাহার পরে পুলিশ সুপারিনটেনডেন্ট সাহেবের সহিত সাক্ষাৎ করিয়া সেই দিনই ষ্টেমারযোগে সিরাজগঞ্জ যাত্রা করিলাম। সিরাজগঞ্জে বন্ধু সাহায্য বিস্তর অনুসন্ধান করিলাম, সেখানে তাহার নিজের ঘরবাড়ী কিছুই নাই, লোকটা আমার বাড়ী থাকিত, কিন্তু এই ঘটনার পর হইতে একেবারে নিরুদ্দেশ।

ঐ. দীনেন্দ্রকুমার রায়

বরোশ, গায়কান্ধ রাজ।





## তৃতীয় পুরস্কার ১৫৭

### অবগুচিতি ।

( ১ )

মাতা অনেক চেষ্টা করিয়াও মেয়ের চরিত্র সংশোধন করিতে পারিলেন না ।

দুই বৎসরের কথা শৈলবালাকে লইয়া জননী বামাসুন্দরী বিধবা হন । স্বামী রামজীবনের অবস্থা নিতান্ত মন্দ ছিলনা ; নগদ অর্থ ও যৎকিঞ্চিৎ ভূসম্পত্তি রাখিয়া তিনি পরলোক গমন করেন । সরিকী মোকদ্দমায় জমিটুকু রক্ষা করিতেই বামাসুন্দরীর নগদ অর্থগুলি নিঃশেষিত হইয়া যায় । সে আজ দশ বৎসরের কথা ; এক্ষণে এই যৎকিঞ্চিৎ ভূসম্পত্তি ও কথা শৈলবালাই বিধবার একমাত্র সম্বল ; তিনি ভাবিয়াছিলেন, কত্যাটিকে গুণবতী করিয়া যোগ্য পাত্রের সমর্পণ করিতে পারিলেই তাঁহার সাধ ও কর্তব্য পূর্ণ হয় । কিন্তু মায়ের শত চেষ্টাতেও মেয়ে মায়ের মনের মত হইল না !

শৈলর গুণের চেয়ে রূপের ভাগই বেশী ছিল । নিভৃত কাননের এক প্রান্তে বন-মল্লিকার গুহ্র কুটুলা যেমন আরণ্য প্রকৃতিকে খণ্ড সুষমায় অলঙ্কৃত করে, তাহারও অপূর্ণ রূপ রাশি বিধবার জীর্ণ কুটার শত শোভায় শোভিত করিয়া রাখিয়াছিলেন । শৈলর ক্ষুদ্র হৃদয়টুকু তাহার এই অপূর্ণ রূপগর্ভে সর্বদা ক্ষীত হইয়া থাকিত । সে পৃথিবীতে আর কাহাকেও আপনপেক্ষা সুন্দরী মনে করিতনা, এবং গ্রাম্য বালিকা বিদ্যালয়ের সতীর্ণা বালিকা বৃন্দের সহিত প্রতি কথায় তাহার নাসিকাদেশ ও অঙ্গুল কুণ্ডন পূর্বক যথাসাধ্য পরস্পর সন্নিহিত হইয়া এই ভাবই প্রকাশ করিত । শৈলর সঙ্গে কথায় কাহারও আঁটয়া

উঠিবার সাধ্য ছিলনা। মা যাহা বলিতেন শৈল তাহার বিপরীত করিয়া বসিত ! বামাসুন্দরী একাকিনী গৃহকার্যা করিয়া উঠিতে পারিতেন না। শৈল কোন দিন ভুলিয়াও তাঁহার সাহায্য করিত না। শৈলবালা আপনার ইচ্ছামত বিদ্যালয়ে “গুরুমার” নিকট “উপস্থিত” হইয়া বাকী সময় টুকু রায়েদের বকুল বাগানে, মুখুয্যেদের বাঁধা ঘাটে এবং ভুলু চাষীর ছোলার ক্ষেতে পুরুষোচিত ক্ষমতা ও গুণ বিস্তার করিয়া কাটাইয়া দিত। মাতা যদি কোন দিন শাসন করিতে গিয়া বলিতেন “শৈল, যেটের বাছা তুই সোমন্ত মেয়ে হ’তে চল্লি, এখনও কি তোর বুদ্ধি স্নদ্ধি হ’ল না? অমন করে পথে ঘাটে বেড়ান আর ভাল দেখায় না। এত বড় মেয়ে হ’লি, খড়গাছি ভেঙ্গে ত’খান কত্তে শিখলি না, আজ বাদে কাল পরের ঘর করবি, শাশুড়ী ননদে লাথি ঝাঁটা খেতে খেতে তোর জিউ যাবে, লক্ষী মা, বদতিরবংগুলো ছাড়”,—তাহা হইলে সেদিন মেয়েকে পাড়া হইতে খুঁজিয়া আনিতে এবং ভাত খাওয়াইবার জন্ত সাধিতে সাধিতে মাতাকে অনেকখানি বেগ পাইতে হইত।

( ২ )

পাত্র পাত্রীর রূপ গুণ থাক বা না থাক,—বঙ্গদেশের অত্যাধিক মৃত্তিকার গুণে তাহাদের বিবাহলতা সামাজিক “শুভঙ্করের” আখ্যা অনুসারে যথা সময়ে পুষ্পবতী হইতে ভুলেনা ! শৈলবালা “বিবাহ” অপেক্ষা বঙ্গ মহাশয়ের “নূতন পাঠ” এবং রায় মহাশয়ের “বকুল গাছটাকেই” বেশী বৃত্তিত। কিন্তু “পাড়া পড়সীর” চোখে যে ঘুম ছিল না, সেজন্ত একঘরে হইবার ভয়ে বামাসুন্দরী শৈলর পাত্রাঘেষণে বিলম্ব করা যুক্তিযুক্ত বলিয়া মনে করিলেন না।

কে মনে করিয়াছিল, অসহায়া দরিদ্রা বিধবার এমন অপদার্থ কন্যাটিকে গ্রাম্য-জমিদার-পুত্র সত্যেন্দ্রনাথ স্বয়ং বিবাহ করিতে ইচ্ছা প্রকাশ করিবেন ? আজ কাল প্রায়ই দেখিতে পাওয়া যায়, পিতামাতা যখন উপাধিধারী পুত্রের বিবাহের জন্ত পণ ও বৌতুকের লম্বা লম্বা ফর্দ প্রস্তুত করিতে ব্যস্ত থাকেন, তখন পুত্রটী বিশ্ববিদ্যালয়ের বিপুল

পুস্তক-স্তুপ হইতে আপনার শাস্ত্র নয়ন যুগল উৎসারিত করিয়া একটু সৌন্দর্য্যের জন্ত ইতস্ততঃ প্রধাবিত করেন এবং ভাবী পত্নীর সহিত “সূর্য্যামুখী”, “কমলমণি” অথবা “ভ্রমরের” সাদৃশ্য পাইতেই অধিকতর বাগ্র হন ! শৈলবালার সেই আধ-প্রক্ষুট সৌন্দর্য্যের অপূৰ্ণ মাধুরী কোন্ শুভক্ষণে সত্যোদ্ভবকে মুগ্ধ করিয়াছিল, কুসুমেশ্বর মকরকেতনই কেবলমাত্র তাহা অবগত আছেন !

জমিদার পুত্র জামাতা হইবেন, বামাসুন্দরী স্বপ্নেও ভাবেন নাই ! পাত্রপক্ষ প্রস্তাব করিবামাত্র তিনি সাদরে স্বীকৃতা হইলেন । সত্যোদ্ভব নাথের ত্রায় বিদান, ধনবান, সুরূপ, সচ্চরিত্র পাত্র কন্যাদান করিয়া তাঁহার আবেদনের মনোবাঞ্ছা পূর্ণ করিলেন । যে রূপরাশি বহু বকুলের অযত্নপ্রাপিত মালিকাতেই শতগুণে বদ্ধিত হইত, তাহা আজ পুষ্পরাগপ্রচিত সূৰ্য্যহারে সংযুক্ত হইয়া স্বামিগৃহ প্রত্যোদিত করিল !

( ৩ )

গ্রামের অন্ধৈক খানি জায়গা জুড়িয়া জমিদার অন্নদাগোবিন্দের বৃহৎ ভবন । রাজধানীর ধনি-প্রাসাদের ত্রায় ইহা শ্বেত মণ্ডর-স্ফটিক খচিতা, স্তম্ভচিসম্পন্ন (?) চিত্রাবলী পরিশোভিতা মনোহারিণী অট্টালিকা না হইলেও ইহাতে গ্রাম্য সৌন্দর্য্যের অভাব ছিল না ! পরিষ্কার পরচ্ছন্নতাই এই সৌন্দর্য্যের প্রধান উপাদান । “ড্রেনের গন্ধ ম্যালেরিয়া” ইহার ত্রিসীমানায় পদার্পণ করিতে পারিত না । সুস্বচ্ছ সরোবর সমূহ, তাহার চতুষ্পাশ্ব খজুর তাল নারিবেল বৃক্ষ সমাচ্ছন্ন; প্রত্যেক প্রকোষ্ঠের পর সূদৃশ উপবন বিচিত্র বর্ণ কুসুমে পরিশোভিত । মধ্যে মধ্যে আম্র, কাঁটাল, কদলী প্রভৃতি আবশ্যকীয় বিটপি-শ্রেণী । কোথায়ও সূর্য্যতল বাপী-সলিলে রাজহংস ক্রীড়া করিতেছে, কোথায়ও বা সুমন্দ মলয়ানিল-সঞ্চালিত রক্ত পদ্ম-থর !—এই কবিজন্যরাধা প্রকৃতি সুষমার তুলনা কোথায় ?

নিদাঘ অপরাহ্ন শেষ প্রায় । অন্তপুর দীঘিকার কালো জল ঘন বিভ্রান্ত আম্র বক্ষের ছায়া-পাতে আরও কালো হইয়াছে । ইতস্ততঃ কমলিনী কোরক ফুটিয়া উঠিতেছে । এমন সময়ে শৈলবালা নিস্তব্ধ

সোপানাবলী অলঙ্কার বাক্ষরে মুখরিত করিয়া জলে নামিল। তাহার নিমজ্জমান দেহ মৃণালে পূর্ণপরিফুট আনন-পদ্ম প্রাকৃতিক সরোজ-শোভাকে ম্লান করিয়া দিল ! সন্ধ্যায় প্রস্ফুট কমল দর্শন সকলের ভাগ্যে ঘটে না ;—কেবল অদ্রুত সহকার শাখাস্তরালে লুক্কায়িত থাকিয়া একটা ভাগ্যবান সুপুরুষ এই অনৈসর্গিক শোভা সন্দর্শন করিতেছিলেন—তিনি সত্যেন্দ্র নাথ !

হঠাৎ শৈলর দৃষ্টি সেদিকে পড়িল। সত্যেন্দ্রকে দেখিয়া শৈল তাড়াতাড়ি আদ্র বস্ত্র মাথায় টানিয়া দিল, তাহার এত সাধের বৈকালিক খোপাটী জলে ভিজিয়া গেল। সত্যেন্দ্র আর আশ্বগোপন করিয়া থাকিতে পারিলেন না। হাসিতে হাসিতে নিকটে আসিয়া বলিলেন “ছি শৈল, অবেলায় ভিজা কাপড় মাথায় দিও না, অসুখ করবে। শীগ্গীর ফেলে দেও।”

শৈল। তুমি ছষ্টুমী করিয়া আমার লুকিয়ে দেখুছিলে কেন ?

সত্যেন্দ্র। তা না হ'লে তোমাকে দেখতে পাই কই ? তোমার খালি তিন হাত ঘোমটা দেখে আমার লাভ ?

শৈল। তবে এখন বিবি সাজতে হবে নাকি ?

সত্যেন্দ্র। আচ্ছা আর কোন দিন লুকিয়ে দেখব না ; এখন ভিজে কাপড় ফেল।

ঘোমটা ফেলার কারণ যে শুধু লজ্জা, তাহা নহে ; শৈলর সেই বাল্য এক গৌরাম্মী এখনও দূর হয় নাই। সে ঘোমটা ফেলা দূরে থাক, আরও খানিক লজ্জা করিয়া টানিয়া বেণী জলে সরিয়া দাঁড়াইল।

সত্যেন্দ্র তখন আসল কথা পাড়িয়া বলিলেন “শৈল, তোমায় শুধু লুকিয়ে দেখবার জন্ত আসিনি, কালই আমি কলিকাতায় যাচ্ছি ; ভট্টাচার্য্য মশায়ের কাছে গিয়াছিলাম, তিনি সন্ধ্যার সময় যাত্রা করিয়া থাকিতে বলিলেন। একটু পরেই চলে যাব—, তাই একবার তোমার সঙ্গে দেখা করতে এলাম ; তাতে এমন যদি অশরাদ্ব হয় থাকে বল চলে যাচ্ছি।”

শৈলবালা এ সব কথায় নরম হইবার মেয়ে নয়, সে বলিল,

“তা কলিকাতায় যাবে যাওনা ; আমি ঘোমটা না খুলিলে কি কলকাতার রাস্তা খোলসা হচ্ছে না ?”

সত্যেন্দ্র হতাশ্বাস হইয়া পড়িলেন । সহসা বুদ্ধি করিয়া বলিলেন “তা নয় গেলাম, কিন্তু পূজার ছুটিতে আসবার সময় তোমার কি কি জিনিষ আনতে হবে তা’ না জানলে কেমন করে যাই ?”

এবার ঠিক জায়গায় ঔষধ পড়িয়াছিল । শৈল নরম হইয়া বলিল “তুমি কি কি আনবে আগে বল, তবে কাপড় ফেলবো ।”

সত্যেন্দ্র । তুমি যা চাইবে, তাই দিব । লক্ষ টাকার জিনিষ !

কথাটা ইটাত বলিয়া ফেলিয়া সত্যেন্দ্র কিছু অপ্রস্তুত হইলেন । কিন্তু শৈলের কাছে কাজের কথা ফাঁক যাইবার সম্ভাবনা নাই ; সে কথাটা ধরিয়া বলিল “আমিও তাই চাই—লক্ষ টাকার জিনিষ, তার কম হ’লে আর কোন দিন ঘোমটা খুলবো না । এই নাও—” বলিয়া শৈল মাথার কাপড় ফেলিয়া দিল !

মলিনসিক্ত হওয়ায় শৈলের রূপ আরও বাড়িয়াছিল ; কুন্তলীকৃত বেণী বহিয়া বারিবিন্দু কপোল ছড়াইয়া পড়িতেছিল, সত্যেন্দ্রনাথ সতৃষ্ণনয়নে এই অপূর্ব সৌন্দর্য্যসুধা পান করিতে করিতে “তবে আসি, শৈল,—” বলিয়া বিদায় গ্রহণ করিলেন ।

( ৪ )

পূজা আসিয়াছে । মেঘশৃঙ্খল নীল নিঃশল গগনে সুধাকর হাসিতেছে । দিক্‌বসনা প্রকৃতি পূর্ণাঙ্গী ; প্রতি পুষ্পপুত্রে, প্রতি নদীকলতানে, প্রতি কোকিল কাকলীতে, প্রতি গিরি-নির্ঝরে তাহার অতুল সৌন্দর্য্য উছলিয়া পড়িতেছে !

গ্রামপথ বহিয়া একখানি গোশকট চলিয়াছে । গাড়োয়ান একবার গরুর লেজগাছি মলিয়া দিয়া “মর, মর এদিকে” বলিতেছে ; কখনও হস্তস্থিত চক্ষরজুখানির সহিত গো-বেচারীর পৃষ্ঠস্থিত চন্দ্রের বল পরীক্ষা করিতেছে ! ভিতরে একটা যুবক আরোহী । তাঁহার মলিনতাক্রিষ্ট মুখমণ্ডল দেখিয়া বুঝা যায় কোন বিষাদপূর্ণ চিন্তা তাঁহাকে এই শারদীয় প্রকৃতির সুখ-উপভোগ হইতে বঞ্চিত করিয়া

রাখিয়াছে। যুবক আপনার পকেট হইতে একখানি পঠিত পত্র বাহির করিয়া পুনরায় পড়িতে লাগিলেন :—

“প্রিয়তম !

তোমার পত্রে জানিলাম, তুমি শীঘ্রই বাড়ী আসিতেছ। সেইদিন পুকুরের ধারে ঘোমটা ফেলার প্রতিজ্ঞাটী মনে আছে ত ? সেইটী স্মরণ করিয়া দেওয়ার জন্তই এই পত্র লিখিলাম ! লক্ষ টাকার জিনিষ ভুলোনা যেন, তাহা হইলে তোমার সঙ্গে আড়ি। ইতি

তোমার প্রেমাঙ্কির্ণা

শৈল ।

পত্র পড়িয়া সত্যেন্দ্রনাথ আরও চিন্তিত হইয়া পড়িলেন ! কি কৃষ্ণণে তিনি একটী বেকাস কথা বলিয়া ফেলিয়া ছিলেন, সেই দিন হইতে “ভাবিতে উচিত ছিল প্রতিজ্ঞা বপন”—এই নীতি বাক্যের তাৎপর্য্য মন্থে মন্থে অনুভব করিতেছেন ! এবার কলিকাতা গিয়া পড়াশুনাতেও বিলক্ষণ ক্ষতি হইয়াছে। পূজার বাড়ী আসিবার সময় কলিকাতা বাজারের অদ্বৈক দ্রব্য তিনি পোর্টমেন্টমাং করিয়াছেন, তথাপি প্রতিশ্রুতির পক্ষে বথেষ্ট হইল না মনে করিয়া চিন্তিত হইতেছেন।

দেখিতে দেখিতে গাড়ী জমিদার মহাশয়ের সিংহদ্বারে আসিয়া লাগিল। জিনিষ পত্র তোলার ধূম, ডাক্ হাঁক্, হৈ চৈ পড়িয়া গেল। পিতা মাতার মেহাশীর্ষাদ-সম্ভাষণ, অমুচরভৃত্যের আদর আপ্যায়িতের মধ্যে সত্যেন্দ্রনাথ বাড়ী আসিলেন, কিন্তু তাঁহার মনে সুখ নাই।

( ৫ )

এক হাত ঘোমটা টানিয়া শৈলবালা সত্যেন্দ্রের শয়ন মন্দিরে প্রবেশ করিল। সত্যেন্দ্র একখানি শোকার ঠেস্ দিয়া আকাশ পাতাল ভাবিতেছিলেন। শৈলকে দেখিয়া বলিলেন “শৈল ভাল আছত ?”

শৈল। বিবাতা যেমন রেখেছেন। শৈল কিম্বা ওসব বাজে কথায় ভুল্ছে না, আমার জিনিষ কোথায় ?

সত্যেন্দ্র। ঘোমটা না খুল্লে দিব না।

শৈল। না দিলে ঘোমটাও খুল্বে না।

সত্যেন্দ্র একটু শুষ্ক হাসি হাসিয়া পোর্টমেন্টের ভিতর হইতে একে একে আয়না, চিরুনী সাড়ী, বডি প্রভৃতি শৈলের পদপ্রান্তে রাখিতে রাখিতে বলিলেন “দেখ দেখি শৈল, এবার আরবারের চেয়ে কত বেশী জিনিষ এনেছি ;—এখন “দেহি পদ পল্লবমুদারম্”!

শৈল । তা “মানভঞ্জন” পালাই গাও আর “হুম্মানের বস্ত্রহর-  
নের” পালাই গাও, আমার জিনিষ চাই ই । এই বুঝি তোমার লক্ষ  
টাকার জিনিষ ! আয়না, চিরুনী আর বুঝি কেহ কোন দিন চক্ষে দেখে  
নাই । অত টাকার কথা দূরে থাক্—একটা নূতন জিনিষই বা কই ?

সত্যেন্দ্র যেন অকূল সাগরে তীর পাইলেন । তাঁহার মুখমণ্ডল  
হইতে চিন্তার কৃষ্ণ ছায়া অপসারিত হইল—বলিলেন “আচ্ছা, তার  
জন্ত কি ? এবার তোমার জন্ত নূতন জিনিষও এনেছি, এখন খুসী  
হবে তো ?” তারপর আর একটা বাক্স হইতে দুই শিশি “কুন্তলীন”,  
ও এক শিশি “দেলখোস্” বাহির করিয়া শৈলের হাতে দিয়া বলিলেন  
“দেখ কেমন নূতন জিনিষ ; আয়না, চিরুনীই যেন চক্ষে দেখিয়াছ,  
এমন সুন্দর সুগন্ধি তেল তো আর চোখে দেখা কপালে ঘটে নাই ।  
এখন ঘোমটা খুলিয়া একটু মাথায় দাও দেখি, তা হ’লে তোমার গরম  
মেজাজটা স্নান নরম হবে ।”

শৈল শিশিগুলি হাতে করিয়া নাড়িয়া চাড়িয়া রাগে তাপ্পলরস-  
রাগরঞ্জিত অধর দুইটী ফুলাইয়া বলিল—“ছাই, তেল, ছেলে ভুলাতে  
এসেছেন । আমি এ চাই না”—বলিয়া ঘরের মেজেয় শিশি তিনটী  
সজোরে নিক্ষেপ করিল । শিশি চূর্ণ হইয়া তৈলগুলি স্তম্ভস্বয় মেজে  
বহিয়া ঢেউ খেলিতে লাগিল !

আজ এই প্রথম সত্যেন্দ্র শৈলের ব্যবহারে মৰ্ম্মাহত হইলেন ।  
তিনি আর কোন বাক্যব্যয় না করিয়া শোফায় আসিয়া বসিলেন ।  
শৈলও ক্রোধভরে নিজ পালঙ্কে গিয়া শয়ন করিল ।

এতক্ষণ পঞ্চমীর ক্ষীণ চন্দ্র পশ্চিম গগনে হেলিয়া পড়িয়াছিল ;  
তাঁহার মুচ্ছাতুর মূচ্ছকররাশি উন্মুক্ত দ্বার ও বাতায়ন দিয়া তৈল-নিষিক্ত  
মেজেয় পড়িয়া অস্পষ্ট চন্দ্রমণ্ডল সৃজন করিতেছিল ! সত্যেন্দ্র বসিয়া

বসিয়া এই শোভন শোভা দেখিতেছিলেন । শৈল ইতঃমধ্যে রাগে ফুলিয়া ফুলিয়া ঘুমাইয়া পড়িয়াছিল ; কিন্তু তখনও সে দুই হাতে ঘোমটা ধরিয়া আছে, পাছে কেহ “চুরি করে চায়” ! এ রহস্য দেখিয়া সত্যেন্দ্রের মনে পড়িতেছিল :—

“আমার হৃদয় প্রাণ

সকলি করেছি দান,

কেবল সরমখানি রেখেছি !

চাহিয়া নিজের পানে

নিশিদিন সাবধানে

সবতনে আপনারে ঢেকেছি ।”

—ভাবিতে ভাবিতে সত্যেন্দ্রের চক্ষু দুটী মুদ্রিয়া আসিল, তিনি শোকাতেই নিদ্রিত হইয়া পড়িলেন !

( ৬ )

গভীর রজনী । হঠাৎ একটী গুরুতর পতন শব্দে সত্যেন্দ্রের নিদ্রাভঙ্গ হইল । ততক্ষণ চন্দ্রদেব অস্ত গিয়াছেন, প্রদীপও নিবিয়া গিয়াছে । সত্যেন্দ্র অল্পভব করিলেন, ঘরের মধ্যে কি যেন নড়াচড়া করিতেছে । তিনি ভয়চকিতচিত্তে তাড়াতাড়ি উঠিয়া আলো জালিয়া দেখিলেন একটা অপরিচিত লোক ঘরের মেজের পড়িয়া আছে ! শিশির চূর্ণিত এক থণ্ড কাচ তাহার দক্ষিণ পাঁজরায় দারুণ বিদ্ধ হইয়া গিয়াছে । স্থানে স্থানে আরও দুই চারি খানি কাচ ফুটিয়াছে । রক্তে তাহার সর্বাঙ্গ মাখিয়া গিয়াছে । উঠবার সামর্থ্য পর্যাস্ত নাই ! তাহার নিকটে একটী বৃহৎ বোচকা পড়িয়াছিল ।

সত্যেন্দ্রের চীৎকারে বাড়ীর ভৃত্যেরা দৌড়িয়া আসিয়া তাহাকে ধৃত করিল ! লোকটী কেবল কাঁদিতে লাগিল । অনেক জিজ্ঞাসাবাদ ও অগ্নিসন্ধানের পর জানা গেল,—সে একটী পাকা চোর । গভীর নিশীথে সত্যেন্দ্রনাথের গৃহদ্বার উন্মুক্ত থাকায় সুবিধা পাইয়া কোন ক্রমে প্রবেশ লাভ করে । তাহার সঙ্গে সুবুগিকর ঔষধ ছিল, তাহার আত্মাণ দ্বারা শৈলকে গভীর নিদ্রিত করিয়া তাহার গাত্রস্থিত যাবদীর্ঘ



বহুমূল্য অলঙ্কার এবং গৃহজাত অশ্রুত মূল্যবান দ্রব্যাদি যাহা পাইয়াছিল চুরি করিতেছিল। ঘরের খানিক মেজে যে তৈল পিচ্ছিল ছিল, সে তাহা জানিত না ! হঠাৎ পা দেওয়ায় পড়িয়া গিয়া এ চন্দ্রশা। তাহার নিকট সেই বোচ্কাটাতে শৈলর সমস্ত অলঙ্কার ও অপজত দ্রব্যাদি পাওয়া গেল। তাহাকে তৎক্ষণাৎ পুলিশে দেওয়া হইল !

পরদিন সত্যেন্দ্র শৈলকে নিঃজনে পাইয়া বলিলেন “কি শৈল, লক্ষ টাকার জিনিষটা বুঝলে ত কেমন ? এখন খুসী হইলে !”

ইতঃপূর্বেই শৈল তাহা বুঝিতে পারিয়াছিল। সে হাসিতে হাসিতে বলিল “হাঁ, ভাগ্যিস তেলটা এনেছিলে, তাই আমার লাখ টাকার গহনা পত্রগুলো পেলাম। এসব দেবতার কাণ্ড !”

সত্যেন্দ্র। খবরদার, আর কোন দিন ঘোমটা দিওনা যেন !

শৈল। খবরদার, আজই আমার জন্ত এক ডজন ঐ তেল আনতে পাঠান হয় যেন !

বলা বাহুল্য উভয়েই উভয়ের এই সাবধান-বাক্য পালন করিয়াছিল।

শ্রীসুরেশচন্দ্র সাহা

ঘোড়ামারা, রাজসাহী।



চতুর্থ পুরস্কার ১০১

## দুর্ভাগা ।

( ১ )

আমার পিতার নাম তারানাথ বন্দ্যোপাধ্যায় । তিনি ভাগলপুরে জজকোর্টের উকিল । ওকালতীতে তাঁহার বেশ পশার ছিল । আমি পিতা মাতার একমাত্র আদরিণী কন্যা । আমার আর ভাই বোন ছিল না । আমাদের বাড়ীর পাশে আর কোন প্রতিবেশী না থাকায়, আমার আর খেলার সাথী কেহ ছিল না । আমি নিয়ম মত লেখা পড়া করিতাম । মায়ের নিকট শেলাই শিখিতাম । বৈকালে পিতার উড়ানে বেড়াইতে যাইতাম । আমাদের একটি হরিণ শিশু ছিল । আমি উড়ানে গিয়া তাহার সহিত খেলা করিতাম । এইরূপে জীবনের নয় বৎসর অতীত হইল ।

( ২ )

আজ কয়েক দিন হইল আমার পিতা কোন কার্য্য বশতঃ কলিকাতায় গিয়াছেন । আজ তাঁর আসিবার কথা । কলিকাতা যাইবার সময় বাবা আমার জন্য অনেক জিনিষ আনিবেন বলিয়াছিলেন, সেইজন্য আমি আনন্দে তাঁহার আসিবার সময় প্রতীক্ষা করিতেছিলাম । যথা সময়ে আমার পিতা বাড়ী আসিলেন এবং তাঁহার সহিত একটি বালকও আসিল । ছেলেট দেখিতে ফুটফুটে সুন্দর বয়স আন্দাজ চতুর্দশ বৎসর । বাবা মায়ের নিকট ছেলেটির পরিচয় দিলেন । নাম নরেন্দ্রনাথ মুখোপাধ্যায়, পিতার নাম রমানাথ মুখোপাধ্যায়, সওদাগরি আফিসে ৬০১ টাকা বেতনে কর্ম্ম করিতেন । নরেন্দ্রনাথ অতি শৈশবে মাতৃহীন । রমানাথ বাবু দ্বিতীয় বার দার পরিগ্রহ করেন

নাই। আমার পিতার সহিত রমানাথ বাবুর অত্যন্ত প্রণয় ছিল। তাঁহারা উভয়ে একত্রে লেখা পড়া করিয়াছিলেন। পিতা কলিকাতা গিয়া পরদিনই রমানাথ বাবুর সহিত দেখা করিতে যান, গিয়া দেখিলেন তিনি বিস্ফটিকা রোগে আক্রান্ত হইয়াছেন। অনেক চিকিৎসা সত্ত্বেও তাঁহার জীবন রক্ষা হইল না। একমাত্র পুত্রকে অকূল দুঃখ-সাগরে ভাসাইয়া তিনি ইহলোক পরিত্যাগ করিলেন। মৃত্যুকালে তিন সহস্র টাকা ও নরেন্দ্রনাথকে আমার পিতার হাতে দিয়া বলিয়াছিলেন, “ভাই তারানাথ! আমি আমার পুত্রকে এবং এই টাকা তোমার হাতে দিয়া চলিলাম, তুমি উহাকে দেখিও।”

আহা নরেন বড় দুর্ভাগা।

( ৩ )

নরেন্দ্রনাথ আমাদের বাসায় থাকিয়া লেখা পড়া শিখিতে লাগিলেন। আমার জনক জননী তাঁহাকে পুত্রের স্থায় স্নেহ মমতা করিতেন। নরেন্দ্রনাথকে কয়েক দিন আমার পর পর ঠেকিল। তিনিও আমার সহিত কথা কহিতে লজ্জা বোধ করিতেন। কিছুদিন এইরূপে কাটিল।

এখন নরেন্দ্রনাথের সহিত আমার খুব ভাব। তাঁহাকে আমি জ্যেষ্ঠ ভ্রাতার স্থায় ভালবাসি এবং দাদা বলিয়া ডাকি। তিনি আমার নাম করিয়া অর্থাৎ বিনাপাণি বলিয়া ডাকেন। আমরা একত্রে লেখা পড়া করি। একত্রে আহার ও একত্রে ভ্রমণ করি।

এইরূপে আমার জীবনের আরও পাঁচ বৎসর অতীত হইল। আমার বয়স এখন চতুর্দশ বৎসর। আমি আজও অবিবাহিতা। জানি না কেন আজও আমার বিবাহ হয় নাই। আমার পিতার অর্থের অভাব ছিল না, আর আমি কুৎসিতাও নই। আমাকে সকলেই সুন্দরী বলিত। তবে কেন যে আমার বিবাহে এত বিলম্ব হইতে লাগিল তাহা বলিতে পারি না। এত বড় মেয়ে অবিবাহিতা বলিয়া যে আমার পিতা মাতার ভাবনা আছে সেরূপ বোধ হইত না। আমারও বিবাহের কথা বড় একটা মনে হইত না।

( ৪ )

এইরূপে পিতা মাতার স্নেহে ও আদরে আমার দিন যাইতে লাগিল । এখন আমি একলাই থাকি । নরেন্দ্রনাথের সহিত আমার বড় একটা সাক্ষাৎ হয় না । নরেন্দ্রনাথ এখন যৌবনে পদার্পণ করিয়াছেন । আর আমিও নিতান্ত বালিকা নই । এরূপ স্থলে তাঁহার সহিত সর্বদা সাক্ষাৎ হওয়া উচিত নয়, তাহা আমি বুঝিতাম । তবে নরেন্দ্র যখন অন্তরে আসিতেন তখন দাদা বলিয়া তাঁহার নিকট যাইতাম । তাঁহার কাছে পড়া বলিয়া লইতাম । কিন্তু নরেন্দ্রনাথ আমার সহিত কথা কহিতে যেন সঙ্কুচিত হইতেন । পড়া বলিয়া দিতে গেলে প্রায়ই গোলমাল হইয়া যাইত, প্রায়ই ভুল করিতেন । আমি যখন তাঁহার মুখের দিকে চাহিয়া পড়া বলিতাম তখন তিনি অত্যধিক মুখ ফিরাইয়া থাকিতেন । আমি পড়া মুখস্থ করিতে করিতে চাহিয়া দেখিতাম তিনি স্নেহ দৃষ্টিতে আমার দেখিতেছেন । আমি দেখিতে পাইলাম, দেখিয়া অপ্রস্তুত হইতেন ।

( ৫ )

একদিন বৈকালে আমি খিড়কীর বাগান হইতে বাড়ী আসিয়া জননীকে দেখিতে পাইলাম না । উপর নাচে সকল গৃহ অনুসন্ধান করিয়া কোন থানে তাঁহাকে না দেখিয়া ছাতে উঠিলাম । “নরেনের সহিতই বাগার বিয়ে দাও” হঠাৎ জননীর এই কথা আমি শুনিতে পাইলাম । আমারই বিবাহের কথা হইতেছে শুনিয়া আর অগ্রসর হইলাম না, সেইখানে দাঁড়াইয়া শুনিতে লাগিলাম । অনুমানে বুঝিলাম পিতাও তথায় আছেন । শুনিলাম পিতা বলিলেন—“বীণাপাণির সহিত নরেন্দ্রনাথের বিবাহ হইতে পারে না । আমার একমাত্র কন্যা ধনীর গৃহে বিবাহ দিব, শ্বশুর স্বাগতু থাকিবে, সাধ আত্মাদ করিবে । নরেন্দ্র ছেলে ভাল হইলেও উহার তিন কুলে কেহ নাই । নরেনের সহিত বীণার বিবাহ দিতে তুমি আর আমার বলিও না ।”

মা বলিলেন—“তোমার যখন মত নাই তখন আমি আর কি বলিব । কিন্তু নরেন্দ্রের সহিত বিবাহ হইলে ভালই হইত । উহার

মন্দ ঘর নয়। আমার বড় ইচ্ছা উহার সহিত বীণার বিয়ে দি। নরেন্দ্র দেখিতে যেমন সুন্দর তেমনি শাস্ত। ভূট্টা পাশও দিয়াছে। আর তাহা হইলে মেয়েকে শ্বশুর বাড়ী পাঠাইতে হইবে না। আমাদের ঐ একমাত্র মেয়ে, উহাকে শ্বশুর বাড়ী পাঠাইয়া কি লইয়া সংসারে থাকিব” — বলিতে বলিতে মার কথা জড়াইয়া আসিল। অন্তঃমানে বুঝিলাম মা কাঁদিয়া ফেলিলেন।

বাবা বলিলেন—“মেয়ে শ্বশুর বাড়ী পাঠাইতে কষ্ট হইবে বলিয়া কি হইবে! কত্কা চিরদিন শ্বশুরালয়ে থাকে ইহাই ত পিতা মাতার প্রার্থনা। চিরকাল পিতৃালয়ে থাকে ইহা প্রার্থনায় নহে। তুমি বলিতেছ নরেন্দ্র ভাল ছেলে। নরেন্দ্র যে সচ্চরিত্র ও বিদ্বান অবশ্য তাহা আমি স্বীকার করি। কিন্তু তাই বলিয়া যে আমার কত্কার সহিত তাহার বিবাহ দিতে হইবে তাহার কোন মানে নাই। আমি উহা অপেক্ষা ভাল ছেলে দেখিয়া বীণার বিয়ে দিব। নরেন্দ্রনাথকে আমি পুত্রের স্থায় স্নেহ করি। উহার যাহাতে ভাল হয় তাহাও আমি করিব। আমি ইচ্ছা করিয়াছি বীণার বিবাহের পরেই একটা সুন্দরী মেয়ে দেখিয়া নরেন্দ্রনাথের বিবাহ দিব। আর আজই কিছু আমি বীণার বিয়ে দিতেছি না। চতুর্দশ বর্ষ উত্তীর্ণ না হইলে বীণার বিবাহ হইতে পারে না। ভাল কথা, সেদিন কলিকাতা হইতে একজন বিখ্যাত জ্যোতিষী আসিয়াছিলেন। আমি তাঁহাকে বীণার অদৃষ্ট গণনা করিতে বলিলাম। তাহাতে তিনিও গণনা করিয়া ঐ কথা বলিলেন। চতুর্দশ বর্ষে বিবাহ হইলে বীণা নিশ্চয় বিধবা হইবে।” ইহা বলিয়া পিতা গভীর নিশ্বাস ফেলিলেন।

বাবার জুতার শব্দে বুঝিলাম তিনি শীঘ্রই নীচে আসিবেন সুতরাং ধরা পড়িবার ভয়ে আমি তাড়াতাড়ি পলায়ন করিলাম।

( ৬ )

জনক জননীর কথা শুনিয়া বুঝিলাম কেন আমার বিবাহ হইতে বিলম্ব হইতেছে। নরেন্দ্রের সহিত আমার বিবাহ হইবে একথা আমি কখন মনে করি নাই, নরেন্দ্রনাথকে ভাল বাসিতাম

বটে, কিন্তু সে ভালবাসা অল্প প্রকার। আমি নরেন্দ্রকে ভ্রাতার স্থায় ভাল বাসিতাম। কিন্তু জননীর মুখে একথা শুনিয়া ছুই একবার মনে হইয়াছিল; নরেন্দ্রনাথের সহিত আমার বিবাহ হইলে কি ভাল হয় ?

‘নরেন্দ্রনাথ রূপবান বিদ্বান ও সচ্চরিত্র; একরূপ স্থলে বিবাহ হইলে ভাল হয় বই কি’।

কিন্তু নরেন্দ্রনাথের সহিত বিবাহ হওয়াটা আমার যেন কেমন কেমনঠেকিল। যাহাকে চিরকাল দাদা বলিয়া ডাকিয়াছি, দাদার মতনই দেখিয়াছি, তাঁহার সহিত বিবাহ—ছিঃ !

( ৭ )

আমি চতুর্দশ বৎসর উত্তীর্ণ হইয়াছি। আমার বিবাহের সব ঠিক হইয়া গিয়াছে। শুনিলাম যিনি আমার স্বামী হইবেন তিনি এম,এ পাশ। আমার ভাবী স্বামীর একজন বড়লোক। বাড়ী কলিকাতায়। বিবাহের কথা শুনিয়া আমার বড় আনন্দ হইল।

আমার বিশাহের আর বিলম্ব নাই। পনের দিন মাত্র অবশিষ্ট আছে। বিবাহের জিনিষপত্র আনিবার জন্ত আমার পিতা কলিকাতায় গিয়াছেন। ছুই তিন দিন পরে তিনি আবশ্যকীয় দ্রব্য সকল লইয়া প্রত্যাগমন করিবেন। অত্যাণ্ড স্থানহইতে আগাদের আত্মীয়, কুটুম্ব সকল আসিয়াছেন। আমি পিতা মাতার এক মাত্র সন্তান। কারণেই আমার বিবাহে মহা সনারোহ।

( ৮ )

কাল বিবাহ। মা ট্রাঙ্ক পেটার হাতবান্ড প্রভৃতি সাজাইতে ছিলেন। আমার পিতাও তথায় ছিলেন। আমি দাঁড়াইয়া দেখিতেছিলাম! দেখিলাম মা ছুইটী সুন্দর শিশি আমার বাজে রাখিলেন। আমি এসেন্সের অনেক সুন্দর শিশি দেখিয়াছি কিন্তু এমন সুন্দর শিশি দেখি নাই। আমি ব্যগ্র হইয়া মাকে উহার নাম জিজ্ঞাসা করিলাম। আমার কথা শুনিয়া পিতা বলিলেন, ইহার একটী কুস্তলীন—অপরটী এসেন্স দেলথোস্; ইহা নূতন উঠিয়াছে। কলিকাতার এইচ্, বসু ইহার প্রস্তুতকারক। ইহার সুগন্ধ অতি মনোহর। তাই

তোমার জন্তু আনিয়াছি এই কথা বলিয়া পিতা কুন্তলীন ও দেলখোসের ছিপি খুলিয়া আমায় আগ্রহে লইতে বলিলেন । আহা কি মনোহর গন্ধ ! সুগন্ধে সে স্থান আমোদিত হইল ।

আমার আর আঙ্গাদের সীমা নাই । যথা সময়ে বর মহা সমারোহ করিয়া বিবাহ করিতে আসিলেন । গোবুল লগ্নে বিবাহ । খুব সমারোহের সহিত বিবাহ কার্য সম্পন্ন হইয়াগেল । শুভ দৃষ্টির সময় বর দেখিয়া আমি বড় সন্তুষ্ট হইলাম ।

বিবাহে নরেন্দ্রনাথ অত্যন্ত উৎসাহের সহিত নানা কাষ করিয়াছিলেন । তাঁহার যেন পূর্ব অঙ্গাদ হইয়াছিল । কিন্তু যখন তিনি আমার পিঁড়ে ধরিয়া সাত পাক ঘুরাইতে ছিলেন, তখন হঠাৎ তাঁর দিকে চাহিয়া দেখি মুখ বড় বিবর্ণ । কে যেন কালী ঢালিয়া দিয়াছে ! দেখিয়া আমি চমকিয়া উঠিলাম !

সকলে বর কণ্ঠা লইয়া বাসরে যাইতেছে, এমন সময় শুনিলাম নরেন্দ্রনাথ হঠাৎ অচেতন হইয়া গিয়াছেন । শুনিবা মাত্র আমরা তথায় গেলাম । গিয়া দেখি আমার পিতা মাতা তথায় আছেন । নরেন্দ্র অচেতন অবস্থায় বাবার কোলের উপর শুইয়া আছেন । মা বাতাস দিতেছেন । অনেক গুণ্ণার পর তাঁর চৈতন্য হইল । তিনি কিছু অপ্রস্তুত হইয়া বলিলেন, “বড় পরিশ্রম করিয়াছিলাম, গরমের জন্তু বোধ হয় এইরূপ হইল । এখন একটু নিদ্রা গেলেই সব ভাল হইয়া যাইবে ।” তদনুসারে আমার পিতা একজন ভৃত্য সঙ্গে দিয়া “তাঁহাকে শয়নগৃহে যাইতে বলিলেন নরেন্দ্রনাথ অতৃপ্ত নয়নে একবার আমার দিকে চাহিয়া চলিয়া গেলেন । আমরাও বাসরে গেলাম ।

পর দিন প্রাতে নরেন্দ্রনাথকে কেহ দেখিতে পাইল না । সকলে মনে করিল কোথায় গিয়াছে এখনই আসিবে । ক্রমে বেলা হইল, তবু নরেন্দ্রের দেখা নাই । পিতা ভাবিত হইয়া নানা স্থানে লোক পাঠাইলেন কিন্তু সকলেই বিফল হইয়া ফিরিয়া আসিল । নরেন্দ্র আসিলেন না, কেহই তাঁর দেখা পাইল না । মা কাঁদিতে লাগিলেন । পিতা নিজে অনুসন্ধান করিতে বাহির হইলেন । নরেন্দ্রের

জন্ম আমারও বড় কষ্ট হইল। কাঁদিতে কাঁদিতে নরেন্দ্রের শয়ন ঘরে  
গেলাম। শূন্য গৃহ, নরেন্দ্র নাই। শয্যা বসিয়া হঠাৎ বালিস তুলিয়া  
দেখি একখানি পত্র আমারই নামে লেখা। বাস্তবাবে পত্র খুলিয়া  
পড়িলাম—

বীণাপাণি !

আমি শৈশবে পিতৃ মাতৃহীন হইয়াছিলাম। কিন্তু তোমাদের  
বাড়ীতে আমি বড় সুখে ছিলাম। আমি মনে মনে একটা দুরাশা  
পোষণ করিতে ছিলাম। আমি দুর্ভাগা, আমার সে আশালতা ছিন্ন  
হইয়াছে। গৃহবাসে আমার সুখ নাই, তাই গৃহত্যাগ করিলাম।  
আমার অন্তরোধ তোমরা আমার অতঃসন্ধান করিও না। আশী-  
র্বাদ করি তুমি চিরসুখিনী হইয়া অক্ষয় সুখে কালযাপন কর।

পত্র পড়িয়া মাথার হাত দিয়া বসিয়া পড়িলাম। চোখের জলে  
আমার বুক ভাসিয়া বাইতে লাগিল। আমিও মনে করিলাম—

আহা, নরেন বড় দুর্ভাগা।

ঈ.ম.তী সরমা দেবী

মজফেরপুর।





## রঞ্জিয়া ।

( ১ )

গ্রামের একটি নিভৃত প্রান্তে ক্ষুদ্র বাগানবাড়ী আমাদের বাসস্থান । আমাদের একখানি ক্ষুদ্র একতলা বাড়ী; তাহার সম্মুখে একটি পুষ্করিণী এবং সেই পুষ্করিণীর চারিদিকে সুপারি, নারিকেল এবং আম গাছের ঘন শ্রেণী । বাগানের একটি দ্বার পরিষ্কার করিয়া সেখানে দেশী ও বিদেশী ফুলের গাছ লাগাইয়াছিলাম এবং মধ্যস্থলে একটি লতাগৃহই আমার চিন্তামন্দির । অন্ন সংস্থানের চেষ্টায় ঘুরিবার আব-  
শ্যক ছিল না ; পিতার কোম্পানীর কাগজের সুদেই চলিয়া যাইত । আমি আমার জীবনের অগণ্য অবসর অধ্যয়ন এবং চিন্তাতে কাটাইয়া দিতে সক্ষম করিয়াছিলাম । প্রতিদিন কাবাগম্ব লইয়া আমার পুষ্পকুঞ্জে আশ্রয় গ্রহণ করিতাম । কল্পনা ধীরে ধীরে আসিয়া আমার মনকে বিশ্বরাজ্যের কত অনাবিস্কৃত অমরাপুরীতে লইয়া যাইত ! কত শকুন্তলা, কত বসন্তসেনা, কত রত্নাবলী, কত মহাশ্বেতা, কত জুলিয়েট, কত মিরাপ্তা আমার সেই ক্ষুদ্র নিকুঞ্জ গৃহখানির চারিদিকে উঁকি দিত । প্রাণ ভরিয়া কাবাসুখা পান করিতে করিতে আত্মহারা হইতাম । মেঘমুক্ত আকাশের মধ্য দিয়া পাখী উড়িয়া যাইত—গ্রাম্য পথ দিয়া পথিক সুখ হৃৎথের গান গাহিয়া চলিত ; আমার মন চারিদিকের কোলাহল ও বাস্তবতা উল্লঙ্ঘন করিয়া কোন এক অজানিত দেশে স্বপ্নরাজ্য রচনা করিত !

এমনি একটি মধুর ললিতরাগের স্বনি লইয়া জীবনের নবউষা জাগরিত হইল । বিশ্বের নিষ্কলঙ্ক সৌন্দর্য্যামাধুরী আমার জীবন-প্রভাতে ধীরে ধীরে ফুটিয়া উঠিতে লাগিল ।

তার পর সহসা একদিন চাহিয়া দেখিলাম আমার হৃদয়-কানের শত সহস্র কুসুম কাহার নূপুর শব্দে যেন বিকশিত হইয়াছে—কাহার মধুর স্পর্শে যেন স্তবকে স্তবকে অশোক কুরুবক নয়ন মেলিয়াছে ।

সেদিন সমস্ত বিশ্ব বসন্তের পুলক কম্পনে ঢঞ্চল হইয়া উঠিয়াছিল । মধুকণ্ঠ কোকিল সেদিন মধুর কুজন করিতেছিল ; সমস্ত প্রকৃতি কোন এক অজ্ঞাত আনন্দে যেন নাচিয়া উঠিতেছিল । এমনি একটা সুমধুর স্মৃতিজড়িত নিশাথে সুকুমারী আসিয়া আমার হৃদয়ে আসন স্থাপন করিল । জ্যোৎস্না প্রাবনে সমস্ত জগৎ ভাসিয়া যাউতেছিল—নিশাথের সুপ্ত বক্ষ বাসরানন্দে আন্দোলিত হইতেছিল—এমনি সময়ে চারি চক্ষুর মিলন হইল ।

হয়, আজ কত দিন পরে জীবনের সে পুরা মুহূর্তের কথা মনে পড়িতেছে ! সত্যই কি সেদিন একটা রীড়াবনতা বালিকার কোমল অঙ্গুলি স্পর্শে আমার জীবন তস্থীর প্রতি আশা, প্রতি ভরসা মোহন বক্ষারে বাজিয়া উঠিয়াছিল !

কি জানি কি হইয়াছিল ! তবুও যেন মনে হয় কোন সুখ যেন অতীতের সহিত জড়িত হইয়া রহিয়াছে । তাই আজ জীবন-সন্ধায় সেই কনককিরণময় উবার কথা ভাবিতেছি । কত দিন চাণিয়া গিয়াছে ; যে ভাবে জীবন আরম্ভ করিয়াছিলাম সে ভাবে তাহা শেষ করিতে পারিলাম না । মধ্যাহ্নের উজ্জল আলোক নিবিড় ঘন ঘটায় আচ্ছন্ন হইয়াছে ; শুধু মাঝে মাঝে সেই অন্ধকার অপসারণ করিয়া আমার সেই হান্তময়ী স্মৃতি আসিয়া উপস্থিত হয় ।

আমাদের হৃদয়ে তখন বার্ষিক্তরাগ-রঞ্জিত প্রগাঢ় প্রেমাকাঙ্ক্ষা অঙ্কিত ছিল । প্রাণের মধ্যে তখন নবীন সূর্য্যের সূর্য্যস্পর্শ আলোক অরুণভব করিতাম । কি এক অপূর্ণ মোহে আমরা সমস্ত বিশ্ব নূতন সৌন্দর্য্যে ভূষিত দেখিতাম । তখন বৃষ্টি বনদেবী আমাদেরই জন্ত কাননে পুষ্পাস্তরণ বিস্তীর্ণ করিত, মন্দ সমীরণ বৃষ্টি আমাদেরই জন্ত চম্পক সুগন্ধ বহন করিত । জীবনের সেই অভিনব উষা এমনি সুখে আরম্ভ হইল । কত সুন্দর পুষ্প রঞ্জের সহিত আমাদের স্নেহ স্মৃতি

জড়িত হইয়া রহিল—কত শত উপল থাও আমার স্নকুমারীর নাম  
অঙ্কিত রহিল !

( ২ )

আমাদের এ আনন্দের সঙ্গিনী ছিল রঙ্গিয়া। ক্ষুদ্র বালিকা  
তাহার হৃদয়ের অপরিমীম স্নহরাশি লইয়া স্নকুমারীর পিতৃগৃহ হইতে  
তাহার সঙ্গে আসিয়াছিল। উত্তর পশ্চিমের কঙ্করময় ভূত্যাে জন্ম-  
গ্রহণ করিলেও তাহার হৃদয় বঙ্গদেশ স্নলভ কোমলতায় পূর্ণ ছিল।  
পিতৃ মাতৃহীন রঙ্গিয়া বাল্যকাল হইতেই স্নকুমারীর সঙ্গিনী। স্নকুমা-  
রীর পিতা মাতা রঙ্গিয়াকে কত্যা নিষ্কিন্ণশেষে পালন করিয়াছিলেন ;  
উভয়ে এক বস্ত্রে দুইটি অপরিষ্কৃত কুসুম কোরকের ত্রায় শোভা  
পাইয়াছিল।

জন্ম জন্মান্তরে বিগ্নত প্রায় কোনও স্নহস্বত্রে তাহাদের হৃদয় গাথা  
হইল কিনা জানি না, কিন্তু যে অপরিমীম স্নহ, অন্তরের যে দেবভোগ্য  
সোখ্য সম্বন্ধে তাহারা পরস্পরকে জড়াইয়া ধরিয়াছিল তাহা এ পৃথিবীর  
নহে স্বর্গের। রঙ্গিয়া স্নকুমারীর হাসি মুখ দেখিলে প্রফুল্লমুখী  
হইত, আর তাহার মুখে একটু বিষাদ কালিমা দেখিলেই মলিনা হইত।  
আমাদের মিলনানন্দের মধ্যে সে চঞ্চলা গিরি-নির্বাহিনীর ত্রায় হাসিয়া  
হাসিয়া বেড়াইত। প্রতিদিন স্নকুমারীর কেশরাশি “কুন্তলীনে” রঞ্জিত  
করিয়া দিত, তাহার চূর্ণ কুন্তল “দেলখোসে” স্নবাসিত করিত। আমা-  
দের মনে অভিমানের মধ্যে সে অগাচিতভাবে প্রণয়দৃষ্টীর অভিনয়  
করিত ; স্নকুমারীকে মনের মত সাজাইত। আড়াল হইতে আমাদের  
মিলন দেখিত। কিন্তু তাহার এ সকল বাহ্যিক স্নহ পরিচয় ব্যতীত  
তাহার হৃদয়ের অন্তঃপুরে নিভতে যে সহস্র সহস্র পুষ্প প্রতিদিন মধুর  
আনন্দ-কিরণপাতে ফুটিয়া উঠিত তাহা লোক চক্ষুর অগোচর হইলেও  
দুর্লভ এবং আদরণীয়।

এইরূপে আমাদের জীবন কাটিতে লাগিল। তখন ভাবিতাম এ  
সংসার বুকি কেবল স্নখেরই স্থান, এখানে বুকি কেবল প্রণয়ের অক্ষুট  
ও কোমল স্নকপোত কুজন, এখানে বুকি কেবল অসীম সৌন্দর্য্য এবং

বিশ্বের অনন্তকালব্যাপী সঙ্গীতই নিরন্তর বাজিতেছে। তখন জানিতাম না যে পৃথিবীর এ মিলনের মধ্যে কেবল একটা করুণ বিরহ-বেদনা জাগিতেছে, তখন জানিতাম না যে অনন্ত জীবন সঙ্গীতের মধ্যে কেবল মরণ ঝঙ্কারই বিরাজ করিতেছে। অবশেষে এমন দিন আসিল যেদিন জীবনের সে ভুল বুঝিলাম।

এক শারদীয়া পূর্ণিমা রজনীতে আমরা আমাদের ক্ষুদ্র “জলিবোট” খানি সরোবরে ভাসাইয়া দিলাম। শৈবাল বিকীর্ণ সরোবরতলে জ্যোৎস্না ঘুমাইয়া পড়িয়াছিল, দাঁড়ের শব্দে সহসা জাগরিত হইল এবং ক্ষুদ্র ক্ষুদ্র বীচিমালায় আরোহন করিয়া চঞ্চল বালিকার মত সরোবর বক্ষে বিচরণ করিতে লাগিল। আমি দাঁড় টানিয়া বোটখানিকে মধ্য সরোবরে লইয়া গেলাম। দাঁড় ছাড়িয়া দিয়া বসিলাম। সুকুমারী আমার বক্ষে মাথা রাখিয়া জ্যোৎস্নামধুর গগন পানে তাকাইয়া রহিল। মন্দান্দোলিত ক্ষুদ্র ক্ষুদ্র তরঙ্গমালা আমাদের বোটে আঘাত করিতে লাগিল। আমার বক্ষে সুকুমারীর অনিন্দ্য সুন্দর মুখ তাহার উপর চন্দ্রকিরণ ক্রীড়া করিতেছিল, দূরে পাখিয়ার নিশীথ সঙ্গীত মিশাইয়া যাইতেছিল। তীরে কুসুম কুঞ্জে আলো ও ছায়ার শুভ সম্মিলন। সেই আলো সেই ছায়া এবং তরঙ্গমালার সেই অক্ষুট পলিতে সেটপানে এক অপূর্ণ কাব্যবৃৎ সমাবেশ হইয়াছিল।

ধীরে ধীরে সুকুমারী মাথা তুলিয়া বলিল—“প্রিয়তম, আমরা আমাদের জীবন-তরণী কি এমনি মধুর জ্যোৎস্না মধ্যে বাহিয়া লইয়া যাইতে পারিব?” আমার মনে কি হুটতেছিল? আমি দেখিতেছিলাম এমন মধুর সংসার, এমন মধুর রজনী এই দ্রাবলক্ষী কালো একখানি মেঘ উহা কি এক মুহুর্তে এই জ্যোৎস্না এই আলো নিভাইয়া দিতে পারে না? সুকুমারী ধীরে ধীরে আবার বলিল—“প্রিয়তম, আমার কি ইচ্ছা হয় বলিব?” আমি তাহার মুখের পানে তাকাইয়া রহিলাম। সুকুমারী বলিল—“আমার, ইচ্ছা হয় এই মধুর দৃশ্যে এমনি সময় এমনি করিয়া তোমার বক্ষে মাথা রাখিয়া মরি।” একটা শোকপূর্ণ হাহারব গগন বিদীর্ণ করিয়া চলিয়া গেল। আমার চক্ষে জল আসিল!

সুকুমারী-আমার চক্ষের জল মুছাইয়া দিয়া বলিল—“ছি প্রিয়তম, কাঁদিও না; তোমায় ছাড়িয়া যাইতে কি আমার ইচ্ছা হয়?”

( ৩ )

কিন্তু জানি না সেট রাত্রি হইতেই আমার মন যেন কেমন উদাস হইল। সুকুমারীর প্রতি হাসি প্রতি কথাতে যেন একটা বিষাদের সুর অল্পভব করিতাম। মনে হইত আমার হৃদয়ের একটা স্থান যেন অপূর্ণ হইতে চলিয়াছে। সুকুমারীকে সর্বদা চক্ষে চক্ষে রাখিতাম। সুকুমারীও আমার মনের দৃষ্টিস্তা দূর করিবার জন্ত যথাসাধ্য চেষ্টা করিত; কিন্তু সেট পুণিমা রজনীতে আমার হৃদয়ে যে কালিমা পড়িয়াছিল তাহা আর কিছুতেই অপমৃত হইল না।

সুখের অবসরে দুঃখের চিন্তা করিতে করিতে পৃথিবীর উপর দিয়া একটী বৎসরের তরঙ্গ চলিয়া গেল। কোন সুখস্বপ্ন হৃদয়ে বিবাদের জাগরণ আসিল, কোন পুষ্পময় উপবন দগ্ধ হইল, কোন মাধবী লতিকা ছিন্ন হইল, তাহা দেখিবার জন্ত বর্ষ-তরঙ্গ থামিল না; ধীর গতিতে অনন্ত কাল-সাগরে গিয়া মিশিল।

বর্ষ শেষে আমি চাহিয়া দেখিলাম আমারও মণ্ডুস্বপ্ন ভাঙ্গিয়াছে। পূর্ণ বরষার যৌবন প্লাবন শেষ না হইতে হইতে সুকুমারী শয্যা শায়িনী হইল সুখস্নাত ধরণীর বক্ষে শরতের প্রফুট আলোক না পড়িতে পড়িতে আমার সোনার পিঞ্জরের সোনার পাখী সোনার দেশে উড়িয়া গেল।

জীবনের মাধুরী লইয়া সুকুমারী চলিয়া গেল। বিবাহ বাসরে যে মূর্তি লইয়া উপস্থিত হইয়াছিল সেই পুষ্পময়ী মূর্তি লইয়াই চলিয়া গেল। মৃত্যুর কালিমা তাহার বদন স্পর্শ করিতে পারে নাই। সেই মুখ অগ্নান, উজ্জ্বল,—এই পৃথিবী হইতে বিদায় লইবার সময়ও একবার আমার দিকে ফিরাইয়াছিল। যৌবনের পরিপূর্ণ বসন্তে—জীবন-বল্লরীর একটা পল্লব, একটা কুসুম না ঝরিতে ঝরিতে ইহ জগৎ হইতে প্রিয়তমা অপমৃত হইল।

সুকুমারী গেল। এই অনন্ত জগৎ, তাহার মধ্যে আমি একা।

এই অনন্ত আলোকময়ী ধরনী ; আমার চক্ষে তাহা অন্ধকার । ভাবিয়াছিলাম সুকুমারী গেলে আর বাঁচিব না । তবু হায়, বাঁচিতে হইল—তবু হায়, সংসারের শত শত ক্ষুদ্র কাজের মধ্যে শাস্তি অন্বেষণ করিতে হইল ।

ভগ্ন হৃদয়া রঞ্জিয়া সুকুমারীর শব্দাগৃহ তেমনি করিয়া সাজাইয়া রাখিল । সুকুমারীর প্রিয় জিনিসগুলি যথা স্থানে সন্নিবেশিত করিল ; তাহার বড় আদরের “কুস্তলীন” ও “দেলখোস” তাহার সজ্জা টেবিলের উপর তেমনি ভাবে স্থাপন করিল । আর যে বাতায়ন পাশে বসিয়া উভয়ে উভয়ের হৃদয়ের কথা বিনিময় করিত, সেই বাতায়ন তলে ধুলাবলুড়িতা হইয়া কাঁদিতে লাগিল ।

আমি বহুবারে শয়নগৃহের সম্মুখস্থ উত্তানে সুকুমারীর একটা মন্দির মণ্ডিত সমাধি স্তম্ভ স্থাপন করিলাম । রঞ্জিয়া তাহার চারিদিকে পুষ্প বৃক্ষ রোপণ করিল ।

আমি আমার দাব দগ্ধ হৃদয় লইয়া এই বিজন গৃহে কিছুতেই বাস করিতে পারিলাম না । আমার শ্মশ্রু পুরীর মধ্যে একটা বিষাদ সঙ্গীত অবিরত ধ্বনিত হইত । সুকুমারীর সমাধিস্তম্ভ কেবল জীবনের একটা পুণ্য অবসরের কথা স্মরণ করাইয়া দিত । যেদিকে চাহিতাম সেই দিকেই কেবল বিরহের একটা হাহারব শুনিতে পাষ্টতাম । অনন্ত কালের গুটি কেবল অশ্রান্তভাবে চলিতে লাগিল । আবার সেই শরতের প্রথম প্রভাত আসিল । শতদল শ্রী, মানিদোতা ধরণী আবার শারদ প্রভাতের অরুণ কিরণে হাসিতে লাগিল । সেকালে নিকুঞ্জ, শস্য শীর্ষ, তটনীর বক্ষ এবং বিহগকণ্ঠ সে হাস্ত-হিলোলে নাচিয়া উঠিল । আমি এই নব শোভাময়ী ধরণীর শোভার মধ্যে আমার সকল দৈন্ত, সকল ক্লেশ নিমগ্ন করিবার আশায় বিদেশ ভ্রমণে বহির্গত হইলাম ।

( ৪ )

অনেক স্থান ভ্রমণ করিলাম, অনেক স্থানে শাস্তি অন্বেষণ করিলাম ; কোথাও পাইলাম না । কোথায় সেই হিমালয়ের অভ্রভেদী শিখর, কোথায় সেই গ্রামসীমা সাগরবেলা, কোথায় সেই মোগলের

গৌরব ও পতনের ইতিহাস ভূমি, কোথায় রাজপুত বীরের কীর্তিস্থল !  
কোথাও শাস্তি পাইলাম না । আবার দেশে ফিরিলাম ।

গভীর নিশিথে বাসগৃহের সম্মুখে উপস্থিত হইলাম । সমস্ত প্রকৃতি  
যেন অন্ধ ছায়া এবং অন্ধ আলোকে একখানি অপূর্ণ চিত্রপটের মত  
দেখাইতেছিল । আমি ধীরে ধীরে স্কুমারীর সমাধি স্তম্ভের দিকে  
অগ্রসর হইলাম । ভাবিলাম, এই জীর্ণ হৃদয়খানি একবার স্কুমারীর  
সমাধি পাশে স্থাপন করিয়া শীতল হইব ।

ধীর পাদবিক্ষেপে চলিলাম । অদূরে পুষ্পবিতানে স্কুমারীর সমাধি-  
স্তম্ভ ; পাশে চন্দ্রালোকে অসংখ্য ছায়ার সম্পাত—আর সেই মন্মথ  
মণ্ডিত স্তম্ভ ধারণ করিয়া কে এই আলুলায়িতকেশা রমণীমুখি ?

সহসা সেই নৈশ নিস্তব্ধতা ভঙ্গ করিয়া সেই রমণীমুখি গাহিয়া  
উঠিল :—

“সইরে না মিটল পিয়াস হামারি ।”

স্বরের প্রতি লহরীতে যেন কোন অজ্ঞাত হৃদয়বেদনার বাকুল  
মুচ্ছনা কাঁদিয়া কাঁদিয়া সেই নিশীথ আকাশ ভেদ করিয়া উঠিতে লাগিল ।

আমি মন্থমুগ্ধ হইয়া সেই সঙ্গীত শুনিতে লাগিলাম । কে গাহিতে  
ছিল তাহা দেখিবার অবসর হয় নাহি । সঙ্গীত থামিলে গায়িকার  
মুখের পানে অক্ষুট চন্দ্রালোকে চাহিলাম ; দেখিলাম সমাধিস্তম্ভ ধরিয়া  
দাঁড়াইয়া রঞ্জিয়া ।

রঞ্জিয়ার নাম ধরিয়া ডাকিলাম ; রঞ্জিয়া উত্তর না দিয়া আকাশে  
হুইটী চক্ষু স্থাপন করিয়া ভাস্কর-খোদিতা পাষাণময়ী মূর্তির মত দাঁড়া-  
ইয়া রহিল । রঞ্জিয়াকে আবার ডাকিলাম—রঞ্জিয়া আবার গাহিয়া  
উঠিল—“সইরে না মিটল পিয়াস হামারি ।”

বালিকা থামিল ! গগন প্রান্তে চক্ষু তেমনিভাবে স্থাপন করিয়া  
ভাস্কর-খোদিতা পাষাণময়ী মূর্তির মত দাঁড়াইয়া রহিল ।

আমি বালিকার ভাব কিছুই বুঝিতে না পারিয়া আমাদের পুরাতন  
ভৃত্যকে ডাকিলাম । বিষন্ন বৃদ্ধ আসিয়া বলিল—“রঞ্জিয়া কয়েক দিন  
পাগল হইয়া গিয়াছে ।”

ভূতোর কথা শুনিয়া আমার চক্ষে জল আসিল । আমি সেই আকাশনিবদ্ধদৃষ্টি বালিকার মুখে এক মহিমা মণ্ডিত দেবীত্ব দেখিলাম । সেই নিস্তব্ধ রজনীতে, সেই অন্ধশূঁট আলোকে, সেই মন্দান্দোলিত পুষ্পকুণ্ড পাশে আমি মূর্ছিমতী বিরহবাথা দেখিলাম । স্পন্দা করিয়া-ছিলাম আমার মত বুঝি কেহ স্নিকুমারীকে ভালবাসিতে পারে নাই ; আমার সেই গর্ব দূর করিবার জন্য বুঝি রঙ্গিয়া মনুষ্য জীবনের অমূল্য-নিধি যে জ্ঞানরত্ন তাহা অন্তর হৃদয়ে ছিঁড়িয়া লইয়া প্রিয়জনকে উপহার দিল । প্রেমের এই আত্ম-বলিদান দেখিয়া আমার হৃদয় বিষ্ময় ও প্রীতিতে উচ্ছ্বসিত হইল ; আমি ভক্তিপূর্ণ অন্তরে সেই বালিকাকে প্রণাম করিলাম ।

আজও এই শৃঙ্গপুরীর মধ্যে আমরা দুইটি প্রাণী বাস করিতেছি । প্রভাতে, নির্মাণে, প্রদোষে রঙ্গিয়ার কণ্ঠে এবং আমার অন্তরে সেই এক বিরহ রাগিনী বাজিতেছে “সইরে না মিটল পিয়াস হামারি ।”

ঐ.কুলদাকান্ত ঘোষ

ঘোষার “কুহুম কুটার” ভালপুরে ।





## মষ্ঠ পুরস্কার ৫১

### শোভা ।

অনেক দিন হইল সংবাদ পত্রে একটী বিজ্ঞাপন প্রকাশিত হইয়াছিল ; বিজ্ঞাপনটী এই—

“গত বৈশাখ মাসে রামচন্দ্রপুর গ্রাম হইতে একটী বালিকা হারা-  
ইয়াছে। বালিকার নাম শোভা, বয়স দশ বৎসর, রঙ ফরসা ; গঠন  
কিছু ক্লশ ; বালিকার বাম বাহুতে কাটিয়া যাওয়ার একটী ক্ষুদ্র দাগ  
আছে ; বাঙ্গালা লেখা পড়া কিছু কিছু জানে। যিনি এই বালিকা-  
টাকে অনুসন্ধান করিয়া দিতে পারিবেন, তিনি পঞ্চাশ টাকা পুরস্কার  
পাইবেন। নিম্ন স্বাক্ষরকারীর নিকটে সংবাদ দিতে হইবে।

শ্রীশচীন্দ্রনাথ মিত্র—রামচন্দ্রপুর”

প্রথম বিজ্ঞাপনের তিন বৎসর পরে, আবার বিজ্ঞাপন দেখা  
গেল,—

“অত্ৰ তিন বৎসর হইল রামচন্দ্রপুর হইতে শোভা নামী একটী  
বালিকা হারাইয়া যায়। তদ্বিয়ে—সালের—মাসের—তারিখের বাগজে,  
বিজ্ঞাপন দেওয়া হয়। বিজ্ঞাপন প্রকাশের কিছুদিন পরে, সেই বালিকার  
জ্যেষ্ঠ ভ্রাতা, একখানি ডাকের পত্র প্রাপ্ত হন ; পত্রে লেখা ছিল  
‘জগদীশ্বরের কৃপায় আপনার ভগিনী অতি নিরাপদ স্থানে আছেন।  
এখন আপনাকে কিছু জানাইতে পারিলাম না, কিছুদিন পরে সমস্ত  
জানিতে পারিবেন ; বাস্তব হইবেন না, যাহা হউক আমরা বিশেষ চেষ্টা  
করিয়াও বালিকার অত্ৰ কোনও সংবাদ পাই নাই ; বিনীত নিবেদন  
লেখক যিনিই হউন, অনুগ্রহপূর্ব্বক বালিকার সবিশেষ সংবাদ দিবেন।

শ্রীশচীন্দ্রনাথ মিত্র—নং কলেজ ষ্ট্রিট, কলিকাতা।”

উপরোক্ত বিজ্ঞাপন বাহির হইবার দুই সপ্তাহ পরে, সংবাদ পত্রে আবার বিজ্ঞাপন দেখা গেল,—

“মাননীয় শচীন্দ্র বাবু, কালিকাপুরের জমিদারদিগের বাটীতে অনুসন্ধান করিলে আপনার বিজ্ঞাপিত রামচন্দ্রপুরের হারানো বালিকা সম্বন্ধে সবিশেষ জানিতে পারিবেন।”

এই বেনামী বিজ্ঞাপনে অনেকেই আশ্চর্যান্বিত হইল। পরে যাহা হইল তাহা ক্রমে বলিতেছি।

( ২ )

এক দিন সন্ধ্যার সময় দুইটা নবীন যুবা কালিকাপুর জমিদার বাড়ীর সদর দেউড়ীতে আসিয়া বাবুর সহিত সাক্ষাৎ করিবার অভিলাষ জানাইলেন। দরওয়ান তাঁহাদের কার্ড লইয়া বাবুর কাছে গমন করিল এবং কিঞ্চিৎ পরে আসিয়া যুবকদ্বয়কে লইয়া জমিদার বাবুর পড়িবার ঘরে উপস্থিত হইল। জমিদার বাবু একখানি চেয়ারে বসিয়া ‘বেঙ্গলি’ কাগজ পড়িতেছিলেন, দরওয়ান তাঁহাকে দেখাইয়া দিয়া চলিয়া গেল।

কালিকাপুরের প্রাচীন জমিদার রোহিণীকান্ত রায় বাহাদুর প্রায় পাঁচ বৎসর হইল পুরলোক গমন করিয়াছেন; তাঁহার একমাত্র পুত্র আশুতোষ রায় বাহাদুরই এখন ‘জমিদার বাবু’। যুবকদ্বয় দেখিলেন জমিদার বাবুর বয়স বাইশ তেইশ বৎসর; আকৃতি পরম সুন্দর। আশুতোষ বাবু নিজে উঠিয়া, সহাস্ত্র মুখে আগন্তুকদ্বয়কে অভ্যর্থনা করিলেন।

প্রথম শিষ্টাচার ও দুই এক কথার পরে আশুতোষ বলিলেন “মহাশয়, আপনাদের মধ্যে যিনি শচীন্দ্র বাবু, তাঁহাকে বোধ হয় আমি চিনিয়াছি; আপনিই শচীন্দ্র বাবু?” বিস্মিত হইয়া শচীন্দ্রনাথ বলিলেন, “মহাশয় যখন কলিকাতায় প্রেসিডেন্সি কলেজে পড়িতেন, তখন আমি কোন কোন দিন আপনাকে দেখিয়াছি—সে অপরিচিতরূপে দূর হইতে দেখিয়াছি, আমি নিজে সিট কলেজের ছাত্র; এরূপ স্থলে আপনি আমাকে চিনিতে পারিয়াছেন, ইহা অতি আশ্চর্য্য!” হাসিয়া

আশুতোষ বলিলেন “আপনার মুখ দেখিয়া—আপনার মুখে আপনার ভগিনী শোভার সাদৃশ্য আছে বলিয়া এত সহজে চিনিলাম।”

তখন অল্প কথা ভুলিয়া সোহাগকে, কাতর কণ্ঠে শচীন্দ্র বলিলেন “মহাশয়, আমার ভগিনী শোভা কোথায় আছে? আমার সঙ্গে আমার পরম বন্ধু যোগেশ বাবু; উঁহার কাছে আমার সকল কথাই প্রকাশ্য।” প্রসন্ন মুখে আশুতোষ বলিলেন “আপনার ভগিনী আমাদের বাড়ীতেই আছেন, তাঁহার মুখেই আপনি তাঁহার সকল কথা শুনিতে পাইবেন।”

তখন চাকরে আলো লইয়া চলিল, তাঁহারা দুই তিন মহল পার হইয়া অন্তর মহলে উপস্থিত হইলেন।

( ৩ )

দোতলার উপরে একটা সুন্দর ঘর; ঘরের দেয়ালে সবুজ রঙের লতা, পাতা ও সোনালী ফুল; সে সব এত সুন্দর যে সহসা ঘরটিকে একটা কুঞ্জবন বলিয়া মনে হয়! সেখানে সেজের আলোতে বসিয়া একটা মেয়ে—তাহার বসস কিঞ্চিদধিক তেরো বৎসর হইবে সে রঙ ও তুলি দিয়া ছবি আঁকিতেছিল; সেই ঘরের দরজার দাঁড়াইয়া ঝি বলিল “বাবু আর ছজন নোককে সাথে কোরে আন্‌চেন দিদিমণি” বালিকা বাস্ত হইয়া তুলি ছাড়িয়া উঠিতেছে, সেই সন্মুখে শচীন্দ্র তাহাকে দেখিলেন। শচীন্দ্র দেখিলেন, ক্ষুটনোমুখ গোলাপ কলিকার মনোহর সৌন্দর্য্যে ফুলবাগান যেমন আলো হয়, বালিকার স্বকুমার সৌন্দর্য্যে সে ঘরও তেমনি আলো হইয়াছে! শচীন্দ্র মুকুন্দনগ্নে চাহিয়া রহিলেন।

শচীন্দ্রকে নিতান্তই “বাকুব” দেখিয়া, আশু বাবু বলিলেন “বারে আসুন, শচীন বাবু, ইনিতো আপনারই সহোদরা”।

শচীন্দ্র অবাক! ঐ কি শচীন্দ্রের সহোদরা? তিন বছরে তিন যুগের পরিবর্তন? অই কি সেই শোভা?—শচীন্দ্র ঘরে ঢুকিবেন কি, তাঁহার কথা কহিবার ক্ষমতাও যেন চলিয়া গিয়াছে!

দাদাকে দেখিয়া হৃদয়ের পূর্ব্বোচ্ছাস ভরে বালিকা বিবশা হইয়া পড়িল; তাহার সোণা মুখখানি রাঙ্গা হইয়া উঠিল; চোখে জল আসিল, কঁপিতে কঁপিতে, ঘামিতে ঘামিতে, সে দাদার পদতলে প্রণাম করিল।

তখন ভগিনীর প্রণামটা লইয়া আর তাহার অংশিস্কৃত রাস্তা মুখখানি দেখিয়া শতীন্দ্রনাথ কাদিয়া ফেলিলেন । শোভার মাথায় হাত বুলাইয়া, তাহার হাত খানি পরিয়া তিনি ঘরের মধ্যে প্রবেশ করিলেন । ভ্রাতা ভগিনীকে অবসর দিয়া আশু বাবু অল্প সকল লোকদিগকে লইয়া বিদায় লইলেন ।

( ৪ )

অল্পজ্বাকে নিজনে পাঠিয়া শতীন্দ্র জিজ্ঞাসা করিলেন “তুমি বাড়ী থেকে চলে এলে কেন শোভা ? এতদিন কোথায় ছিলে ? আর এখানেই বা কি করে এলে ?

আবার চোখের জল মুছিয়া, উজ্জ্বলিত অশ্রু সংযত করিয়া শোভা বলিতে লাগিল “দাদা ! সেই যে মা’র শ্রদ্ধা শেষ ক’রে তুমি কলকাতার চলে গেলে, সেই যে আমার বলে গেলে ‘ছোট মা আমাদের বিমাতা হলেও তুমি তাঁকে পুত্র ভক্তি করিও । আমাদের দুভাই বোনের বাপ নাই, মাও মারা গেলেন, এখন ছোট মা ভিন্ন আর কেউ নাই, এই কথা ভেবে ছোট মাকে ভক্তি করবে । এই রকম কোলেও যদি ছোট মা তোমার সঙ্গে খারাপ ব্যবহার করেন, তা হ’লে আমার কাছে তুমি চিঠি লিখো, আমি তোমায় কোলকাতার নিয়ে এক বন্ধুর বাড়ীতে রাখবো ।’ সে সব কথা আমি কখনই, ভুলতেম না ; কিন্তু দাদা, আমি কি কোরবো ? ছোট মা ছুতার নতায় আমার মেরে মেরে আধ মারা কোত্তেন । আমি বাসন মাজতেম, ঘর নিকুতেম, পুটীকে ঢগ খওয়াতেম, তবু ছোট মা বলতেন ‘সর্বনাশি ! শতেক গুরারি ! কেবল বসে বসে গিলবি !’ আবার বলতেন ‘তোরা মা আমার হাড় জালিয়ে গেছে, তুইও তো সেই রাক্ষসীর সন্তান ! সতীন-কাঁটা আর কত ভাল হবি !’ একদিন পূর্বের বাড়ীর ক্ষমা পিশী নাকি ছোট মাকে বলেছিলেন ‘ছোট বোউ ! তোরা আক্কেল কি গা ? শোভা অমন শাস্ত মেয়ে তবু তুই বাছাকে মারিস্ বকিস্ ! তোরা মত সংমা’র মুখে আগুন ; আমাদের সেজ বো দেখি সতীন পো, সতীন ঝিদের আপন পেটের ছেলে মেয়ের মত

যত্ন, আত্মিক করে !’ ছোট মা তাঁকে বেশী কিছু না বোলে বাড়ী এসে  
 আমায় বোলেন ‘হতভাগি ! তুই মিটমিটে ডাইন, তোর পেটে এত  
 গুণ ? পাড়ার লোকের কাছে আমার নামে লাগিয়ে বেড়াস্, আশ্রুক  
 তোর পাড়ায় লোক !’ আমি কেবল কাঁদতে কাঁদতে বোল্লেম ‘না  
 মা, আমি কারুর কাছে কিছু বলি নাই, অমনি তিনি আরো রেগে  
 উঠলেন, বোলেন ‘বলিস্নি বটে ! এখন তোকে বাচায় কে দেখি,  
 এই বয়সে তোর এতটা ত্রাকামি ! দেখ্ ! আজ ও ত্রাকামি ভেঙ্গে  
 দিচ্ছি !’ এই কথা ব’লে আমায় চড় কিল লাগি মাঝে লাগলেন ;  
 আমার নাক দিয়ে রক্ত পড়তে লাগলো ; ভয়ে আর যাতনায় আমি  
 খুব কেঁদে ফেল্লেম । অমনি ছোট মা আমার মুখের ভিতর কাপড়  
 পুরে দিয়ে বোলেন ‘ফের যদি তুই চৈচিয়ে কেঁদে পাড়ার লোক জানা-  
 জানি কোরবি, তবে এখনি তোকে যমের বাড়ী পাঠাব ।’ ভয়ে  
 কাঁদতেও পেলেম না ! তারপর দিন তোমার কাছে একখানা চিঠি  
 লিখে ডাকে দেবার জন্ত রামা চাকরের হাতে দিলেম । গোপালদাদা  
 তাই দেখে রামাকে বোলেন ‘ও হিজি বিজি লেখা, আমি সেরে ভাল  
 করে দিচ্ছি’ এই কথা বোলে তিনি চিঠি খানি নিয়ে ছোট মাকে  
 দেখালেন ! আমি তাতে লিখেছিলাম ‘দাদা ! ছোট মা আমার রাত  
 দিন মারেন, আমি এখানে আর থাকবো না, তুমি আমার কল্কাতায়  
 নিয়ে যাও’ এই লেখা দেখে ছোট মা একেবারে আগুনের মত হয়ে  
 উঠলেন, আমায় বোলেন ‘ও পোড়া কপালি ! তুই যে বড় সাঁউখুড়ি  
 কোল্লি, আ মরি ! পাড়ার লোকের কাছে কিছু বলিনি, এই যে  
 দাদার কাছে আমার নামে লাগিয়ে চিঠি লিখলি কেমন করে ? তা  
 তোর দাদার যা’ সাধিা থাকে করুক না ; থানায় গিয়ে পুলিশ এনে  
 তোদের কি না কোত্তে পারি ! ন্দেধ্বি তবে ? যমের বাড়ী পাঠাব  
 তোকে ?’ এই সব বোলতে বোলতে একখানা মাছ কোটা বটী নিয়ে  
 আমার দিকে ছুটলেন ।’ শচীন্দ্র বাস্তু হইয়া সশঙ্কিত চিত্তে বলিলেন  
 ‘কি সর্বনাশ ! তার পর শোভা, তার পর ?’

শোভা বলিতে লাগিল “আমি তখন ভয়ে আড়ষ্ট হয়ে গিইছি ;

রামা চাকর তাই সব দেখে ‘মা ঠাকরুণ করেন কি, করেন কি,’ বলে আমার হাত ধরে হিড়্ হিড়্ করে টেনে বাঁড়ীর বাইরে গেল ; তখন আমায় বোলে ‘দিদিমনি, এখন পালাও, এর পর মা’ঠাকরুণের রাগ পোড়লে আমি তোমায় নিয়ে যাব’ আমি রামার কথা শুনে কাঁদতে কাঁদতে নদীর দিকে চোলেম ।” নিঃশ্বাস ফেলিয়া শচীন্দ্র বলিলেন, “তবে রামাই তোমার জীবন রক্ষা করেছে ! তারপর ?”

শোভা বলিতে লাগিল “তার পরে দেখি নদীর কূলে আমি তলায়, একটী বাবু দাঁড়িয়ে চারিদিক দেখছেন ।—ঘাটে একখানি বড় বজরা বাঁধা রয়েছে । আমাকে কাঁদতে দেখে তিনি কাছে ডাকলেন ; তাঁর মিষ্ট কথা শুনে আমিও তার কাছে গেলাম । সে বাবুটী যখন আমার কান্নার কারণ জিজ্ঞাসা কোলেন, তখন আমি সব কথাই তাঁকে বোলে ফেল্লেম ; তার পরে বোলেম ‘আমার দাদা আমায় কল্কেতায় নিয়ে যাবেন বলেছিলেন, কিন্তু ছোট মা কখন আমায় মেরে ফেলবেন দাদাকে দেখতেও পাব না’ বাবু আমার কথা শুনে চোখ মুছলেন, তার পরে বোলেম ‘তোমার দাদার নাম কি ? তিনি কি করেন ?’ আমি বোলেম ‘দাদার নাম শচীন্দ্রনাথ মিত্র, তিনি বি, এ, পড়েন’ তখন বাবুটী বোলেম ‘আমি তোমার মনের কথা বুঝেছি । আমি এই বজরায় কল্কেতায় যাচ্ছি, তুমি আমার সঙ্গে চল, আমি তোমার দাদার কাছে তোমায় পৌছিয়া দিব ।’ অনেক দিনের পরে স্নেহের কথা শুনে আমার প্রাণ জুড়িয়ে গেল । আমি পরমানন্দে তাঁর বজরায় উঠ্লেম, তার পরে কল্কেতায় এলেম ।

জমিদার বাবুর সঙ্গে আমি সেখানে গিয়া দেখি, জমিদার বাবুর মা সেখানে আছেন । তিনি আমাকে দেখে যার পর নাই সুখী হোলেন । জমিদার বাবু তোমার মেসের ঠিকানায় লোক পাঠাইলেন, কিন্তু তুমি বাসা পরিবর্তন করেছিলে বলে সেসময় তোমায় খুঁজে পেলেন না । এদিকে জমিদার বাবুর মা সব কথা শুনে আমায় নিজের কোলের উপর বসিয়ে বোলে ‘শোভা, আমার একট মেয়ে ছিল, সে মারা-গিয়াছে ; তুমি এখন আমার সেই মেয়ের মত আমার কাছে থাকো ;

আর একটু বড় হ'লে তোমার দাদাকে খবর দেব, আমি সে আদর ঠেলেতে পাল্লেম না।—সম্মত হোলেম। পরদিন তিনি জমিদার বাবুকে বোলে আমাকে লেখা পড়া, সেলাই, ছবি আঁকা, বাজনা ইত্যাদি শেখাবার জন্ত তিনজন শিক্ষয়িত্রী নিযুক্ত করে দিলেন; আমার জন্ত গহনা ও পোষাক এনে দিলেন; আমি রোগা ছিলেম বলে আমায় কত ওষুধ, পথা খাওয়া'তে লাগলেন, অবশ্য আমার চুল পাতলা আর কটা ছিল ব'লে কুন্তলীন তেল এনে মাথা'তে লাগলেন; তাই জন্ত দেখে দেখি দাদা, এখন আমি কত মোটা মোটা হয়েছি, আর আমার মাথায় কতটী চুল হয়েছে।”

শোভার আত্মকাহিনী শুনিতে শুনিতে শচীন্দ্রের চক্ষে অনেকবার অশ্রু আসিয়াছিল; তাহার শেষের কথাটি শুনিয়া, সেই সরলতা মাথা মুখে বালিকার হাসি দেখিয়া শচীন্দ্রও হাসিয়া উঠিলেন; বলিলেন “সত্য কথা শোভা, তোকে আমি প্রথমে চিনিতেই পারি নাই! সে কথা যাক, এখন কথা এই যে জমিদার বাবুরা মানুষ না দেবতা?”

ইহার পরেও দুই ভাই ভগিনীতে কত প্রয়োজনীয় ও অপ্ৰয়োজনীয় কথা হইতে লাগিল; তাহারা কতই কাঁদিল, কতই হাসিল!

( ৫ )

সন্মার পরে, পাঠাগারে বসিয়া জমিদার আশু বাবু, সংবাদ পত্রের জন্ত প্রবন্ধ লিখিতেছেন, শচীন্দ্রনাথ তাঁহার কাছে শোভাকে বাড়ীতে লইয়া যাইবার জন্ত বিনীত প্রার্থনা করিলেন। আশু, কাগজ কলম না ফেলিয়া, চক্ষু না উঠাইয়া, অগ্নান মুখে বলিলেন “আপনার ভগ্নীর অহুসমান জন্ত পুরস্কার প্রতিশ্রুত আছেন, আমি পুরস্কৃত না হইলে আপনার কথায় সম্মত হইব কেন?” শচীন্দ্র মূঢ় হাসিয়া বলিলেন কর্তব্য পালনের জন্ত পুরস্কার কে কবে পাইয়াছে? আশুতোষ ক্ষণকাল তাঁহার আগ্রত নয়ন যুগল শচীন্দ্রের মুখের উপরে রাখিলেন, পরে বলিলেন “তবে বুঝি আপনার হিসাবে যে কর্তব্য পালন করে পুরস্কার যোগ্য নহে, আর যে অকর্তব্য করিতে পারে, সেইই পুরস্কার পায়?” শচীন্দ্র হাসিলেন, কি উত্তর দিবেন, ভাবিতে লাগিলেন।

তখন রচনাটী চাপা দিয়া, দোয়াত কলম সরাইয়া, ‘দেলখোস্’ সিক্ত রুমালে কপাল মুখ মুছিয়া আশুতোষ বলিতে লাগিলেন “শচীন বাবু ! এতদিন ঐশ্বর্য্য ভোগে বা সাংসারিক স্মৃথে আমার প্রবৃত্তি ছিল না, আমি ভাবিয়াছিলাম আমার পিতৃমাতৃ হীন ভাগিনেয়দিগকে এই সম্পত্তি দান করিয়া, মুক্ত বিহঙ্গের মত আমি ভগবানের সেবা করিয়া বেড়াইব ; সেইজন্ত এতদিন বিবাহ করি নাই ; কিন্তু আমার মায়ের কাতরতা আর সহিতে পারিতেছি না—আমার মা শোভাকে তাঁহার পুত্রবধূ করিবার জন্ত পাগল হইয়াছেন, আমার মার সাধ পূর্ণ করুন, তাহাই আমার পুরস্কার ।”

শুনিয়া শচীন্দ্র আনন্দে অদীর হইলেন, খানিকক্ষণ কথা বলিতে পারিলেন না ; তথাপি তিনি আত্ম সম্মত হারাইলেন না, বলিলেন কালিকাপুরের জমিদার মহাশয়ের সহদক্ষিণী হইবার জন্ত অনেক রাজ কন্ঠা আগ্রহান্বিতা আছেন, দরিদ্র বালিকা শোভার জন্ত জমিদার মহাশয় সে গোরব হারাইবেন কেন ?” আশুতোষ বলিলেন “শোভা দরিদ্র হইলেও দেববালা ; সে যদি আমার মাতৃদেবীর পুত্রবধূ না হয়, তবে আর কেহই হইবে না, তাহা নিশ্চিত জানিবেন ।”

শচীন্দ্র আর কি বলিবেন ?

ইহার পরদিনই জমিদার বাড়ীতে বিবাহের উৎসব আরম্ভ হইল । যথাকালে শচীন্দ্র, আশুতোষের হস্তে মেহের ভগিনী শোভাকে সম্প্রদান করিলেন । বিবাহের সময়ে উভয় পক্ষের বহুতর আত্মীয় কুটুম্ব সমাগত হইয়াছিলেন, কেবল শোভার বিমাতা হিংসার আগুনে পুড়িয়া মরিলেন ! আমরা বিশ্বস্ত স্মরে শুনিয়াছি, তিনি অনাহারে তিন দিন শয্যাগত থাকিয়া তাঁহার বামুন ঠাকুরও ঝিকে বলিয়াছিলেন “সে পোড়া-মুখীর এত স্মৃথ ঐশ্বর্য্য হওয়ার চেয়ে আমার মরণ হওয়া ছিল ভাল !”

ঐমানকুমারী বসু,

মাগরদাড়ি, যশোহর ।





## গহনার বাক্স ।

আমি ডিটেক্‌টভ্‌ আফিসে প্রবেশ করিবার প্রায় ছয় মাস পরে, একদিন বড় বাবু আফিসের সেই নিজন কক্ষে আমাকে ডাকিয়া, বর্ধমানের এক ভয়ানক খুনের আমূল পরিচ্ছাত ঘটনা বিবৃত করিলেন, এবং এই হত্যা সন্দেহীয় সমস্ত কাগজ পত্র আমার হাতে দিয়া তৎক্ষণাৎ বর্ধমান যাত্রা করিয়া তথায় গুপ্ত হত্যাকারীর অনুসন্ধান করিবার জ্ঞাত আদেশ প্রদান করিলেন ।

প্রায় তিন সপ্তাহ বর্ধমানে অবস্থান করিলাম, হত্যা স্থানের চারি দিকের অধিবাসিগণের সহিত তৎপ্রসঙ্গে অনেক আলাপাদিও করা গেল, কিন্তু হত্যাকারীর বিশেষ কোন সন্ধান পাইলাম না । তবে স্থানীয় পুলিশ ভূষণদাস নামক যে জনৈক হোটেল ওআলাকে এই হত্যা ব্যাপারের সহিত জড়িত বলিয়া যে সন্দেহ করিয়াছিলেন, তাহা আমার নিকট এবং স্থানীয় অধিবাসিদের নিকট বেশ যুক্তি সঙ্গত বলিয়া বোধ হইয়াছিল, তা' ছাড়া আমি ভূষণদাসের হোটেল ঘর অনুসন্ধান করিয়া যে তিনখানি গোপনীয় পত্র আবিষ্কার করিয়াছিলাম, তাহার মধ্যে উক্ত ব্যক্তিই যে প্রকৃত হত্যাকারী তাহাতে আর আমার সন্দেহ ছিল না । কিন্তু বহু চেষ্টা করিয়াও, ভূষণের আবাসস্থান স্থির করিতে পারিলাম না, হত্যাকাণ্ডের দিন হইতে সে নিরুদ্দেশ !

এই প্রকার অবস্থায় তথায় অবস্থান করা বৃথা এবং কষ্টকর বলিয়া বোধ হইতে লাগিল, কিন্তু আর অধিককাল আমায় সেখানে থাকিতে হইল না; অবিলম্বে কলিকাতায় প্রত্যাবর্তন করিবার আদেশসহ বড় বাবুর একখানি টেলিগ্রাম পাইলাম । বাঁচা গেল, সেই দিনই পূর্বাহ্নে

আহারাদি সম্পন্ন করিয়া কলিকাতা যাত্রা করিলাম, হতাকাারীর অল্প-সন্ধান এই খানেই শেষ হইয়া গেল ।

চারিটার সময় কলিকাতায় পৌছিয়া, বাসায় না গিয়াই আমার ত্রিসপ্তাহিক অবিশ্রান্ত পরিশ্রমের ফল, সেই ভূষণদাসের জীর্ণ ও নীরস চিঠি কয়েকখানি সহ একেবারে আফিসে গিয়া উপস্থিত হইলাম, এবং আমার অল্পসন্ধানের আমূল বিবরণ বিবৃত করিলাম ।

আমার কথায় বাবু বিশেষ বিরক্ত হইয়াছেন বলিয়া বোধ হইল না, তিনি ধীরভাবে বলিলেন,—“বন্ধমানের হতাব্যাপারের শেষ যে এই দাঁড়াইবে, তাহা প্রথমে পুলিশ রিপোর্ট হইতেই বুঝেছিলুম, তবুও একবার দেখা গেল । যাহা হউক তুমি এসেছ, বেশ হয়েছে ; কালই তোমাকে দেওঘরে যেতে হবে । আজ কয়েক দিন হ'ল সেখানে বনমালী চৌধুরী নামক জনৈক বড় লোকের বাড়ীতে অনেক টাকার গহনা চুরি হয়ে গেছে ; তার অল্পসন্ধানের জন্ত একটা লোক পাঠাইবার জন্ত তিনি স্বয়ং আমাকে লিখেছেন । তোমাকেই যেতে হবে ।”

অবিলম্বেই দেওঘরে গাইতে প্রস্তুত হইলাম । নমস্কার করিয়া বিদায় গ্রহণের পূর্বে বড় বাবু আবার বলিলেন,—“দেখ এই চুরি ব্যাপারটা একটু নূতন রকমের ! বাড়ীর কর্তার বিশ্বাস, তাঁহার পরিবারস্থ কোন এক ব্যক্তি ইহাতে লিপ্ত, এজন্ত তাহাকে লইয়া একটা প্রকাশ্য গোলযোগ করা তাহার অভিপ্রেত নয় । যাহা হউক, তুমি সেখানে গলেই সব গুনিতে পাইবে, কিন্তু খুব সাবধান ।”

পরদিন কলিকাতা ত্যাগ করিয়া সন্ধ্যার প্রাক্কালে দেওঘরে পৌছিলাম । বনমালী চৌধুরীর বাড়ী অল্পসন্ধান করিতে বিলম্ব হইল না, সহরে লোকটার বেশ মান প্রতিপত্তি আছে ; গুনিলাম বহুকাল সরকারী আমীনের কায করিয়া পেন্সন্ প্রাপ্তির পর তিন চারি বৎসর হইতে তিনি সপরিবারে বৈজ্ঞানাথে বাস করিতেছেন । নগদ টাকা যথেষ্ট, এবং উচ্চ স্তরে কর্জ দিয়া তদ্বারাও প্রচুর আয়ের সংস্থান হয় । সন্ধ্যার পর বনমালী চৌধুরীর বাটীতে উপস্থিত হইলাম, কিন্তু তখন তাঁহার সহিত সাক্ষাৎ হইল না ; কর্তা তখনও আহিকের ঘরে

রহিয়াছেন, শুনিলাম বাহিরের ঘরে আসিতে অর্দ্ধ ঘণ্টা বিলম্ব হইবে । দেখিলাম বাসায় লোক জনের সংখ্যা পূর্ব অধিক নয়, একজন থানসামা, একজন বেহারা, একটা মুন্ডরী আর এক পাচক ব্রাহ্মণ । মুন্ডরীর নাম ত্রিঃশ্রামলাল রায়, লোকটা মিষ্টভাষী, আমাকে প্রথমে দেখিয়াই, অথক্ৰুদ্ধ-তায় তাড়িত ঋণগ্রহণেচ্ছ বিপন্ন বাক্তি ঠাহরাইয়াছিলেন, এবং অচিরাত্ ভূসম্পত্তি বন্দক রাখিয়া আমি কর্তার “মহামহিম” পদবীর প্রসার বৃদ্ধি করিব, আর সঙ্গে সঙ্গে তাঁহারও যৎকিঞ্চিৎ দক্ষিণার ব্যবস্থা করিব, তাহাতে আর তাঁহার সন্দেহ ছিল না । অামি অগোপনের এই সুযোগ ছাড়িতে পারিলাম না, দুই সহস্র মুদ্রা আগ্রহের সহিত কর্তার সাহায্য প্রার্থনা আমার আগমনের কারণ বলিয়া প্রকাশ করিলাম । লোকটা আমার কথায় বেশ বিশ্বাস করিয়া ফেলিল, এবং আশু কাগা সিদ্ধির তিনি যে বিশেষ সচেষ্ট থাকিবেন, একথা বলিতেও ছাড়িল না ।

কর্তা বাহিরে আসিলে, একাকী আমি তাঁহার নিজন কক্ষে গিয়া, বড় বাবু প্রদত্ত আমার নিয়োগ পত্রখানি দেখাইলাম । তিনি পত্রখানি আগ্রহ সহকারে পাঠ করিয়া ধীরে ধীরে চসমাখানি খুলিয়া বলিলেন,— “সাহেব আপনাকে চুরির অনুসন্ধান করিতে পাঠাইয়াছেন, ভালই । অনুসন্ধান আরম্ভের পূর্বে আপনাকে একটা কথা বলিয়া দেওয়া ভাল বোধ করিতেছি । আজ চারি দিন হ’ল আমার প্রায় পাঁচ হাজার টাকার গহনা চুরি গিয়াছে, কিন্তু এপর্যন্ত একথা গৃহিণী বাতীত অপর কাহারও নিকট প্রকাশ করি নাই, কেবল গোপনে পুলিশে একটা সংবাদ দিয়া রাখিয়াছি । আপনি আমার এই ব্যবহারের কথায় হয় ত বিস্মিত হইতেছেন, কিন্তু সব শুনিলে আমার সঙ্কট বৃদ্ধিতে পারি-বেন । আমার বিশ্বাস অলঙ্কারগুলি আমার হতভাগা ভ্রাতৃপুত্র রজনী চুরি করিয়াছে । গৃহিণীরও এই মত । হতভাগাকে, পিতার মৃত্যুর পর হতে ছেলের মত পালন করে আসিতেছি, লেখা পড়া শিখায়েছি,—”

আমি এইখানে তাঁহাকে বাধা দিয়া বলিলাম,— “মহাশয়, আপনার ভ্রাতৃপুত্রের কথা পরে শুনিলেই চলিবে, এখন চুরিটা কিপ্রকারে হয়েছিল, আগে তাহাই বলুন ।”

কর্তা তখন বলিতে লাগিলেন,—“ব্যাপারটা হচ্ছে, সেই চুরির দিন কতক গুলি গহনা বন্ধ রাখিয়া, কয়লা খাদের এক ঠিকাদার আমার নিকট তিন হাজার টাকা কংজ লইয়া গিয়াছিল, গহনা গুলি আমার এই বৈঠকখানা ঘরে একটা বড় হাত বাক্সে রাখিয়াছিলাম, তাড়াতাড়ি বশতঃ লোহার সিন্দুকে তুলিয়া রাখা হয় নাই। এই ঘরে রাতিতে কেহই থাকে না, সেই হতভাগা, শুনিলাম সেদিন রাত্রে এখানে শুইয়াছিল। প্রাতঃকালে কি রাত্রে কখন সে উঠে গেছে, কেহ জানে না, আমি যথাসময়ে প্রভাতে উঠিয়া আর বাক্স দেখি নাই। চোর যে কে তাহা বুঝিতে আর বিলম্ব হইল না, তাই একটা ঘরাও গোলযোগ হইতে অব্যাহতি পাইবার জন্ত, বাক্সটা আমি বাড়ীর মধ্যে রাখিয়াছি বলিয়া প্রকাশ করিয়াছিলাম। এখন যাহাতে বিনা গোলযোগে পরের অলঙ্কারগুলি হস্তগত হয়, তাহার উপায় করুন।”

বহুকষ্টে চুরির এই সামান্য ইতিহাস সংগ্রহ করিয়া আপাততঃ পরিতৃপ্ত থাকিতে হইল, কারণ কর্তার সহিত আর যাহা কথা হইল, তাহাতে ভ্রাতৃপুত্র রজনীনাথের উদ্দেশে অজস্র গালিবধন এবং নিজেদের আকস্মিক গ্রহবৈগুণ্যের জন্ত অদৃষ্টের প্রতি দ্বিধার ভিন্ন আমার ডিটেক্টিভি বুদ্ধি প্রয়োগের উপযোগী কিছু পাওয়া গেল না। সে যাহা হউক কর্তার বিশেষ অনুরোধে, কার্য শেষ হওয়া পর্যন্ত তাহার বাসাতেই থাকার ব্যবস্থা হইল। আত্মগোপন মানসে আমি যে ঋণ গ্রহণেচ্ছু ব্রাহ্মণ সন্তান বলিয়া চাকরদিগের নিকট পরিচয় দিয়াছিলাম, সে কথাটা কর্তাকে বলিয়া দিলাম।

পরদিন প্রাতঃকালে, আবার কর্তার সহিত চুরি সম্বন্ধে অনেক কথাপোকথন হইল। তাহার ভ্রাতৃপুত্র ব্যতীত অপর কোনও ব্যক্তির উপর সন্দেহ হয় কি না জিজ্ঞাসা করিলে, তিনি বলিলেন :—“আমার পরিবারস্থ মুহুরী, বেহারী, চাকর, ব্রাহ্মণ সকলই বিশ্বাসী পুরাতন ভ্রাতা। যে ব্যক্তি এই সর্বনাশ করিয়াছে, আমি বহুপূর্বে তাহার অভাস দিয়াছি। আর কাহারও উপর আমার সন্দেহ নাই।”

সেই দিনই, ঘটনার পরিজ্ঞাত বিবরণসহ, বড় বাবুকে একখানি

পত্র লিখিলাম । লোকটা যখন ভ্রাতৃপুত্রের উপর এতটা সন্দেহ করিতেছে, একবার তাহার অবস্থাটা অনুসন্ধান করা ভাল বলিয়া বোধ হইল; শুনিলাম সে বৈজ্ঞান্যের নিকটেই ময়ূপুর ছেসনে কি একটা চাকরি করে, কিন্তু হঠাৎ এই কার্যে হস্তক্ষেপ করিতে সাহস হইল না । পত্রোত্তরে বড় বাবুর পরামর্শের অপেক্ষা করিতে লাগিলাম ।

পরদিন প্রাতঃকালে, স্নানাত্মিক সমাপন করিয়া কৰ্ত্তা যথারীতি মহাদেব দর্শন করিতে বহির্গত হইলেন এবং আমাকেও ঘাইতে অনু-রোধ করিলেন । কিন্তু সেসময়ে আমার মন বড়ই উদ্বিগ্ন হইয়া পড়িয়াছিল, তা' ছাড়া বড় বাবুর চিঠিও পাইবার সম্ভাবনা ছিল, এই সকল কারণে, কোন প্রকারে কৰ্ত্তার প্রস্তাব প্রত্যাখ্যান করিয়া, বাসাতেই থাকিয়া গেলাম ।

সেদিন কৰ্ত্তা বাহির হইয়া যাবার কিছুক্ষণ পরেই মুহুরী মহাশয়ও একটা কাজে চলিয়াগেলেন । আমি একলা বৈঠকখানায় বসিয়া আছি, এমন সময় ডাকপিয়ন আসিয়া কতকগুলি পত্র আমার হাতে দিয়া গেল । বড় বাবুর নিকট হইতে পত্র পাইবার সম্ভাবনা ছিল, আমি তাড়াতাড়ি সেই পত্র খুঁজিতে লাগিলাম, কিন্তু আমার নানীয় কোন পত্রই পাইলাম না । তখন আমি একে একে সেই পত্রগুলির শিরোনামা পাঠ করিতে লাগিলাম, কোন প্রকারে সময় ক্ষেপণ করা ব্যতীত এই কার্যের অপর কোনও উদ্দেশ্য ছিল না । পত্রগুলির মধ্যে শ্রীমলাল রায় মুহুরী মহাশয়ের নামীয় একখানি চিঠি ছিল, তাহার শিরোনামা পড়িবার সময় লেখাটা যেন আমার কোনও পরিচিত লোকের বলিয়া বোধ হইল, ডাকঘরের ছাপ্টা বড় অপরিষ্কার পড়িতে পারিলাম না । হঠাৎ মনে পড়িয়া গেল, বন্ধমানের হত্যাকারী ভূষণদাসের লেখা কি এই প্রকার নয় ? অনেক নিদ্রাহীন স্তব্ধরাত্রি ভূষণের কয়েকখানি পত্র নাড়াচাড়া করিয়া অতিবাহিত করিয়াছি, তাহার হস্তাক্ষরের প্রত্যেক টান্ তখনও আমার চক্ষে প্রত্যক্ষবৎ ছিল । মুহুরী মহাশয়ের পত্রখানি যে সেই ভূষণদাস কর্তৃক লিখিত তাহাতে আর আমার সন্দেহ রহিল না । পত্রগুলি অপ্রয়োজনীয় বোধে বড়

বারুকে দিই নাই, সেগুলো আমার পোটমাটোস্থ একটা জামার পকেটে ছিল। তাড়াতাড়ি বাক্স হইতে পত্রগুলি বাহির করিয়া তাহার অক্ষরের সহিত, মুহুরী মহাশয়ের নামীয় পত্রের শিরোনামার অক্ষরের সহিত মিলাইয়া দেখিলাম অবিকল একই হাতের লেখা! অপর চিঠি-গুলো টেবিলের উপর রাখিয়া, একটা নিচ্জন স্থানে গিয়া, সেই পত্রখানি খুব সাবধানের সহিত পড়িলাম। চিঠিখানি যশোহর হইতে প্রেরিত, লেখা ছিল :—

“কল্যাণবরেষু,—আমি কিছুদিন হ’তে তোমার পত্র না পাইয়া উদ্বিগ্ন আছি। পূজার জিনিষ পত্র সঙ্গে লইয়া আসিবে, এবং ছুটিতে আসিবার সময় কলিকাতায় গিয়া, ঈমতী মুণালিনীর জন্ত সেই বহুবাজারের এইচ্, বস্তুর এক শিশি কুস্তলীন, আর একশিশি দেলখোস, অবগ্র করিয়া আনিবে। শীতকালে সাহেব বিবির নাচ দেখতে, সে কলিকাতায় যাবে বলছে। সদর রাস্তায়, এইচ্, বস্তুর খুব বড় দোকান। গোবন্ধন ভাল আছে, ঠাকুরের জর হইয়াছে। কলিকাতার কাঠগোলায়, তোমার কাকার সহিত একবার দেখা করিও। আমি ভাল আছি।

আশীর্বাদক

ঈ. কালীকান্ত রায়।

পুঃ—মিনি শীঘ্র বেষ্ট লিখতে শিখেছে, সে কিছুতেই ছাড়লে না, তার হিজিবিজি হাতের লেখা পত্রের সঙ্গে পাঠাইলাম, তুমি আসিলে ভাল লেখা দেখাইবে। কুস্তলীন ও দেলখোস না আনিলে, বড় গোলযোগ বাধাইয়া তুলিবে।”

তারপর পত্রের সহিত মোড়ক করা একখণ্ড পৃথক কাগজে মোটা মোটা অক্ষরে লেখা :—

“খ, চ, খ, ক, ক, গ, খ, জ, খ, ক, ও, খ, গ, ও, জ।”

পত্র পাঠ করিয়া প্রায় সকল আশাই নিশ্চল হইতে চলিল। কিন্তু ভূষণদাসের হস্তাক্ষরের সহিত চিঠিখানির প্রত্যেক অক্ষরের ঐক্যতা সহজে মন হইতে বিদূরিত হইল না, বিশেষতঃ বালিকাকণ্ঠা মিনির যথেষ্টা লিখিত আঁকা বাকা অক্ষরগুলিতেও যেন ছুই একটা পাকা হাতের টান দেখিতে পাইলাম।

সে যাহা হউক চিঠিখানি, আর সেই ক্ষুদ্র কাগজখণ্ড আমার নিকটেই থাকিল, মৃতরী মহাশয়ের প্রতি একটু খরদৃষ্টি রাখিলাম, কিন্তু তাঁহার ব্যবহারে সন্দেহজনক কিছুই দেখা গেল না। আহারাদির পর কিঞ্চিৎ বিশ্রাম করিয়া, আবার চিঠিখানি লইয়া নাড়াচাড়া করিতে লাগিলাম হটাৎ মনে হইল টুকরা কাগজে যে কয়েকটা অক্ষর লেখা আছে, হয়ত তাহার সাহায্যে পত্রখানি পড়িতে হইবে। আশ্চর্যের বিষয় আমার অনুমান ঠিক হইল, এবং এই কয়েকটা কথা তখন পত্রের মধ্যে স্পষ্ট পড়িতে পারিলাম। “আমি জিনিষ লইয়া কলিকাতায় বহুবাজারের দেলখোস বিবির গোবদ্ধন ঠাকুরের কাঠগোলায় আছি, শীঘ্র না আসিলে গোলযোগ”।

বন্ধমানের হত্যাকারী ও দেওঘরের চুরীর সহায়ক ভূষণ দাসকে উক্ত পত্রস্থ লুক্কায়িত বাক্যদ্বারা ধৃত করিবার সম্ভাবনা দেখিয়া, আমার মানসিক অবস্থা কিপ্রকার হইয়াছিল, পাঠক পাঠিকাগণ অনায়াসেই অনুমান করিতে পারেন। আমি পত্রখানি সাবধানে পকেটস্থ করিয়া, কর্তার নিকট গিয়া বলিলাম,—“আপনার চুরীর বোধহয় একটা কিনারা হইবে, আমাকে এখনই একবার মধুপুরে যাইতে হইবে। কথাটা যেন প্রকাশ না হয়।” গোলযোগের আশঙ্কায় আমার প্রকৃত গন্তব্যস্থান যে কলিকাতা তাহা আর প্রকাশ করিলাম না।

সাতটার গাড়িতেই বাওয়া স্থির করিলাম, দেখিতে দেখিতে ছয়টা বাজিয়া গেল, আমি কিছু অগ্রেই ষ্টেশনে যাত্রা করিলাম। যাইবার

সময় মুহুরী মহাশয় আমার হটাৎ গমনের কারণ জিজ্ঞাসা করিলেন, আমি বলিলাম যেসকল সম্পত্তি বন্ধক রাখিয়া কৰ্ত্তা আমাকে টাকা কজ্জ দিবেন, তৎসম্বন্ধীয় কাগজপত্র ভুলে বাড়িতে ফেলিয়া আসিয়াছি, কলাই দলিলপত্র লইয়া আবার ফিরিতেছি।”

প্রাতঃকালে কলিকাতায় পৌছিয়াই মুচীপাড়ার থানার ইনে-স্পেক্টর সাহেবের সহিত সাক্ষাৎ করিয়া দশজন পুলিশ কন্টেবল্ সঙ্গে লইয়া দেল্খোস বিবির লেনে উপস্থিত হইলাম। গোবন্দন ঠাকুরের কাঠগোলা বাহির করিতে বিলম্ব হইল না, ভূষণকে সেনাক্ত করিয়া গ্রেপ্তার করাও সহজে হইয়া গেল, কারণ বন্ধমানে অবস্থান কালীন তাহার আকারাবয়বের বিশেষত্বগুলি পরিচিত লোকদিগের মুখে শুনিয়া লিখিয়া রাখিয়াছিলাম। প্রথমে দেওবরের চুরীর ব্যাপারের সকল কথাই ভূষণ অস্বীকার করিয়াছিল, কিন্তু তারপর হাজতে রাখিয়া ছট্ একটা তাড়া দিবার পর সে সকলই স্বীকার করিল এবং অপরাধ গহনাগুলিও কাঠগোলাতে পাওয়া গেল।

আমার এই অপরাধী পরিবার আমূল ইতিহাস শুনিয়া বড় বাবু বিশেষ সম্বৃত্ত হইলেন এবং সেই রাত্রেই দেওবরে যাত্রা করিয়া চৌগা কার্খের সাহায্যকারী সেই মুহুরী শ্রামলাল রায়কে গ্রেপ্তার করিবার জন্ত আদেশ করিলেন। এই প্রকার অসম্ভাবিত উপায়ে কৃতকার্যতা লাভ করিয়া, শ্রমক্লিষ্ট ক্ষণ শরীরে যেন চতুর্গুণ বল প্রাপ্ত হইলাম এবং একজন সাহায্যকারী ইনেস্পেক্টরকে সঙ্গে লইয়া সেই রাত্রেই পুনরায় দেওবরে যাত্রা করিলাম।

পরদিন প্রাতে দশটার সময় দেওবরে পৌছিয়া, স্থানীয় থানা হইতে কয়েকজন কন্টেবল্ সঙ্গে লইয়া, বনমালী চৌধুরীর বাসায় উপস্থিত হইলাম। শ্রামলাল রায় মুহুরী মহাশয় তখন একজন দেন্দারের স্মৃদের হিসাব করিতেছিলেন ; আমি তাঁহাকে আইন মত অপরাধের কথা বলিয়া গ্রেপ্তার করিলাম। এ কথা কৰ্ত্তার কর্ণগোচর হইতে অধিক বিলম্ব হইল না। তিনি কতকগুলি বাজে কথা বলিয়া আমা-দিগকে নিরস্ত করিতে চেষ্টা করিলেন। আমি তাঁহাকে পার্শ্বের ঘরে




লইয়া গিয়া, চুরীর আমূল ইতিহাস বর্ণন করিলাম এবং মুন্সুরী মহাশয়ের নামীয় সেই চিঠিখানিও দেখাইলাম । বলা বাত্বেই সেই পত্র হইতে কি প্রকারে আমি ভূষণ দাসের সন্ধান পাইয়াছিলাম তাহা তিনি প্রথমে বুঝিতে পারেন নাই । তারপর “খ চ খ ক ক ইতাদি” অক্ষরাঙ্কিত সেই কাগজখণ্ডের সাহায্যে যে পত্রখানি পড়িতে হইবে তাহা বুঝাইয়া দিলাম ; বাঙ্গালা বর্ণমালার দ্বিতীয় অক্ষর “খ” এর অর্থ প্রথম ছত্রস্থ দ্বিতীয় শব্দ “আমি” এবং তৎপরবর্তী বর্ণমালার ষষ্ঠ অক্ষর “চ” যে পত্রের দ্বিতীয় ছত্রস্থ ষষ্ঠ শব্দ “জিনিষ” বুঝাইতেছে এবং এই প্রকারে যে পত্র পাঠ করিতে হইবে চৌধুরী মহাশয়কে বেশ বুঝাইয়া দিলাম । কতী তখন স্বয়ং পত্রের প্রত্যেক ছত্র হইতে পূৰ্ব্বোক্ত প্রকারে নির্দিষ্ট শব্দগুলি বাহির করিয়া পত্র পাঠ করিয়া আমার বুদ্ধির যথেষ্ট প্রশংসা করিলেন ।

অপরাদী শ্রামলাল রায়কে হাজতে পাঠাইয়া, আমরা সেদিন চৌধুরী মহাশয়ের বিশেষ অমুরোধে দেওঘরে অবস্থান করিলাম ।

পরদিন কলিকাতায় গিয়া শুনিলাম, বন্ধমানের হত্যাকারী এবং দেওঘরের চোর ধৃত করার পুরস্কার স্বরূপ, একটি সত্তর টাকা মাহিয়ার পদে আমার উন্নতি হইয়াছে ।

শ্রীজগদানন্দ রায়

কৃষ্ণনগর, নদীয়া ।



## অষ্টম পুরস্কার ৫৭

### রেল চুরি ।

প্রথম পরিচ্ছেদ ।

সাদে বারটার গাড়ীতে শেরালদহ ষ্টেশনে ট্রেনে চড়িলাম । স্নোপেসেঞ্জার চিকুতে চিকুতে চলিতে লাগিল । গাড়ীতে বসিয়া মনে মনে উত্তরাঞ্চলবাসীদের বুদ্ধির প্রশংসা করিতেছিলাম । সেখানকার কোন এক বুদ্ধিমান জমীদার মহাশয়ের গৃহে এক জন সন্ন্যাসী রূপা করিয়া পদধূলি দিয়াছিলেন । সাধু-সেবাপ্রিয় জমীদার দুই দিন কায়-মনোবাক্যে সাধুসেবা করিয়া আপনাকে কৃতার্থ মানিতেছিলেন । তৃতীয় দিন প্রাতঃকালে দেখা গেল যে সন্ন্যাসী অন্ত্যস্তিত হইয়াছেন এবং দক্ষিণাস্বরূপ জমীদারের কাশ বাক্সটী লইয়া গিয়াছেন । আমার কন্মভোগ ছিল, সেইজন্য জমীদার মহাশয়ের বুদ্ধিমত্তার ফল আমাকেও কিছু ভোগ করিতে হইতেছে, কারণ সেই অন্ত্যস্তিত সন্ন্যাসী মহাশয়কে খোজ করিবার কার্যটা আমার উপরেই পড়িয়াছিল ।

সন্ন্যাসী ঠাকুরের চেহারা সম্বন্ধে জমীদার বেক্রপ লিখিয়া পাঠাইয়াছেন তাহাতে জ্ঞাত হইয়াছি সন্ন্যাসীর বর্ণ সাধুজনোচিত উজ্জল শ্রাম বর্ণ, বুদ্ধি পরিচায়ক প্রশস্ত ললাট, নাসিকা সুবন্ধিম, চক্ষু ক্ষুদ্র ও উজ্জল, দৃষ্টি তীক্ষ্ণ এবং তাঁহার পৃষ্ঠদেশে একটা অস্ত্রাঘাতের দাগ আছে । অস্ত্রাঘাতের দাগ বোধ হয় তাঁহার পূর্বের গুণপনার নিদর্শন হইবে ।

দার্জিলিংমেলে যাইলে সুবিধা ছিল বটে, কিন্তু রাণাঘাটে স্বপুর্নালয়ে নামিয়া একবার প্রণয়িনীর সহিত সাক্ষাৎ করিয়া যাইবার ইচ্ছা ছিল ।

সেইজন্তু স্নো ট্রেনে যাইতেছি। রাণাঘাটে এ ট্রেন ছাড়িয়া দাজিলিং মেলে চড়িব মনস্থ করিয়াছি।

কাঁচড়াপাড়া ষ্টেশনে গাড়ী থামিবামাত্র, দেখিলাম একটা লোক ষ্টেশন মাষ্টারের নিকট কাঁদিয়া পড়িল। গোলমাল দেখিয়া আমি গাড়ী হইতে নামিয়া পড়িলাম। দেখিলাম লোকটি অবিশ্রান্ত ক্রন্দন করিতেছে; তাঁহার ক্রন্দনের ভাবার্থ সংগ্রহ করা কিছু দ্রুত হইল বটে, কিন্তু অবশেষে বুঝিলাম যে এই লোকটি লাটুদহের জমীদারের নায়েব। কলিকাতা হইতে দশ হাজার টাকার নোট লইয়া একটা জমীদারী কিনিবার জন্ত কলকাতার অভিমুখে যাইতেছিল। নোটগুলি তাহার গলার বালান করেনি বাগে ছিল, সেই নোটগুলি সমস্তই চুরি গিয়াছে। সবিশেষ জিজ্ঞাসা করিয়া তাহার নিকট হইতে নিম্নলিখিত বিবরণ সংগ্রহ করিলাম :—

“আমি শেয়ালদহ হইতে যখন গাড়ীতে উঠি তখন চাবিওয়ালাকে কিছু দক্ষিণা দিয়া অপর কেহ কামরায় উঠিতে না পারে এজন্ত চাবি বন্ধ করাইয়া লইয়াছিলাম। কিন্তু গাড়ী ছাড়ে ছাড়ে এমন সময় একটা ভদ্র লোক, পকেট হইতে চাবি বাহির করিয়া আমার কামরা খুলিয়া তাহাতে উঠিলেন এবং উঠিয়াই পুনরায় দরজা বন্ধ করিয়া দিলেন। ভদ্র লোকটির সঙ্গে মোট বেশি ছিল না, কেবল একটা মাত্র ছোট চামড়ার বাগ ছিল, সেটি একজন মুটে বহিয়া আনিয়াছিল। বেশ ভূষায় তাঁহাকে একজন সম্ভ্রান্ত লোক বলিয়া বোধ হইল। তিনি গাড়ীতে উঠিবামাত্র গাড়ী ছাড়িয়া দিল। তখন তিনি যেমন ব্যস্ত হইয়া মুটয়াকে বাগ হইতে পয়সা বাহির করিয়া দিবেন অমনি তাঁহার বাগ হইতে একটা শিশি পড়িয়া ভাঙ্গিয়া গেল এবং স্বগন্ধে চতুর্দিক আমোদিত হইল। যখন দমদমা ষ্টেশনে গাড়ী থামিল, তখন তিনি দুই থিলি পান কিনিলেন এবং তাহার এক থিলি স্বজনোচিত ব্যবহার অনুসারে আমাকে প্রদান করিলেন। আমি তাঁহার এই ভদ্র ব্যবহারে অতীব প্রীত হইয়া তাঁহার সহিত কথোপকথনে প্রবৃত্ত হইলাম।

“এরূপ কিছুকাল কথোপকথনের পর ট্রেন যখন বারাকপুর হইতে

ছাড়িল তখন আমি সেই ভগ্ন শিশিটির মধ্যস্থ পদার্থের গন্ধে বিমোহিত হইয়া জিজ্ঞাসা করিলাম :—

‘মহাশয় এ শিশিতে কি ছিল ?’

“তিনি বলিলেন,” ‘সে কি মহাশয় আপনি কুন্তলীন তৈলের নাম জানেন না ? কুন্তলীনের জলই আজকাল এইচ্, বসুর নাম বিখ্যাত হইয়াছে । কিন্তু তাঁহার এসেন্স দেলথোস যদি আপনি আশ্রয় করেন তাহা হইলে আপনি ইহা অপেক্ষাও মোহিত হইবেন ।’ এই বলিয়া একটা সুন্দর ক্ষুদ্র শিশি পকেট হইতে বাহির করিলেন ।”

“আমি অত্যন্ত কৌতুহল পরবশ হইয়া বলিলাম, ‘মহাশয়, এইটাই কি এসেন্স দেলথোস ।’

‘হাঁ মহাশয়’ বলিয়া শিশিট তিনি আমার হাতে দিলেন । আমি ছিপি খুলিয়া নাকের কাছে ধরিলে প্রথম একটা মিষ্ট গন্ধ পাইলাম, কিন্তু সর্ব শরীর অবশ হইয়া আসিল, হাত হইতে শিশিটি পড়িয়া যাইতে ছিল তিনি ধরিলেন । তাহার পর কি হইল কিছুই বলিতে পারি না । কাঁচড়াপাড়ার নিকট আসিয়া যখন আমার চৈতন্য হইল তখন আর সে লোকটাকে দেখিতে পাইলাম না, ব্যাগ খুলিয়া দেখিলাম তাহাতে একখানি নোটও নাই” এই কথা বলিয়া সেলোকটি বালকের মত ভেউ ভেউ করিয়া কান্দিতে লাগিল ।

### দ্বিতীয় পরিচ্ছেদ ।

তাহার নিকট হইতে এইরূপ বিবরণ শুনিয়া সেথানকার দুই এক জন বুদ্ধিমান পুলিশ অফিসার সাব্যস্ত করিলেন যে এই ব্যাটা মনিবের টাকা চুরি করিয়া এ রকম ধূয়া তুলিয়াছে । আমার মত কিন্তু তাঁহাদের সহিত মিলিল না । আমি ইত্যবসরে সেই কামরাটির অবস্থা পর্য্যবেক্ষণ করিয়া দেখিলাম, বাস্তবিক একটা শিশি ভাঙ্গিয়া এক প্রকার গন্ধ তৈল গাড়ীর মেজেয় ঢালিয়া পড়িয়াছে । বিশেষরূপে নিরীক্ষণ করিয়া দেখিলাম একটা তৈলাক্ত নূতন রবারের জুতার ছাপ গাড়ীর অপর দ্বার পর্য্যন্ত গিয়াছে । তাহার পর ফুটবোর্ডের উপরও

ডাকাতি হইয়া থাকে । কর্তা বাবুর আড়তে সেই চোরাই মাল জমা করিয়া লওয়া ও তাহার বিলি বন্দবস্ত করা বাবুর একটি বিশেষ কার্য্য তাহা বুঝিতে পারিলাম ।

### তৃতীয় পরিচ্ছেদ ।

বাবুর বাটীতে একটী কাঠের লেটার বাগ ছিল । হরকরা সেই লেটার বাগে চিঠি রাখিয়া রাইত । বাবু পরে খুলিয়া পড়িতেন । সেই বাগ হইতে চিঠি চুরি করিয়া পড়া আমার প্রধান কার্য্য হইল ।

ডিটেক্টিভ কর্মচারীদিগের চিঠি খুলিয়া পড়িতে বেশী কষ্ট পাইতে হয় না । শীল করা চিঠিগুলি, মদে রুটি ভিজাইয়া মোহরের ছাপার প্রতিলিপি তুলিয়া রাখিয়া, খুলিয়া পড়িয়া আবার পূর্বের মত শীল করিয়া দেওয়া যায় । আমি তাহা অপেক্ষাও সহজ উপায় অবলম্বন করিয়াছিলাম । চিঠির খামের একধারে একচুল কাগজ কাটিয়া চিঠি-খানি বাহির করিয়া লইতাম । তাহার পর শিরিশ দিয়া এমন জুড়িয়া দিতাম যে কাহারও সাধা নাই ধরিতে পারে ।

যতগুলি চিঠি পড়িয়াছিলাম তাহাতে বিশেষত্ব কিছুই পাই নাই । চার দিনের দিন একখানি চিঠি পড়িয়া মন কিছু সন্দেহ যুক্ত হইল । চিঠি খানি এই :—

প্রণাম পূর্বক নিবেদন মিদঃ

চৌধুরী মহাশয় আপনকার কথামত চারি পাঁচ দিন বিলম্ব করিয়া রাজা বাবুর বাগানে যাই । দেখিলাম বাগান ঘাস এবং আগাছায় ও নোটের শাকে ভরিয়া আছে ; আর লেটার খানি বাবুকে দিয়াছি এখানকার নম্বর পঞ্চানন । পুকুরের অবস্থা ভাল নাই । আপনি নিয়ম মত চারি পাঁচ দিন বাদে এক এক খানি পত্র অবশ্য অবগত করিয়া পাঠাইবেন । যে সকল ইট ভাঙ্গিতে বাকি আছে সেগুলি সমস্ত কলে লইয়া গিয়াছে । এবং কতক ভাঙ্গাও হইয়াছে ।

নিবেদন ইতি শ্রীকরম চাঁদ সিং

চিঠিখানির ভাবার্থ বিশেষ কিছুই বোঝা যায়না। যাহা হউক “নোটের” “লেটার” “নম্বর” এই সমস্ত কথাগুলি দেখিয়া বোধ হইতে লাগিল যে এই চিঠির মধ্যে হারান নোট সম্বন্ধে কিছু গুট রহস্য আছে এবং ইহা মনে করিয়া আনি অত্যন্ত মনোযোগের সহিত বারম্বার চিঠির লিখিত শব্দগুলির পর্যালোচনা করিতে লাগিলাম। সহসা আমার নিকট চিঠি খানির রহস্যোদ্ঘাটন হইয়া গেল।

তখন আমার বিনা মাহিনার চাকরীতে ইস্তাফা দিয়া কলিকাতা চলিয়া আসিলাম এবং ডাক বিভাগের কন্ট্রোলরুমের সহিত পরামর্শ করিয়া রাজাবাগান ডিবিসনের পিয়নের কার্যে নিযুক্ত হইলাম। নিযুক্ত হইবার পরদিনই আমি যাহা আশা করিতেছিলাম তাহা পাইলাম, অর্থাৎ চুঁচড়া প্রতাপপুর হইতে সাবুচন্দ্র খাঁ চৌধুরী প্রেরিত করমচাঁদ সিংহের নামীয় একখানি রেজেষ্টারী চিঠি আমার হস্তগত হইল।

রেজেষ্টারী চিঠি লইয়া আমি চার নম্বরের বাটীতে উপস্থিত হইলাম। রেজেষ্টারী চিঠির সংবাদ পাইয়া বাটীর কত্কা বহির্দ্বারীতে আসিয়া উপস্থিত হইলেন। আমার নিকট হইতে রসিদ খানি লইয়া সই করিয়া আমার হাতে ফেরৎ দিলেন। আমি দেখিলাম পূর্বোক্ত লিখিত পত্রের লেখা ও এই হাতের লেখা ঠিক এক প্রকার। তখন আমার সঙ্কেতে চারি জন পাঠাওয়ালা আসিয়া করমচাঁদকে গ্রেপ্তার করিল।

তার পর সেই রেজেষ্টারী চিঠি খানির উপর ডেডলেটার আপিসের ছাপ দিয়া একজন সহকারীর দ্বারা প্রতাপপুরে সাবুচন্দ্র খাঁ চৌধুরীর ওখানে পাঠাইয়া দিলাম। ডাকওয়ালা গিয়া খবর দিল যে কলিকাতার একখানি রেজেষ্টারী চিঠি ডেডলেটার অফিসে ঘুরিয়া ফেরত আসিয়াছে। চৌধুরী মহাশয় অনেক ভাবিয়া চিন্তিয়া রসিদ খানিতে সই করিয়া ফেরত লইলেন। সেই সময় পুলিশ আসিয়া তাঁহাকে গ্রেপ্তার করিয়া ফেলিল এবং পূর্বোক্ত রেজেষ্টারী চিঠি খোলায় তাহার মধ্য হইতে পাঁচ খানি চোরাই নোট বাহির হইল এবং তাঁহার বাড়ী খানতলাসী করায় অপহৃত নোটের আরো কয়েকখানি পাওয়া গেল।

পূর্বোক্ত করমচাঁদই যে সন্ন্যাসী সাজিয়া ক্যাস বাক্স চুরী করিয়াছিল এবং রেলেনায়েবকে দেলখোসের পরিবর্তে ক্লোরোক্স দ্বারা অন্তর্ভুক্ত করিয়া তাহার বাগ হইতে নোটগুলি চুরি করিয়াছিল তাহাতে আর সন্দেহ রহিল না ।

পাঠক গণের স্মরণ থাকিতে পারে পূর্বোক্ত চিঠি খানির “নোটের” “লেটার” “নম্বর” এই তিনটি কথা তথাং চোখে পড়িয়া আমার মনে প্রথম সন্দেহের উদয় হয় । সেই সময় বিশেষ রূপে লক্ষ্য করিয়া দেখিয়াছিলাম যে এই কয়েকটি কথা ঠিক চারিটি চারিটি কথার অন্তরে আছে । এই উপস্থিত অনুসারে পত্রের আরম্ভ হইতে প্রত্যেক পঞ্চম কথা একত্রে পড়িয়া দেখিয়াছিলাম যে কথাগুলি এইরূপ দাঁড়ায় “চারি রাজাবাগান নোটের লেটার নম্বর নাই পাচ খানি পাঠাও বাকী কলে ভাঙ্গাও” অতএব পত্র লেখক যে এই কথাগুলি লিখিবার জন্তই এরূপ সুকৌশলে বাক্য বিস্তার করিয়াছিল, তাহাতে আমার আর সন্দেহ ছিল না ।

বাস্তবিক পটে কোন কথা থাকা বোধ হয় বিধাতার নিয়ম নহে । সেই কারণে হারাণো নোটের যে সিরিয়াল নম্বর নাই, একথা কলিকাতা সহর ময় রাষ্ট্র হইয়াছিল । কাজেই জুরাচোরদের একথা জানিতে অধিক কষ্ট পাইতে হয় নাই ।

নায়েব নিষ্কৃতি পাইয়া আমার নিকট আসিয়া কৃতজ্ঞতা প্রকাশ করিলেন । আমি তাহাকে উপদেশ দিলাম যে যদি ও তিনি লাউদহের জমিদারের নায়েব, কিছু তথাপিও রাষ্ট্রের প্রত্যেক ভদ্র লোকের সহিত আলাপ করাটা ঠিক হয় নাই ।

শ্রীমতী সরলাবালা দাসী

অনুভবজ্ঞান পত্রিকা অফিস ।



## আমার কাহিনী ।

ডেপুটিগিরি পরীক্ষা দিয়া ফলান মাসের একদিন শ্রমাস্ত্রের সময় কলিকাতা হইতে বাটী পৌঁছলাম। আমার বাটী বঙ্গবান জেলা, সুন্দর পল্লিগ্রামে। বাটীতে থাকেন পুস্তকাত মহাশয় ও খুড়িমা। আমি ইহাদের সহিত এক পরিবারভুক্ত। ইহারাষ্ট বাটীর কন্ডা ও গিন্নি।

আমি শৈশবেই পিতৃমাতৃহীন। ভাই ভগ্নি নাই। খুড়া মহাশয়ও অপুত্রক। বাড়ীর মধ্যে ছেলে—মবে দন আমি নৌলমণি। মা বাপ মরা ছেলে। পুস্তকাত মহাশয় ও খুড়িমা ঋদয়ের সমস্ত মেহটুকু আমার উপর ঢালিয়াছিলেন। তাতে আবার এ আদরের অংশদার কেহ নাই। আমি যেন আলালের ঘরের ঢলাল। যখন যাহা চাই পুস্তকাত মহাশয় সাধামত মনস্কামনা পূর্ণ করিতে ক্রটি করিতেন না। আমার শৈশবের দোরায়ে লৌকজন পাড়া প্রতিবেশী বাতিবাস্ত। আমি যেন দ্বিতীয় কৃষ্ণঠাকুর। ননী চুরি মাখন চুরি, দই চুরি ঘোল চুরি, আম জামের ত লুপাই নাই। খুড়া মহাশয়ের নিকট নালিসে কোন প্রতি-কার হইত না। কেহ আমার নামে নালিশ করিতে আসিলে তিনি তাহাদিগকে মিষ্ট কথায় তুষ্ট করিয়া দিতেন। ছেলে বেলার একদিনের গল্প বলি। তাহা হইলে আমার দোদ ও প্রতাপ কতকটা উপলব্ধি করিতে পারিবেন।

তখন গ্রামের গুরুমহাশয়ের নিকট পাঠশালে বোধোদয় পড়ি। বৈকালবেলা পাঠশালা বসিয়াছে। পাততাড়ি খুলিয়া ধারাপাত লিখ-তেছি ও পাশের সহপাঠকে চিম্টি কাটিবার সুখ তৃপ্তিপূর্ব্বক উপভোগ করিতেছি। গুরুমহাশয় অন্ধনিদ্রিতাবস্থায় শিথিল হস্তে আরামদায়িণী



হুকাদেবীর আরাধনায় নিযুক্ত। এমন সময় আমার ও আমার সহ-পাঠীর নামে ওপাড়ার হরি চাটুর্ঘ্যে কর্তৃক নালিশ রুজু হইল। ব্যাপার—থিড়কি পুকুরের পাড়ের আমগাছ হইতে আম চুরি। গুরুমহাশয় বিরক্ত হইলেন; দেখিতে দেখিতে তিনি রক্তবর্ণ চক্ষে বিছানায় উঠিয়া বসিলেন। সর্দার পড়োরা পর্য্যন্ত তটস্থ। আমি কিন্তু সম্পূর্ণ নিভীক। দিক্‌বিজয়ী বীর যেমন শত বাধা বিপত্তি উপেক্ষা করিয়া গন্তব্য পথে সসৈন্তে সতেজে চলিয়া যায়, আমি তেমনি নিভীক হৃদয়ে তেমনি বীরের মত সতেজে পাততাড়ির উপর শরের মোটা কলম চালাইতে লাগিলাম। আমি জানিতাম পণ্ডিত মহাশয় সহস্র দোষেও আমাকে কিছু বলিবেন না। আমাদের বাটী হইতে পণ্ডিত মহাশয়ের অনেক পাওনা। মাসিক মাহিনা—আমার মাহিনা আবার সকল ছেলের চেয়ে বেশী। আমাদের বাড়ীতে বার মাসে তের পার্শ্বন, পূজা পার্শ্বনে কাপড় চোপড় গুরুমহাশয়ের অবশুস্তাবী পাওনা। আমাদের বাড়ী গুরুমহাশয়ের প্রায়ই নিমন্ত্রণ; হাত পুড়াইয়া রাঁধিয়া খাইবার দায় হইতে পণ্ডিত মহাশয়ের সেই সব দিন পরিহ্রাণ। এসব বাদে, আমার বুদ্ধির গুণে ও হস্তের কসরতে প্রায়ই ভাল তামাক আমাদের বাড়ী হইতে অন্তর্হিত হইয়া গুরুমহাশয়ের নিকট উপস্থিত হইত। এহেন আমি, আমাকে কি গুরুমহাশয় কিছু বলিতে পারেন? তার আবার আমি আড়রে ছেলে। আমায় কিছু বলিলে খুড়া মহাশয় অসন্তুষ্ট হইবেন সেটা পণ্ডিত মহাশয়ের বেশ জ্ঞান ছিল। সুতরাং আমি বেশ বুঝিতে পারি ও বরাবর দেখিয়াছি পণ্ডিত মহাশয়ের নিকট আমার সাতখুন মাপ। নালিশ শুনিয়া পণ্ডিত মহাশয় বলিলেন “রাজু, বলত, বাবা কি হয়েছিল? সত্যি বল বাবা, জানত আমি মিছে ব’লে হাড়-গোড় ভেঙ্গে দিব।” পণ্ডিত মহাশয়ের স্বর স্বাভাবিক, শুধু স্বাভাবিক নয়, বরং একটু আদরের। আমি বললাম “না, পণ্ডিত মহাশয় আমি যাই নাই, এই শ্রামা আমায় নিয়ে গিয়েছিল।” আমার সহপাঠী বাহার গাছের উপর এতক্ষণ নখরের ধার পরীক্ষা করিতেছিলাম তাহারই নাম শ্রামসুন্দর ওরফে শ্রামা। বলা বাহুল্য হুই জনই ছপুর

রোদে আম্র সেবন সুখ উপভোগ করিতে গিয়াছিলাম; শ্রামা আমাকে লইয়া যায় নাই, আমিই বরং শ্রামাকে লইয়া গিয়াছিলাম। কিন্তু ভগবানের কি আশ্চর্য্য মহিমা ! আমি যেই বলিলাম শ্রামা আমাকে লইয়া গিয়াছিল, বাস্ আমি বেকশ্বর থালাম। পণ্ডিত মহাশয় তজ্জন করিলেন “বটেই শ্রামা, রেজোর দোষ কি, তুই ত যত নাটের গুরু।” শ্রামের কোন সাফাই খাটিল না। তাহার পিঠে ঘা কয়েক সপাসপ্ হইয়া গেল।

পাঠশাল ছুটি হইলে শ্রামা ও আমি যুক্তি করিলাম হরি চাটুগোকে জন্ম করিতে হইবে। রাবণ রাজ্যের রাজনীতি “শুভশ্রী শীঘ্রং”। আমাদেরও যেই কথা সেই কাজ। পরদিন রামা ছুতারের করাত হারাইল। তিন দিনের অনবরত চেষ্টায় ক্ষুদ্র আম্র বৃক্ষটি ভূমিস্থাৎ। এমনি বৃক্ষের জোর ও ভগবানের কোশল, যে কেহই দরিতে পারিল না। কিন্তু সকলেই বুঝিল। সেই অবধি কেহ কখন আমার নামে গুরু মহাশয়ের নিকট নালিশ করিতে আসে নাট।

এমনি করিয়া আমার দিনগুলি কাটতে লাগিল। চন্দ্রের কলার ত্রায় দিনে দিনে আমার বয়স বৃদ্ধি হইতে লাগিল। বিশ্ববিদ্যালয়রূপ ভবসমুদ্রে ক্রমে ক্রমে পাড়ি দিতে লাগিলাম। প্রবেশিকা, এলে, বিএ, ল উত্তীর্ণ হইয়া ডেপুটীগিরি পরীক্ষা দিলাম। বয়স তেইশ বৎসর। এত বয়স হইল, এত পাশ করিলাম, কিন্তু একটি দোষ আমার গেল না, প্রবৃত্তি দমন করিতে আমি কখন শিখি নাই। শৈশব হইতে যখন যাহা চাহিয়াছি তখনই তাহা পাইয়াছি। খুড়া ও খুড়িমা প্রাণপণে অভিলাষ পূর্ণ করিতেন। অপূর্ণ অভিলাষের বাথা কখন আমার ভোগ করিতে হয় নাই। সেই স্বভাব প্রথমেই দৃঢ় হইল। আমার যাহা ইচ্ছা—বুঝিয়াই হউক আর খেয়ালবশেই হউক, ভাল হউক মন্দ হউক—আমার যাহা ইচ্ছা আমি তাহা করিবই। কোন প্রকার বাধা বিঘ্ন আমি গ্রাহ্য করিব না। বাধা পাইলে বরং আমার আগ্রহ অধিকতর হয়। এই খানেই আমার দোষ।

তা দোষ হয় হউক। চাঁদেও কলঙ্ক আছে, মৃণালেও কণ্টক।

ডেপুটিগিরি পরীক্ষা দিয়া বাট আসিলাম। লোক মুখে আমার এখন প্রশংসা ধরে না। পাড়াগেয়ে লোক, সবাই মনে করে আমি একটা বিজ্ঞান জাহাজ। যেখানে পাচ জন বসিয়াছে সেইখানেই আমার কথা ও আমার প্রশংসা। কেহ বলিত, আমি একটা ক্ষণজন্মা ছেলে, এমন ছেলে আর হয় না। শৈশবে, বালো, আমি কখন কাহার নিকট কোন বিষয়ে অসাধারণত্ব দেখাইয়াছিলাম, তাহারই আলোচনা হইত। মেয়ে মহলেও আমার পশার ভারি। এই সব শুনিয়া খুঁড়িয়া আফ্লাদে আটখানা।

ক্রমে অনেক লোক আমার স্বস্তুর পদ লাভ করিবার জন্ত খুল্লতাত মহাশয়ের উমেদারী করিতে লাগিলেন। শেষে অনেক দেখিয়া শুনিয়া ভগলী জেলার অন্তর্গত একটি গণ্ডগ্রামে একটি পাত্রী মনোনীত হইল।

যথা সময়ে মাথায় টোপর ও হাতে সূতা বাধিয়া লোকজন বাদ্য কোলাহল সহিত ভাবী স্বস্তুর গৃহে আমি উপস্থিত। বিবাহ হইল। কিন্তু দেনা পাওনা লইয়া স্বস্তরের সহিত খুঁড়া মহাশয়ের কি একটা গোলযোগ হইয়াছিল। কি গোলযোগ হইয়াছিল, আমি জানি নাই; জানিবার অবকাশও ছিল না। আমি তখন ভাবে বিভোর। আমার কি তখন বাহজ্ঞান আছে? আধ আলো, আধ ছায়া গোছ একটা অস্পষ্ট সলজ্জ সুন্দর মুখের (বিবাহিত পাঠক ক্ষমা করিবেন, শুভ দৃষ্টির আমার এই অভিজ্ঞতা) অপূর্ব মাধুরী আমার তখন হৃদয় আলোড়িত করিতেছিল। পরে শুনিলাম, স্বস্তুর মহাশয় খুল্লতাত মহাশয়কে দেনা লইয়া কিঞ্চিৎ রুঢ় কথা শুনাইয়া দিয়াছিলেন। আমি কথাটায় এমন বিশেষ কিছু মনোযোগ করিলাম না।

বিবাহের পর ফুলশয্যা। সেই রাত্রি আমার অর্দ্ধাঙ্গিনীকে প্রাণ ভরিয়া দেখিলাম। যাহা দেখিলাম তাহা এক মুখে বর্ণনা সম্ভবে না। যদি মহাদেবের মত পঞ্চমুখ থাকিত, তাহা হইলে বর্ণনা করিতে পারিতাম, যদি বাসুদেবের ত্রায় বর্ণনা শক্তি থাকিত, যদি গণেশের ত্রায় লেখনীর পটুতা থাকিত, তাহা হইলে কিঞ্চিৎ বর্ণনা করিতে পারিতাম। বাস্তবিক এ বর্ণনা আমার অসাধ্য। ভাবিলাম বুঝি বা কোন

৭. দেবী আমাকে ছলনা করিবার জন্ত এ ধরাধামে অবতীর্ণ হইয়াছেন ।  
( পার্ঠিকাগণ হাসিবেন না ) ।

অষ্টাহকাল আমাদের বাটীতে থাকিয়া আমার স্ত্রী পিতৃশ্রমে চলিল ও সঙ্গে সঙ্গে আমার হৃদয়টা খালি করিয়া গেল । কিছু ভাল লাগে না । খাওয়া দাওয়া, আমোদ প্রমোদ কিছুতেই স্মৃথ নাই । আমার যেন “জনম অবধি, বিরহে দগধি, এ জীবন হ’য়ে গেল ছাই” । আমার যখন এই অবস্থা তখন একদিন থবর আসিল আমি ডেপুটী পরীক্ষায় ফেল হইয়াছি । মনটা আরও বেশী খারাপ হইয়া গেল ।

ক্রমে মাস চারি গত হইল । মনে শান্তি নাই । ইতিমধ্যে স্বস্তুর মহাশয় আমাকে লইয়া যাইবার জন্ত খুড়া মহাশয়ের নিকট বার দুই চিঠি লিপিরাছিলেন । খুড়া মহাশয় দুই বারই আপত্তি করিয়াছিলেন । আমাকেও বিশেষ করিয়া সাবধান করিয়া দিয়াছিলেন যেন স্বস্তুর বাটী না যাই । বিবাহের সময়ের দেনা পাওনা উপলক্ষে স্বস্তুর মহাশয়ের সেই রূঢ় ব্যবহার খুড়া মহাশয়ের তখনও মনে আছে ।

কিন্তু আর আমি নিষেধ আজ্ঞা মানিতে পারিতেছি না । মনের অশান্তি দিন দিন বৃদ্ধি পাইতেছে । বিবাহের পর আট দিনের পরিচয়ে আমার স্ত্রীর সম্বন্ধে যাহা জানিতে পারিয়াছিলাম, তাহাতে বুঝিয়াছিলাম, আমার স্ত্রী সুশিক্ষিতা, বুদ্ধিমতী ও গুণবতী । মনে হইল, তাহার সহবাসে হয় ত শান্তি পাইব । ঠিক করিলাম স্বস্তুরবাড়ী যাইব ।

কিন্তু যাই কি করিয়া । বাড়ী হইতে যাওয়া ত অসম্ভব । খুল্লতাত মহাশয় ত কিছুতেই যাইতে দিবেন না । আর এহেন স্নেহময় খুল্লতাত মহাশয়ের প্রকাশ্য বিদ্রোহাচরণ করিয়া স্বস্তুরবাড়ী যাইতে কেন বৈকুণ্ঠধাম যাইতেও প্রবৃত্তি নাই । অথচ স্বস্তুর বাড়ী যাইতে হইবে । মনের বেগ দমন অসাধ্য ।

এক মতলব ঠিক করিলাম । বাটী হইতে এক ছুতা করিয়া কলিকাতা আসিলাম । সেখান হইতে একবারে স্বস্তুরবাড়ী । মনে দ্বিধা নাই ।

অবশ্য এখন আমার সজ্জাতবাস । বাহিরে প্রকাশ এখন আমি

কলিকাতায় । বাটী হইতে চিঠি পত্র আসিতে লাগিল কলিকাতার ঠিকানায় । কলিকাতা হইতে আমার হাতের লেখা উত্তর পর্যাশ্রু যাওয়ার বন্দোবস্ত হইল । কেমন করিয়া শুনবেন ? বন্ধু বান্ধবেরা চিঠির ঠিকানা পরিবর্তন করিয়া চিঠিগুলি আমার নিকট পাঠাইয়া দিতেন । আমি আবার উত্তরগুলি তাঁহাদের নামে কলিকাতায় পাঠাইতাম । তাঁহারা নূতন থামে সেই উত্তরগুলি ভরিয়া আমার খুড়ার নামে পাঠাইতেন । বুদ্ধির বাহাড়রি নাই কি ?

শ্বশুর বাড়ী আসিয়া মনে কতকটা শান্তি পাইলাম । দীর্ঘ বিরহের পর অপূৰ্ণ মিলন সুখ উপভোগ করিতে লাগিলাম । যেন উদ্ভূত ধরণী বারিধারা বর্ষণে শীতল হইল । দিনগুলো আমোদ আশ্বাসে কাটিতে লাগিল । তাস পাশা দাবা, দাবা পাশা তাস । দিনের বেলা গল্প গুজব । সঙ্গী অনেক গল্পও নানা প্রকার । খোদ মহারাণী ভিক্টোরিয়া হইতে রামা কামার, বিজ্ঞাসাগর হইতে একাদশী বাড়ুগো, অহল্যাবাই ও মিস্ ফ্লোরেন্স নাইটিঙ্গেল হইতে স্বর্গবাই ও তেলী বৌ পর্যাশ্রু আমাদের গল্পের বিষয়ীভূত । আমাদের খেলার আড্ডা ঠিক যেন অনুসন্ধানের “পঞ্চভৌতিক” সভা । একদিন সৌখিন বাবু সঙ্গকে কথা উঠিল । পরিদৃশ্যমান সৌখিন বাবুর দৃষ্টান্ত হইতে ক্রমে ক্রমে মনোবিজ্ঞানের নিয়মানুসারে আদর্শ সৌখিন বাবুর কাল্পনিক নমুনার দিকে সকলের মন দাবিত হইল । সকলেই আপন আদর্শকে নিজ নিজ অভিজ্ঞতা অনুসারে মনোমত করিয়া সাজাইলেন । পারে কার্পেটের জুতা হইতে মস্তকে রেশমী ছাতা পর্যাশ্রু সকলই হইল । বাদসাহী আতর গোলাপ জল হইতে সাহেবী অডিকলম লাভে ওর পর্যাশ্রু আদর্শ সৌখিন বাবুর গোঁফে ও মাথায় চড়িল । দশাঙ্গুলে হীরকাসুরীয় । সকলের সাজান হইলে পর আমি বলিলাম “ভাই তোমাদের সৌখিন বাবু ‘সৌখিন’ হয় নাই । তোমাদের সৌখিন বাবুর ‘দেলখোস’ নাই । ইহাতে একজন বলিল “দেলখোস’ আবার এসেস, ওসব কলিকাতার জুয়াচুরি” । আমার পোটমেন্টে দেলখোস ছিল । আমি কিছু না বলিয়া পোটমেন্টে ~~খুলিয়া~~ দেলখোসের শিশিটি আনিলাম । যে ব্যক্তি

দেলখোস জুরাচুরি বলিয়াছিল তাহার জামায় কিঞ্চিৎ ঢালিয়া দিলাম । স্নগন্ধে ঘর আমোদিত হইল । সকলেই বলিল ইহার গন্ধ খুব মনোরম, সকল রকম এসেন্স অপেক্ষা বেশী । তখন সেই ব্যক্তি কিঞ্চিৎ অপ্রতিভ হইয়া বলিল “ইহার গন্ধ বেশী হইতে পারে কিন্তু ক্ষণস্থায়ী” । আমি বলিলাম তোমার জামার গন্ধ যদি তিন দিন না থাকে তাহা হইলে পাঁচ টাকা দিব । সেও তদুপ বাজি রাখিল । সে সমস্ত দিন জামাটা গায়ে দিয়া রাখিল । তাহার পর দিন জামাটা বাগ্নে পুরিয়া ডবল ঢাবি দেওয়া হইল । তিন দিন পরেও দেলখোসের গন্ধ স্পষ্ট অনুভূত হইল । স্ততরাং সে বাজি হারিল । আমি এই টাকার সঙ্গে কিছু দিয়া বন্ধ বান্ধবদিগকে ভোজ দিলাম ।

দিনের বেলা এই প্রকারে কাটে । রায়ে রহন্ত, প্রেমালাপ । বিবাহিত পাঠককে তাহার আর নূতন পরিচয় কি দিব ?

দিন কয়েক শস্তুর বাড়ীতে কাটাইয়া কলিকাতায় আসিলাম । তথা হইতে বাড়ী । বাড়ী আসিলাম বটে, কিন্তু আসিয়াই দেখি সব গোল । আমার অজ্ঞাতবাস সব প্রকাশ হইয়া গিয়াছে । ধর্ম্মের কল বাতাসে নড়ে কিনা ! আমাদের স্বগ্রামস্থ একটা লোক কলিকাতা আসিয়া আমার সহিত সাক্ষাৎ করিবার মানসে কলিকাতায় বাসায় আসিয়া আমার সম্বন্ধে সমস্তই শুনিয়া গিয়াছেন । তাঁহার নিকট হইতে খুল্লতাত মহাশয় শুনিয়াছেন । খুল্লতাত মহাশয় আমাকে স্পষ্ট কিছু বলিলেন না । আমি কিন্তু নবমীর পাটার ত্রায় কাঁপিতেছি । বুঝিলাম আমার এই ব্যবহার তাঁহার হৃদয়ে আঘাত দিয়াছে । কিন্তু তিনি আমার উপর রাগ করিয়া থাকিবেন কত কাল ? দিন কয়েক পরেই আমার উপর বিরক্তিবাব চলিয়া গিয়া সেই রাগ ভীষণতর হইয়া শস্তুর মহাশয়ের উপর পড়িল ।

এই সময় হইতে আমার ম্যালেরিয়া হইল । অনেক দিন ভুগিলাম । নানা ঔষধ ডাক্তারি, কবিরাজী, হোমিওপ্যাথী চলিতে লাগিল । শেষ টোটকা টাট্‌কি ঝাড় ফুঁ পর্য্যন্ত ; কিন্তু কিছুতেই ভাল হইল না । তখন একটা কথা উঠিল বোয়ের পয় ভাল নয়, বোয়ের দোষে ছেলের

অসুখ । কথাটা প্রথমে মেয়ে মহল হইতে উঠিল। খুড়িমা শুনিলেন, প্রথম প্রথম কথাটায় বড় কান দিতেন না । কিন্তু নানা লোকে নানা ভাবে সর্বদা এই কথা উক্তি করার দরুণ ও নানা প্রকার মেয়েলি যুক্তি, তর্ক, দৃষ্টান্তের অবতারণা করাতে তাঁহারও এই কথা মনে উদয় হইল । রোগ উপশম না হওয়াতে এই বিশ্বাস ক্রমে তাঁহার হৃদয়ে বদ্ধমূল হইল । তিনি আমা গত প্রাণ, তিনি কি আর থাকিতে পারেন ? তিনি খুড়া মহাশয়কে বলিয়া কহিয়া আমার শুভাকাঙ্ক্ষায় (খুড়া মহাশয়েরও স্বশুরের উপর রাগ আছে) পাত্রী অনুসন্ধান করাইতে লাগিলেন ।

আমার বিপদ হইল । পুনরায় বিবাহ করিতে আমার সম্পূর্ণ অনিচ্ছা । আমার স্ত্রীর সহিত আমার কোন মনোগোলিষ্ঠ নাই । আমার বিশ্বাস—আমার স্ত্রীর মত স্ত্রী নাই । আমি ভাবিতেছি ভগবান কি কোন উপায় করিবেন না । শেষে কি নিতান্তই বিবাহের দিন গুপ্তভাবে গৃহ হইতে পলায়ন করিতে হইবে ? আমি কিন্তু আমার মনোভাব কাহাকেও প্রকাশ করিলাম না ।

বাপার যখন এই রকম দাঁড়াইয়াছে, তখন একদিন দেখি একটা শিবিকা আসিয়া আমাদের বাটীর দ্বারে লাগিল । শিবিকা হইতে বাহির হইল আমার স্ত্রী ।

লোক পরস্পরায় আমার স্বশুর যখন শুনিলেন যে আমার পুনরায় বিবাহের জন্ত পাত্রী অনুসন্ধান চলিতেছে, তখন তিনি আকাশ হইতে পড়িলেন । শেষ অনেক ভাবিয়া চিন্তিয়া নিরাভরণা, এক বস্ত্র পরিহিতা তাঁহার কণ্ঠা পাঠাইয়া দিলেন । সঙ্গে কেবল একজন দাসী । এই আমার স্ত্রীর দ্বিরাগমন ।

খুড়িমাতাঠাকুরাণী আমার স্ত্রীকে মুখে খুব আদর যত্ন করিতে লাগিলেন, কিন্তু সে যত্ন যে আন্তরিক নয় তাহা বুঝা যায় । আমার স্ত্রী প্রাণপনে তাঁহার প্রিয়পাত্রী হইবার চেষ্টা করিতে লাগিল । প্রাণপনে তাঁহার সেবা, গৃহকর্মে সহায়তা করিতে লাগিল । ক্রমে তাহার প্রতি খুড়িমার মনও কিছু নরম হইল ।

দিন কয়েক পরে আমার স্বপ্নের মহাশয় দ্বিরাগমনের সমস্ত সাজ সরঞ্জাম পাঠাইলেন। প্রত্যেক জিনিষই দামী। খুড়া মহাশয় দেখিয়া কিঞ্চিৎ হাসিলেন।

আমার স্ত্রী আমাদের বাটীতে আসার পর বিবাহের কথা আর তেমন প্রকাশ্যভাবে আলোচিত হইত না। যাঁহা হইত তাঁহা গোপনে। শেষে এক অদৃত ঘটনা দ্বারা আমার এই ভয়ঙ্কর বিরহাস্ত নাটকের অভিনয় হইতে মুক্তি পাইলাম।

আমার খুড়িমা একদিকে বেশ মানুস যেন মাটির মানুস। কিন্তু তাঁহার একটি দোষ ছিল, নিজের নিন্দা তিনি সহ্য করিতে পারিতেন না। 'যে তাঁহার নিন্দা করিত তিনি তাহার মুখ পর্য্যাস্ত দর্শন করিতেন না। কিছুদিন পূর্বে হইতে, কি কারণে জানি না, তাঁহার মাথার চুল উঠিয়া যাইতেছিল। অনেক ঔষধপত্র তিনি মাথায় লাগাইলেন, কিছুতেই কিছু হইল না। ক্রমে চুল এখন খাট হইয়া গিয়াছে ও অনেক উঠিয়া গিয়াছে। স্ত্রীলোকের ইহাতে অবশ্য খারাপ দেখায়। প্রতিবেশী কামিনীরা তাঁহার স্বরূপের কথা লইয়া তাঁহার অসাক্ষাতে অনেক ঠাণ্ডা বিদ্রূপ হাসাহাসি করিত। ইহা তাঁহার সহ্য হইত না। এইজন্ত তিনি তাহাদের উপর চটয়া নিতাস্ত প্রয়োজনীয় কথা ভিন্ন বাক্যলাপ পর্য্যাস্ত করিতেন না।

আমার স্ত্রী একদিন বলিল “মা (সে মা বলিত), আমার কাছে এক রকম তেল আছে, তাতে চুল উঠা বন্ধ হয়, নূতন চুল গজায় আর মাথা ঠাণ্ডা হয়। তুমি ত চুলের আশা একেবারে ছেড়ে দিয়েছ, আমি একবার দেখি। এ তেল নূতন বেরিয়েচে।” এই বলিয়া সে খুড়িমার সকল আপত্তি অগ্রাহ করিয়া কুস্তলীনের শিশি খুলিয়া তাঁহার মাথায় বেশ করিয়া মাখাইল। সেই দিন হইতে রোজ অবসর পাইলেই সে খুড়িমার মাথায় কুস্তলীন মাখায়। ক্রমে দুই শিশি মাখান হইলে পর (যথ আবিষ্কারক) তাঁহার মাথার চুল ঘন হইতে ও বৃদ্ধি পাইতে লাগিল। আরও দুই শিশি মাখান হইল। তখন চুল প্রায় পূর্ব্ববৎ হইল। সকলেই কিছু আশ্চর্য্যাদিত হইল।



এই ঘটনায় খুড়িমা আমার স্ত্রীর প্রতি বিশেষ সম্বন্ধে হইলেন । যাঁহা কেহ করিতে পারে নাট, তাঁহা এই চারি শিশি কুন্তলীন সম্পন্ন করিল । সেই দিন হইতে আমার পুনর্বার বিবাহের প্রসঙ্গ বন্ধ হইল । কেহ ঐ কথা উত্থাপন করিলে খুড়িমা বলিতেন “বালাই, বউমা আমার লক্ষী, আমি কেন শুধু শুধু বৌমাকে সতীনের জ্বালায় জ্বালাব ।” সেই দিন হইতে আমার স্ত্রীও সেই কাচের শূণ্য চারিটা শিশি ভগবানের অপার দয়ার নিদর্শন বলিয়া পূজা করে ।

এদিকে আমার অসুখও ভাল হইল । এখন আমার স্ত্রী অপরা, কুপরা নাই । এখন তাঁহাকে পায় কে ? তিনি ঘরের লক্ষী । খুড়িমা কথায় কথায় বলেন “বউমা আমার ঘরের লক্ষী” । যখন বাহার ভাগ্য সুপ্রসন্ন হয় তখন এমনিই হয় । উনি এখন উড়ে এসে ঘুড়ে বসে আমার পা ওনার ভাগ বসাইয়াছেন । জন্মাবধি আমি যে মেহ দখল করিয়া আসিতেছি, তিনি আমার সেই মোরসী স্বত্ব হইতেও অনেকটা আমাকে বেদখল করিয়াছেন ।

আমাদের ঘরকন্না আর কোন গোলযোগ নাই । বেশ সুখে আছি । বাহা বাগড়া কেবল আমাদের দুজনে, তাঁহাও আবার সঙ্গে সঙ্গে মিটিয়া যায় ।

শ্রীসাঁতশচন্দ্র ঘোষ ।



## প্রতিশোধ ।

গত বৎসর যখন আমার বিবাহের কথা হয় তখন আমি ফাষ্ট্‌ আটম্‌ পরীক্ষা দিয়া বাটী আসিয়াছিলাম। বিবাহের পক্ষেই আমি আমার ভাবী পত্নীর রূপ গুণের বিষয় কতকটা শুনিতে পাঠিলাম। যাহারা বিবাহের সম্বন্ধ করিতে গিয়াছিলেন তাহারা আসিয়া বলিলেন যে “মেয়েটি খুব সুন্দরী না হইলেও মন্দ নহে এবং দেখিলে দীর প্রকৃতি ও শাস্ত্র স্বভাবা বলিয়া বোধ হয়।” “মেয়েটি তত সুন্দরী নয়” এই কথা শুনিয়া পিতাঠাকুর মহাশয় বিবাহে একটু আপত্তি করিলেন; কিন্তু ব্রাহ্মদশ বর্ষ বয়স্ক অরক্ষণীয়া কন্যার ভারে প্রপীড়িত একজন ভদ্রলোকের অনুরোধ ও তৎ প্রদত্ত অর্থ উপঢৌকনাদির লোভ এড়াইতে না পারিয়া অবশেষে সম্মত হইলেন। শুভ কার্যের দিন স্থির হইল।

আরও ভাল করিয়া জানিবার জন্ত মাতাঠাকুরাণী একটি বৃদ্ধা স্ত্রীলোককে গোপনে আমার স্বশুরদের বাড়ী পাঠাইলেন। তাহার মুখেও সেইরূপ শোনা গেল; অধিকন্তু সে বলিল “যে মেয়েটির মা নাই, সেইজন্ত একটু অভিমানিনী, কিন্তু কায কন্ম খুব চালাক।” মাতাঠাকুরাণী তাহাতেই সন্তুষ্ট হইলেন। তিনি বলিলেন যে “গৃহস্থ ঘরের মেয়ে কায কন্ম করতে পাল্লেই হ’ল; দেখতে চলনসই হওয়াই ভাল, থাম্‌ পরিতীর্ মত হওয়া কিছুই নয়; আর অভিমানিনী, হ’লইবা, আমার ঘরে একলা স্বাগুড়ীর বো হবে কেউ তাকে কিছু বল্বেও না, তার অভিমান করবার কোন কারণও থাক্বে না।”

পিতা অর্থ ও অনুরোধের বশীভূত হইয়া, মাতা পুত্রবধূর রূপ গুণের কথা শুনিয়া বিবাহে সম্মতি প্রদান করিলেন; তবে আর

বিবাহের অপেক্ষা কি ? এক অপেক্ষা আমার নিজের মতের,—কিন্তু আমার মত কেহ জিজ্ঞাসা করিলেন না ।

এই স্থলে বলিয়া রাখি যে প্রথমে বিবাহের নামে মনটা অত্যন্ত ক্ষীত হইয়াছিল, কিন্তু এক্ষণে পত্নীর রূপ গুণের কথা শুনিয়া একটু দমিয়া গেল । আমি এণ্ট্র্যান্স পরীক্ষার পর হইতে নানাবিধ নাটক উপভোগ পাঠ করিয়া হৃদয় মধ্যে যে একটি কল্পিত রমণীমূর্তি দ্বীপে স্থাপন করিয়াছিলাম তাহার সহিত আমার এই ভাবী প্রাণস্বর্ণীর কোন সাদৃশ্য লক্ষিত হইল না । আমি ইংরাজী শিক্ষিত নবা যুবক, আমার প্রাণস্বর্ণী রূপে কবিকল্পিতা কাব্য উপভোগের নায়িকাগণের ছায়া রূপবতী রমণীর আদর্শ হওয়া আবশ্যিক ; বিদ্যায় বিশ্ববিদ্যালয়ের উপাধি-বিভূষিতা না হইলেও পত্র লিখিবার সময় বন্ধিম বাবুর উপভোগ ও রবি বাবুর কবিতা হইতে quotation করিতে পারা উচিত ; প্রেমে জুলিয়েটের ছায়া আশ্রয় হারা না হইলেও নেহাৎ ভীক স্বভাবা, লজ্জাশীলা, চু হাত ঘোমটাটানা পাড়াগায়ে কনেনবো হইলে চলিবে না । কিন্তু বর্তমান স্থলে রূপের কথা যাহা শুনিলাম তাহাকে ত আমি রূপ বলিয়াই মনে করি না । আর গুণের মধ্যে শুনিলাম “যে কাষ কন্ঠে খুব চালাক” তাহাতে আমার বিশেষ লাভ কি ? গৃহস্থলীর কার্য্যে পটু হউক আর নাই হউক তাহাতে আমার কোন ক্ষতি বৃদ্ধি নাই । তবে শুনিলাম যে “বড় অভিমানিনী”, অস্ত্রের নিকট তাহা দোষের মধ্যে পরিগণিত হইলেও আমি দেখিলাম যে সেইটাই কেবল একমাত্র গুণ ; কেননা কবিদের মতে অভিমান না হইলে দাম্পত্য প্রেমে সুখ হয় না ।

### দ্বিতীয় পরিচ্ছেদ ।

মুহূর্তের পর মুহূর্ত, দণ্ডের পর দণ্ড, দিনের পর দিন অতিবাহিত হইয়া অবশেষে বিবাহ কাল সমাগত হইল । আমারও চক্ষু কর্ণের বিবাদ মিটিয়া গেল । বৃষ্টিতে পারিলাম আমার পূর্ব অনুমান সম্পূর্ণ ভুল হইয়াছে ; দেখিলাম যে আমি পত্নীরূপে যে বালিকা রত্নটী লাভ করিয়াছি ~~কিন্তু~~ আমার কর্তব্য রচিত আদর্শ রমণী অপেক্ষা অনেক উৎকৃষ্ট ।

সম্প্রদানার্থ শিশুর মহাশয় যখন তাঁহার কন্ঠার হস্ত আমার হস্তে স্থাপন করিলেন তখন আমার শিরায় শিরায় বিদ্যুৎ প্রবাহ প্রবাহিত হইল ; আমি কেবল যন্ত্রপরিচালিত পুতলিকাবৎ পুরোহিত-মুখ-নিঃসৃত মন্ত্ৰের পুনরোচ্চারণ করিতে লাগিলাম ; কিন্তু সেই পটুবসনাবৃত্তা বালিকাটি আমার নয়ন ও মন সম্পূর্ণ অধিকার করিয়া লইল ; আমি প্রাণ ভরিয়া সেই রূপরাশি দেখিয়া লইলাম । বুকিলাম যে পূর্বে যাহা শুনিয়াছি তাহা সমস্তই ভুল ; যাহারা বিবাহের সম্বন্ধ করিতে আসিয়াছিলেন তাঁহারা হয় মিথ্যাবাদী কিম্বা বিকৃতি মস্তিষ্ক ও স্থূলদৃষ্টি । এখন যাহা দেখিলাম তাহাতে পূর্ক সন্দেহ সমস্ত দরীভূত হইল ; দেখিলাম সে রূপের সীমা নাই, সে রূপের তুলনা নাই । বোধ হয় যেন বিধাতা আদশরূপে প্রথমে সেই বালিকাটির সৃষ্টি করিয়া তাহারই অনুকরণে পৃথিবীর বাবতীয় সুন্দর পদার্থের সৃষ্টি করিয়াছেন । বুকিলাম সে রূপ মর জগতের নহে, তাহা স্বর্গীয় সৌরভে পরিপূর্ণ । সে রূপের তুলনা না পাইয়া মনে করিলাম :—

“তোমারই তুলনা তুমি এ মহীমণ্ডলে ।”

তৃতীয় পরিচ্ছেদ ।

আমার সমুদ্রে পূর্ণ মাত্রায় জোয়ার আসিয়াছে । বিবাহের পর দেনা পাওনা সম্বন্ধে শিশুরের সহিত পিতার একটু মনোমালিঙ্গ হওয়ায় ঠিক সময়ে আমার স্ত্রীর বাপের বাটী যাওয়া হইল না ; অপেক্ষাকৃত কিছু অধিক দিন আমাদের বাটীতে থাকিতে হইল । নব দম্পতীর প্রণয়ের স্বত্বপাতটী আমাদের বাটীতেই ঘটয়া গেল । প্রথম আলাপেই কিছু নূতনত্বের পরিচয় পাইলাম । নব পরিণীতা পত্নীকে বশীভূত করিতে হইলে যে সকল অস্ত্রশস্ত্রের প্রয়োজন আমায় সে সকল কিছুই প্রয়োগ করিতে হইল না । আমার স্ত্রী প্রথম হইতে পরিচিতার আয় আমার সহিত ব্যবহার করিতে লাগিল । আমাদের মধ্যে অনেকে এবিষয়ে তাহাকে নির্লজ্জা মনে করিতে পারেন, কিন্তু আমি তাহাতে লজ্জাশীলতার কোন অভাব দেখিতে পাইলাম না ; তবে হৃৎকের মধ্যে এই যে আমি জয়দেবের “বদসি যদি কিঞ্চিদপি” প্রভৃতি

কয়েকটা শ্লোকের বঙ্গানুবাদ করিয়া অনেক দিন হইতে মুখস্থ করিতে-  
ছিলাম, সেইগুলির কোন সন্মোহন করিতে পারিলাম না। প্রথম  
আলাপেই বুঝিতে পারিলাম যে বিধাতা সেই বালিকাটিকে রূপের  
উপযোগে গুণও দিয়াছেন। তাহার সেই উজ্জল নয়নে চাকলা আছে  
কিন্তু কটাফ নাই, বাক্যে মধুর রসিকতা আছে কিন্তু অলীলতা নাই,  
হাসিতে সরলতা আছে কিন্তু লজ্জাশীনতা নাই, প্রেমপূর্ণ নিম্নল দ্বন্দ্বের  
অভিমান আছে কিন্তু সেই অভিমানে গরল নাই। সেই বালিকা যখন  
তাহার সেই পুষ্পরাশি তুল্য কোমল বক্ষঃস্থল আমার এই শুষ্ক বক্ষের  
উপর, তাহার জ্যোৎস্না তুল্য অধর দুখানি আমার এই পুরুষ ওষ্ঠের  
উপর স্থাপিত করিয়া আমার দিকে অনিমেষ লোচনে তাকাইয়া  
থাকিত, যখন তাহার সেই বুকভরা প্রেম, মুখভরা ভালবাসা, নয়নভরা  
ভক্তি আমার উপর অজস্রবারে বর্ষণ করিত তখন মনে করিতাম এই  
পৃথিবীতেই স্বর্গ এবং সেই স্বর্গস্থখে আমিই কেবল একমাত্র অধিকারী।

এইরূপে একটা প্রণয় স্রোতে আমরা আমাদের ছুট জনের ছুটটী  
ক্ষুদ্র প্রাণ ভাসাইয়া দিলাম ; মনে করিলাম এ স্রোতের গতিরোধ  
নাই, এ নদীর তীর নাই, এ প্রণয়ের অন্ত নাহি। কিন্তু দেখিলাম,  
তাহা নহে; দিনের পরে রাত্রি আছে, শুষ্ক পক্ষের পর কৃষ্ণ পক্ষ আছে,  
সুখের পর দুঃখ আছে, মিলনের পর বিচ্ছেদ আছে আমাদেরও প্রণ-  
য়ের সীমা আছে।

দেখিতে দেখিতে কুড়িটি দিন কুড়িটি মূহুর্তের মত আমার চক্ষুর  
সম্মুখ দিয়া অস্তহিত হইয়া গেল। ইতিমধ্যে পিতার সহিত গোলযোগ  
মিটয়া যাওয়ায় শিশুর আসিয়া তাহার কণ্ঠকে আপনাদের বাটীলইয়া  
গেলেন। আমার সুখ-সমুদ্রের জোয়ার বেলা অতিক্রম করিবার  
উপক্রম করিয়াছিল ; কিন্তু এই বারে তাটা আসিল। আমি যে  
তিমিরে সেই তিমিরেই রহিলাম।

### চতুর্থ পরিচ্ছেদ।

কিছুদিন পরে সংবাদ আসিল যে আমি পরীক্ষায় ফেল হইয়াছি।  
পরীক্ষায় ফেল হওয়া যে কিরূপ কষ্টের কারণ তাঁহা আমার শ্রায় ভুল-

ভোগী ভিন্ন অন্য কেহ বৃদ্ধিতে পারিবেন না । একে প্রিয়বিরহ, তাহার উপর কার্য্য সিদ্ধির বিঘ্ন এবং তাহার সঙ্গে সঙ্গে পিতার তীব্র ভৎসনা, মাতার মন্বক্ষণী আক্ষেপবাণী, বন্ধ বান্ধবের যুগাবাক্ত কটাক্ষপাত, এই সকলে আমার হৃদয়কে জঙ্ঘরীভূত করিল । সংসার মরুভূমি তুল্য বোধ হইল ।

এই সময়ে ঘটনাক্রমে আমার শিশুর আমাকে লইয়া ঘাইবার জন্য পিতার নিকট লোক পাঠাইলেন । আমার এইরূপ মানসিক অবস্থা দেখিয়া তিনি কোন আপত্তি করিলেন না । আমারও আশা হইল যে সংসার মরুর একমাত্র আশ্রয় তরুতলে দাঁড়াইয়া এই উদ্ভূত প্রাণ শীতল করিব ।

কিন্তু মানুষ যেখানেই যা'ক স্থপ ছুঃখ ছায়ার ত্রায় তাহার অন্তঃগমন করে । আমি শিশুর বাড়ীতে ঘাইয়াও হৃদয়ে শান্তিলাভ করিতে পারিলাম না বরং অশান্তি দিগ্বিদিক দিকি প্রাপ্ত হইল । মনে করিয়াছিলাম যে প্রিয়তমার মধুর সচ্ছাষণে হৃদয়ের সমস্ত জ্বালা নিন্দাপিত হইবে ; কিন্তু এখানে আসিয়া দেখিলাম যে সব বিপরীত । শয়নকালে যখন স্বপ্নীর সহিত প্রথম সাক্ষাৎ হইল তখনই দেখিলাম যে তাহার সেই সরল সুন্দর মুখখানি নিদারুণ অভিমানের ছায়া দ্বারা আবৃত, বুঝিলাম আমার পরীক্ষায় অকৃত কার্য্যতাই তাহার কারণ । যাচা হউক আমি কষ্টে আত্ম সম্বরণ করিয়া তাহার সহিত নানাবিধ কোতুকে প্রবৃত্ত হইলাম । কিন্তু আমার বাচ্চা বাচ্চা সমস্ত অঙ্গগুলিই তাহার ছুঃখ অভিমানরূপ বস্ত্রে ঠেকিয়া বাধ হইল । সে একটা ছোট খাট দীর্ঘ নিশ্বাস পরিত্যাগ পূর্ব্বক আমার প্রতি পশ্চাত্তাপ হইয়া শয়ন করিল । যে নিঃশ্বাসে একদিন স্বর্গীয় মোরভের আশ্রয় পাইয়াছিলাম অদ্য সেই নিঃশ্বাসে তীব্র দুঃকারের ত্রায় আমার হৃদয়ের অগ্নি দিগ্বিদিক বেগে জ্বলাইয়া দিল । শয্যা আমার পক্ষে কটকময় বোধ হইল । বাহিরে উঠিয়া আসিলাম, ছাদের উপর বসিয়া চিন্তাস্রোতে দেহ ঢালিয়া দিলাম । ভাবিলাম এই কি সংসার । এত প্রেম, এত ভালবাসা কি সমস্তই একটা সামান্য আঘাতে ভাঙ্গিয়া পড়িল ! পিতার যত্ন,

মাতার স্নেহ, পত্নীর প্রেম এসকল কি কেবল কথার কথা মাত্র ! সংসার কি কেবল স্বার্থের ক্রীড়াক্ষেত্র ! মনে করিলাম এই মুহূর্তেই পিতামাতা, স্ত্রী, বন্ধুবান্ধব সমস্ত পরিত্যাগ করিয়া কোন অপরিচিত অজান! দূরদেশে চলিয়া যাইব, যদি কখন মানুষ হইতে পারি তবেই গৃহে ফিরিব; নতুবা এই পর্য্যন্ত । মনে মনে সঙ্কল্প স্থির করিলাম । কিন্তু বিদায়কালে আর একবার “সেই মুখখানি” দেখিতে ইচ্ছা হইল; গৃহে প্রবেশ করিয়া প্রদীপের আলোকে সেই নিদ্রিত মুখখানি দেখিতে লাগিলাম । দেখিলাম নয়নের কোণে তখনও বিষাদের কালিমা, গণ্ডদেশে তখনও অভিমানের রক্তিমতা । অনেকক্ষণ ধরিয়া দেখিলাম, কিন্তু দেখিবার সাধ মিটল না । ক্ষণেকের তরে সমস্ত জালা যন্ত্রণা বিস্মৃত হইলাম, কিন্তু পরক্ষণেই স্বর্ভিত উথলিয়া উঠিল । আলো নির্বাপিত করিয়া বাহিরে আসিলাম ।

বাহিরে আসিয়া দেখিলাম উষা আগত প্রায় ; আমি আর অপেক্ষা করিতে পারিলাম না ; প্রভাত হইলে আমার সঙ্কল্পে বাধা পড়িতে পারে এই ভাবিয়া তাড়াতাড়ি বাটী হইতে বাহির হইয়া আসিলাম ।

### পঞ্চম পরিচ্ছেদ ।

সঙ্কল্প রক্ষা করিতে পারিলাম না, প্রতিজ্ঞা ভঙ্গ হইল ; গ্রামের বাহিরে আসিয়া মনে করিলাম যে একবার মায়ের সঙ্গে দেখা না করিয়া যাওয়া ভাল হয় না ; এই মনে করিয়া বাটীতে ফিরিয়া আসিলাম । মধ্যাহ্নকালে, পদব্রজে, পাগলের স্থায় আসিতে দেখিয়া বাটীর সকলেই বিস্মিত হইলেন । মা আসিয়া তাড়াতাড়ি আমার রূপভাবে আগমনের কারণ জিজ্ঞাসা করিলেন । আমি বলিলাম “যে সেখানে ভাল মন টিক্‌ল না তাই চলে এলাম” । মা আমার মুখ মুছাইয়া জল থাইতে দিলেন ।

সন্ধ্যার সময় স্বপ্নমহাশয় আমার অহুসন্ধানের জ্ঞাত আমাদের বাটী আসিয়া উপস্থিত হইলেন । আমাকে দেখিয়া তাঁহার শুষ্ক মুখ প্রফুল্ল হইল । বাবাকে বলিলেন “যে কি জানি কি কারণে বাবাজী

বাটার কাহাকেও কিছু না বলিয়া চলিয়া আসিয়াছে ; বাটীতে কান্না-হাটা পড়িয়াছে ; আমার সঙ্গে কলা প্রাতেই পুনর্ব্বার আমাদের বাটা পাঠাইতে হইবে।” তাহার সঙ্গে যে লোকটি আসিয়াছিল, সে গোপনে আমার হাতে একখানি পত্র দিল, পত্রখানি এইরূপঃ—

হৃদয় সর্ব্বস্ব—

আমার অজ্ঞাতসারে তুমি চলিয়া গিয়াছ। বুঝিয়াছি আমার অভিমানই তাহার কারণ। কিন্তু আমার অভিমানের কারণ তুমি নও কিম্বা অণু কেহ নহে ; আমিই আমার অভিমানের কারণ। তবে তোমাকেও আমা হইতে অভিন্ন জানিয়া তোমার উপর সে অভিমান প্রকাশ করিয়াছিলাম। তোমার অভাবে যে আমি কিরূপ আছি তাহা প্রকাশ করিয়া জানাইবার ক্ষমতা নাই ; যাহা হউক সকল অপরাধ ক্ষমা করিয়া একবার এখানে আসিবে। সাক্ষাতে সমস্ত বলিব। ইতি

শ্রীচরণাশ্রিতা,

শ্রীমতী চঞ্চলাবালা দাসী।

পত্রখানা পড়িয়া মনটা বড় চঞ্চল হইল, মনে করিলাম না বলিয়া সমস্ত কথা জিজ্ঞাসা না করিয়া আসাটা ভাল হয় নাই। এমন সময়ে বাবা আমাকে ডাকিয়া শিশুর বাড়ী গাওয়ার সম্বন্ধে আমার মত জিজ্ঞাসা করিলেন। আমি চুপ করিয়া রহিলাম ; তিনি “মোনঃ সন্মতি লক্ষণঃ” জানিয়া যাইতে অনুমতি দিলেন। আমিও পরদিন প্রাতে শিশুরের সহিত পুনর্ব্বার শিশুরবাড়ী আসিলাম।

যষ্ঠ পবিচ্ছেদ ।

আহারান্তে শয্যার উপর অন্ধশায়িত অবস্থায় কি বলিয়া কথা আরম্ভ করিব ভাবিতেছি, এমন সময়ে ‘সেই মুখখানি’ আবার আমার দৃষ্টিপথে পতিত হইল। সেই নীল নলিনীর আভাযুক্ত উজ্জল নয়নের ভ্রমর-কৃষ্ণ তায়্যা হুটি আমার গুরু বিবর্ণ চক্ষুর সহিত সন্মিলিত হইল। মনে করিয়াছিলাম আগে বিদায়ের কথা বলিব, কিন্তু তাহা হইল না। মুহূর্ত্তে বলিলাম “তোমার সেদিনের অভিমানের কারণ কি?”



বাণিকার ছুটি নয়ন কোণে মুক্তাবিন্দু সদৃশ ছুটি অশ্রুবিন্দু দেখা দিল । সেই দুইটি অশ্রুবিন্দুই যেন নীরব ভাষায় তাহার সমস্ত মনোভাব বাক্য করিয়া দিল । কিন্তু কিছুক্ষণ নীরব থাকিয়া অবশেষে ধীরে ধীরে বলিতে লাগিল “প্রাণপ্রতিম জানই ত আমি বালাকাল হইতে একটু অভিমানিনী, আমি বাবার আদরের মেয়ে ছিলাম ; কেহ কখন কোতুক করিয়া কোন কথা বলিলেও তাহা সহ্য করিনাই । তবে সেদিনের অভিমানের কারণ তেমন কিছু গুরুতর নহে । দাদা বন্ধমান হইতে বড় বোয়ের জন্ত এক শিশি স্ত্রাসিত নারিকেল তৈল আনিয়া আলমারীর মধ্যে রাখিয়াছিলেন । আমি তাহা দেখিতে পাইয়া মনে করিলাম যে যখন দাদা আনিয়াছে তখন ইহাতে আমারও অধিকার আছে ; এই মনে করিয়া তাহার থানিকটা আর একটা শিশিতে ঢালিয়া লইবার উপক্রম করিতেছি, এমন সময়ে বড় বো আসিয়া আমার হস্ত হইতে তৈলের শিশি কাড়িয়া লইল এবং বলিল “যদি এতহ তেল মাথবার সাধ তবে ঠাকুরজামাইকে বলিও এনে দেবে ।” সেই কথাগুলি আমার হৃদয়ের স্বভাবসিদ্ধ অভিমান আরও বাড়াইয়া দিল, সকল কথা তোমাকে বলিবার জন্ত পূজি করিয়া রাখিয়াছিলাম ; কিন্তু সেদিনে মনের আবেগে বলিতে পারি নাই । কে জানিত যে তাহাতে এইরূপ বিষময় ফল হইবে । যাহাই হউক যদি অপরাধ হইয়া থাকে তবে ক্ষমা করিবে ।” আমি সেই কথা শুনিয়া আর হাস্য সঞ্চরণ করিতে পারিলাম না ; বলিলাম “এরই জন্ত এত ।” এই বলিয়া কলিকাতাস্থিত কোন বন্ধুকে পত্রপাঠ মাত্র ফেরত ডাকে এক শিশি পদ্মগন্ধ, এক শিশি গোলাপ গন্ধ দুই শিশি কুন্তলীন, একটি দেলখোস ও একটি তাধুলীন পাঠাইয়া দিতে পত্র লিখিলাম ।

ইহার পরে চারিদিন বেশ আমোদ প্রমোদে কাটিয়া গেল । আমার পূর্ব কল্পিত সঙ্কল্প মন হইতে একবারেই অপসারিত হইল এবং পরীক্ষায় অকৃতকার্য্যতাজনিত কষ্টও অনেকটা বিস্মৃত হইলাম ।

পূরদিন মধ্যাহ্নে আহাৰাস্তে একটি নিভৃত কক্ষে বসিয়া আমরা

স্বীপুরুষে কথোপকথন করিতেছি এমন সময়ে ডাকে কুস্তলীনের পার্শেল আসিয়া পৌছিল। আমি পার্শেল খুলিয়া জিনিষগুলি আমার স্বীর হাতে দিলাম। সে একটু পদ্মগন্ধ কুস্তলীন লইয়া আমার চুলে মাখাইয়া দিল এবং কঙ্কতিকা সহকারে মস্তকোপরি একখানি দিবা ইঙ্গী করা টেবিল প্রস্তুত করিল। আমিও খানিকটা গোলাপগন্ধ কুস্তলীন তাহার মাথায় মাখাইয়া দিয়া তাহার শোধ লইলাম ও তাহার নাকের নোলকে একটু দেল্থোস লাগাইয়া দিলাম। সে কিম্ব গায়ে রাখিল না; তাম্বুলীন মিশ্রিত একটি পান প্রস্তুত করিয়া আমার মুখের মধ্যে পুরিয়া দিল। আমি পরাজিত হইলাম। কিম্ব তাহার দেল্থোস স্বেদিত কুল্ল অপর হইতে আমার পান চিবাটবার পরিশ্রমের ফাঁ আদায় করিয়া লইলাম।

এমন সময়ে আমাদের পূর্বোক্তা বিলোল কটাঙ্গশালিনী, মরাল-গামিনী বড় বো সেই স্থানে উপস্থিত হইয়া বলিলেন “ভাই তোমাদের ঘরে পদ্ম ফুলের আর গোলাপ ফুলের বাস আন্ছে কেন?” আমার স্বী মৃদুহাস্ত সহকারে বলিল “দেখতে পাচ্ছনা যে তোমার ঠাকুরজামাইটী পদ্মফুল আর আমি গোলাপফুল।”

এই বলিয়া আমার স্বী দুইটি ভিন্ন রকম শিশিতে ঢালিয়া দুই রকমের কুস্তলীন কিছু কিছু পরিমাণে তাহার হাতে দিল এবং “আর এই নাও দানের দক্ষিণা” এই বলিয়া তাহার মুখে খানিকটা দেল্থোস মাখাইয়া দিল ও তাম্বুলীন মিশ্রিত একটি পান তাহার মুখের মধ্যে পুরিয়া দিল।

বড় বো। এই বুঝি সেদিনের প্রতিশোধ ?

আমার স্বী। তবে তাই।

আমি ইত্যবসরে একটি ছোট রকমের হাসি হাসিয়া লইলাম। বড় বো একটু ক্রুদ্ধ স্বরে বলিলেন “যেমন স্বী তেমন স্বামী”। আমার স্বী একটু মৃদু হাসিয়া উত্তর করিল “তা হবে না কেন?”

ত্রীকামিনীকান্ত রায়।

৮৪নং নিমতলাবাট ষ্ট্রট, কলিকাতা।

রাশিতে অবিলম্বেই বিবাদের ছায়া প্রতিফলিত হইল ! কোন অপরিজ্ঞাত রহস্য অচিন্তনীয় বাণায় তাহার কোমল হৃদয় অধীর হইয়া পড়িল ! ভাবী অমঙ্গলাশঙ্কায় ভীত হইয়া সে মনে মনে বলিয়া উঠিল “ক্ষমা কর, ক্ষমা কর, স্বর্গীয়া দেবী ! আমার প্রতি অপসন্না হইও না । আমি তোমার প্রীতি সাধন করিতে ও প্রিয়তমের হৃদয়ে তোমার প্রেম-প্রতিমার স্মৃতি অনুরাগরঞ্জিত রাখিতে আজীবন প্রয়াস পাইব ; এই স্নমহং প্রতিজ্ঞা পালনে তুমি আমার সহায়তা করিও ।” পুষ্প বুঝি ভাবিতেছিল যে, তাহার পূর্বে যে রতনী এই সহকারকে আশ্রয় করিয়া পূর্ণ আনন্দ উপভোগ করিয়াছিলেন, সেই ভাগ্যবতী আজি কোথায় ? নিয়ম কাল অকালে স্মৃৎ শাস্তির ব্রিদিব স্বামীর ক্রোড় হইতে তাঁহাকে বিচ্যুত করিলেও, তিনি রমণীর অদেয়, জীবনসর্বস্ব পতিধনকে বিদ্রুত হইতে পারিয়াছেন কি না, কে বলিবে ? হয়ত বিবাহের সময় কোন অনিচ্ছিত, অদৃষ্ট লোক হইতে তাহার প্রেম-বিপ্লাবিত, সঙ্করণ, নজল আঁপি ছুইট, প্রবোধের প্রেমপূর্ণ মুখখানির প্রতি সতৃষ্ণভাবে তাকাইয়া তাহার প্রতি দারুণ অভিসম্পাত বর্ষণ করিতেছিল ! তাই বুঝি অমূল্য পতিপ্রেমরত্ন অপহৃত হইবার ভয়ে সে আতঙ্কিতা হইয়া উঠিয়াছিল ?

সপত্নীর অভিশাপে, নিয়তিচক্রের আবর্তনে বা বিশ্বনিয়ন্তার অভি-প্রায়ে—যে কোন কারণেই হোক পুষ্পের এই অমূলক আশঙ্কা যে অকাটা সত্যে পরিণত হইতে পারে, তাহার আর বিচিত্র কি ?

এদিকে রাত্রি অধিক হওয়ায়, বাসরস্থিতা কামিনীগণ একে একে অপস্থতা হইলে প্রবোধ প্রেমভরে পুষ্পের অবগুণ্ঠন সরাইয়া দিতে গিয়া তাহার অতুলনীয়রূপে বিমুগ্ধ হইয়া গেলেন । অধিকন্তু সেই অনুপম লাবণ্যে দীনতা, পবিত্রতা ও সরলতার সমাবেশ এবং অনিন্দনীয় আনন্দ খানিতে ঘেষ হিংসার অতীত স্বর্গীয় সদ্ভাবের সম্যক বিকাশ দেখিয়া তাঁহার প্রাণ আনন্দে পরিপ্লুত হইল, হৃদয় আশ্বস্ত হইল । কিন্তু তাহার মুখে চিস্তার সূক্ষ্ম রেখা পর মুহূর্ত্তেই নিরীক্ষণ করিয়া স্তম্ভিত হৃদয়ে, সাগ্রহে জিজ্ঞাসা করিলেন “পুষ্প ! কি ভাবিতেছ ?”

সেই স্নমধুর স্পর্শের প্রভাবে, সেই সস্করণ স্বরের অমৃত স্রোতে পুষ্পের চিস্তার তরঙ্গগুলি নিমেষে ভাসিয়া যাওয়ায়, তাহার অন্তরা-কাশে মেঘমুক্ত শশধরের ত্রায় পুনর্বার সুবিমল সূখের সূক্ষ্ম আলোক রেখা ফুটয়া উঠিল ; কিন্তু মুখে একটি কথাও সরিল না ।

প্রবোধ সন্দিগ্ধ হইয়া অধিকতর কাতরভাবে বলিলেন “পুষ্প ! তুমি কি এই বিবাহে নিতান্তই অসুখী হইয়াছ ? তোমার চিস্তার বিষয় ক আমাকে জানিতে দিবে না ?”

পুষ্পের প্রেমমত্ত বিশাল নয়ন দুটি জলে ভরিয়া আসিল ; সে বহু কষ্টে লজ্জার বাধ অতিক্রম করিয়া অতি সাবধানে অতি ধীরে ধীরে বলিল “তুমি আর ঐক্লপ মনে করিয়া বিবাদিত হইও না । আমি আমার পূজনীয়া, পরলোকগতা ভগিনীর নিকট তাঁহার পরিতাপ্ত গুরুতর দায়িত্ব বহন করিবার উপযুক্ত শক্তি ভিক্ষা করিতেছিলাম, আর তাঁহার স্মৃতি তোমার হৃদয়ে জীবন্ত রাখিতে যত্নবতী থাকিব, এই প্রতিজ্ঞা করিতেছিলাম মাত্র ।—আর কিছু নহে ।”

অমৃতনিষ্কৃদিনী ভাষায় এই অমর বার্তা শ্রবণ করিয়া প্রবোধের উন্নত, উদার হৃদয় এক অনির্বচনীয় মধুর তৃপ্তিতে পরিপূর্ণ হইয়া উঠিল ; তিনি আবেগভরে পুষ্পের বিকম্পিত পুষ্পপুট-তুলা ওষ্ঠাধর ঘন করিয়া বলিলেন “পুষ্প ! দয়াময়ের রূপায় তোমাকে পাইয়াছি ; তুমি আমার নিরাশার অন্ধকারে আশার বর্ষিকা জালিয়া দিলে ! জগদীশ্বর তোমার সর্ববিধ মঙ্গল করুন ।” অতঃপর রজনী প্রভাতের আর অধিক বিলম্ব নাই দেখিয়া নব দম্পতী অগত্যা বিবিধ স্নমধুর প্রেমমালাপ স্থগিত রাখিয়া, কুসুম সুবাসিত শুভ্র শয্যা গাত্র ঢালিয়া দিলেন এবং অনতিবিলম্বেই সুষুপ্তি দেবীর স্নেহ প্রসারিত আরাম-দায়িনী কক্ষে আশ্রয় লাভ করিলেন ।

( ৩ )

পুষ্পের বিবাহের পর দুইটি মধুমাস কালের অতলে নিমজ্জিত হইয়া গিয়াছে । যেদিন প্রভাত সূর্য্যের কনক-কান্তি বিকাশের সঙ্গে সঙ্গে শোকাতুর পিতা ও ভ্রাম্যবলুপ্তিতা জননীর স্নেহপূর্ণ বক্ষঃ হইতে বিচ্ছিন্ন

হঠাৎ উচ্ছ্বসিত অশ্রু মুছিতে মুছিতে পুষ্প শস্ত্রের অতুল ঐশ্বর্যপূর্ণ, বিচিত্র অলংকার করুণা ভিখারিণীর ত্রায় প্রবেশ করিয়াছিল—আজি আর সেদিন নাই । এখন সে সংসারের সর্বগম্যী কর্ত্তীরূপে নিরপেক্ষ করুণার বিতরণে সততই মুক্তহস্ত, এবং স্বকুমার সৌন্দর্যের সহিত বিবিধ স্বর্গীয় গুণের অপূর্ণ সংমিশ্রণে গৃহলক্ষীর ত্রায় সমাদৃত । ঐকান্তিক ভক্তি, নিঃস্বার্থ প্রেম ও প্রগাঢ় স্নেহের মধুর যোগে গৃহিণী হইতে দাস দাসীর অদয়ে পর্যাস্ত ইহারই মধ্যে একপ প্রীতিপূর্ণ আধিপত্য বিস্তার করিয়াছে যে, তাহার পিতৃালয় গমন-জনিত ক্ষণ-অদর্শন ও সকলেরই মনে এক বিষাদময়ী অতৃপ্তির উদেক করিয়া দেয় । তাহার আনন্দবর্ষী আননখানি নয়ন পথে উপস্থিত হইলেই মাতৃহীন শিশু ছুটি সেই স্নেহ-অঙ্ক অধিকার পূর্বক স্বর্গস্থত অমৃতভব করে, পরিবারস্থ শোকাভূত ব্যক্তি শাস্তিলাভ করে, পীড়িত পীড়ার দারুণ ব্যতন বিস্মৃত হয় এবং বিষাদ-বাথিত মলিন মুখেও ক্রীণ হাস্যলেখা বিকাশ পায় । কেবল পরিতৃপ্ত হয় না পিসীমার বিদেহপূর্ণ কঠোর হৃদয় । প্রবোধকে বাহ্মমুগ্ধে ভুলাইয়া বাছা ছটিকে পর করিয়া দিবার পক্ষে বিশেষ সহায়তা করিবে বলিয়া “বৌমার চাঁদপানা মুখ” তাঁহার চক্ষুশূল হইয়াছে ।

“যারে দেখতে নারি তার চলন বাঁকা” ।—সুতরাং পুষ্পের মহত্বের পরিচায়ক প্রত্যেক কার্যাই পিসীমার চক্ষে ঘোর দৃষ্টতা ও শঠতাপূর্ণ ভঙামি ভিন্ন অত্ৰ কিছু বলিয়াই প্রতিভাত হয় না । সপত্নী তনয় দুটির প্রতি তাহার অত্যাধিক স্নেহকে পিসীমার “অতি ভক্তি চোরের লক্ষণ” বলিয়া ধারণা জন্মিয়াছে ।

শিশু ছুটির মধ্যে একট চারি বৎসরের, অপরাটর এখনও এক বর্ষ পূর্ণ হয় নাই । এই অপগু ছুদের ছেলেদিগকে স্নেহের কুহকে ভুলাইয়া পাছে মায়াবিনী সৎমা তাহাদিগের কোন অনিষ্ট সাধন করে, এই ভয়ে তিনি ডাকিনী বধূর নিকট হইতে সোণার পুতুলদিগকে সর্বদা দূরে দূরে রাখিতে প্রয়াস পান ; কিন্তু বোল আনা অকৃতকার্য হওয়ায় বধূর উপর তাঁহার আক্রোশ শতগুণ বর্দ্ধিত হয় । অনেক সময়ই এই ষেড়ে বয়স পর্যাস্ত তাহাকে আইবুড় রাখার জন্ত তিনি তাহার নিরীহ

পিতা মাতার উপর কঠিন মন্তব্য প্রকাশ ও নিরপরাধী চৌদ্ধ পুরুষের নরক গমনের বিষয় স্থির সিদ্ধান্ত করিয়া ফেলেন ; এবং প্রায় প্রতি-দিনই তুপুর বেলায় নিজের তপজপের পবিত্র ঘরটিতে বসিয়া, অতি স্তললিত ভাষায়, সমাগতা মহিলা সভাগণের সহিত সংসার জটিল চরিত্র ও কুটিল ব্যবহাররূপ মহাশাস্ত্রদ্বয়ের সম্যক সমালোচনায় প্রবৃত্ত হন ।

পুষ্প ও পিসীমার সকল প্রকার কণার খোঁটা হাসি মুখে সহ্য করে। কিন্তু সন্ধ্যার প্রাকালে, তাহার মেহপ্রদীপ্ত বক্ষঃ হঠাৎ আবদারগ্রস্ত শিশু ছুইটিকে যখন পিসীমা বাধিনীর জায় বিচ্ছিন্ন করিয়া লন, তখনই কেবল সে বিবাদিত মনে, নিতান্ত দুঃখিনীর মত বিরলে বসিয়া তাহা-দিগের করুন চিৎকারের সহিত নিজের নীরব অশ্রুধারা মিশাইয়া থাকে ।

কৌশলময়ী আত্মগোপন ক্ষমতায় পিসীমার বিষয় প্রবোধচক্রের সম্পূর্ণ অগোচর রাখিয়া পুষ্প তাঁহার অপরিসীম আনন্দ অনাহত রাখিয়াছে । বিবাহ বাসরের প্রতিজ্ঞা সূচাক্রমে পালন করিয়া সে প্রবোধকে অধিকতর সুখী করিয়াছে ।

এইরূপে স্বামী সহিত একাত্মা হইয়া, মাতৃহীন শিশুদিগের মা হইয়া ও পিসীমার অনাদর বশতঃ অগ্ন্যস্ত্র সকলের সমদিক সমাদরের পাণ্ডী হইয়া পরম সুখে সংসার যাত্রা নির্বাহ করিতে করিতে অদৃষ্টের বিড়ম্বনায় পুষ্প এক অভাবনীয় বিপদে পতিত হইল ।

( ৪ )

তুপুর বেলা, চারিদিকে -রোদ ঝাঁ ঝাঁ করিতেছে । পরিচারিকা বামীর মা এক মাসের অবসর লইয়া দেশে যাওয়ায় তাহার একাদশ বয়ী বালিকা বামীর নিকট খোকাকে রাখিয়া থোকায় কি জ্ঞান করিতে গিয়াছে । শ্রম-বিমুগ্ন বামী স্বীয় জননার ভুল ক্রমে পরিত্যক্ত আফিংএর কোটাটি খেলিতে দিয়া খোকাকে অনায়াসেই বসাইয়া রাখিয়াছে ।

দোতালায়, প্রবোধ পালঙ্কোপরি শয়ন পূর্বক বিশ্রাম সুখ অনুভব করিতেছেন এবং পুষ্প নিকটস্থ আলমারি উন্মোচন পূর্বক তাঁহার

আবশ্যকীয় বস্তাদি বাহির করিয়া রাখিতেছে, এমন সময় বড় থোকা কোথা হইতে ছুটয়া আসিয়া আলমারিহিত সুরমা ও পরিপূর্ণ দেল-থোসের শিশিটির প্রতি সতৃষ্ণ নয়ন যুগল সংস্থাপন পূর্বক বলিল “মা আমি ঐ শিশিট নেব ।” স্নেহময়ী মাতা একটি মধুর চুখনসহ শিশিটি তাহাকে প্রদান করিবামাত্র সে হর্ষোৎকুল হৃদয়ে সে স্থান পরিত্যাগ করিল ।

পরক্ষণেই বামী আসিয়া হাজির ! সে বড় থোকার অন্তরূপ একটি স্বাস্থ্যের শিশি নিতাস্ত বাগ্রভাবে প্রার্থনা করায়, সহদয়া পুষ্প তদনুরূপ পূর্ণ শিশি আর নাই দেখিয়া, একবোতল কুন্তলীন বিতরণ পূর্বক তাহাকে বিদায় করিল ।

প্রস্তুত চিত্রা বানী অমুরাগপূর্ণ অতৃপ্তনয়নে সেই সুনির্মল তৈলপূর্ণ, ক্ষটিক পাত্রটির পানে চাহিয়া চাহিয়া ছাঁপি খুলিয়া ফেলিল এবং স্বীয় কেশদামকে অপূর্ব হ্রীসম্পন্ন করিবার আশায় একটুখানি হাতে ঢালিতে যাইবে, এমন সময় থোকার হাতে আকিংয়ের কোটা আছে সহসা মনে পড়িয়া যাওয়ায় ; জগৎ সংসার বিদ্রুত হইয়া কম্পিত হৃদয়ে ছুটয়া আপন কক্ষে উপস্থিত হইল ও থোকার কাণ্ড দেখিয়া স্তম্ভিত হইয়া পড়িল ! কিন্তু পরমুহুর্তেই প্রকৃতিস্থ হইয়া প্রত্যাগমনমতিহ সহকারে থোকাকে ঘুম পাড়াইয়া সকলের অলক্ষ্যে পিসীমার ঘরে শয়ন করাইয়া রাখিয়া আসিল, এবং নিতাস্ত উদ্বিগ্ন ও কাতর চিত্তে হরির নিকট ও মা কালীর নিকট এই ঘোর বিপদ হইতে উদ্ধার করিবার জন্ত বিবেধ নাসক করিতে লাগিল ।

হায় ! বিষম ভয় প্রপীড়িতা অবোধ বালিকা এই নিদারুণ কথা সকলের অগোচর রাখিয়া কি মহা অনর্থই না সংঘটন করিল ! !

এ দিকে বামী বিদায় হইবার পর পুষ্প প্রায় দুই ঘণ্টা যাবৎ পতির সহিত প্রেমালাপ ও তাঁহার সেবায় রত থাকিয়া বিপুল আনন্দ সন্তোষ করিতেছেন, এমন সময় পিসীমার বিকট চিৎকার ও ক্রন্দন ধ্বনি শ্রুত হওয়ায় প্রবোধ আতঙ্কিত হইয়া এক লক্ষ্মে শয্যাভাগ করিয়া বারাণ্ডাভিমুখে ধাবিত হইলেন, পুষ্প ও কম্পিত হৃদয়ে পতির অমৃগমন করিল ।

প্রবোধকে দেখিয়া পিসীমা চীৎকার পুষ্পক বলিলেন “বাবা, সর্বনাশ করিয়াছে,—রাক্ষুসী সংসা ছেলেকে বিষ খাওয়াইয়াছে,—আর রক্ষা নাই,—দীঘ ডাক্তার ডাক ।”

পুষ্প সে কথায় কর্ণপাত না করিয়া মৃতবৎ শিশুকে পাগলিনীর ত্রায় পিসীমার ক্রোড় হইতে লইতে যাওয়ায় ; পুত্র স্নেহে দিশাহারা, বিঘোর মস্তিষ্ক প্রবোধ ভীম পদাঘাতে তাহাকে স্রুদূরে নিক্ষিপ্ত করিয়া উন্মত্তের মত ডাক্তারের অদ্বৈতবেগে বহির্গত হইলেন ।

ডাক্তার বাবু আসিয়া, আফিং তুলিয়া ফেলিয়া অনেক কষ্টে এবার শিশুকে রক্ষা করিলেন ।

শিশু নয়ন উন্মীলন করিয়াই বজ্রাহত মাতার নিকট ঘাইবার জন্ত স্নেহকোমল বাহু দুটি সম্প্রসারণ করিয়া দিল, পুষ্পও নানাপ্রকার বিবৃত হইয়া শিশুকে বক্ষে ধারণ করিবার জন্ত পুনর্বার দাবিত হইল । কিন্তু হয় ! কে শিশুকে দিবে ? সকলেরই তীর তিরস্কার দিকার ও ব্যঙ্গোক্তি সেই হতভাগিনীর অসহায় মস্তকোপরি মুঘলধারে বার্ষিত হইতে লাগিল ।

( ৫ )

পুষ্পের দিন বাঁমনি কি ভাবে অতিবাহিত হইতে লাগিল, তাহা কবি-কল্পনার অতীত । অভাগিনীর মনোবাতার পরিসীমা নাই । তাহার হর্ষোদ্ভাসিত আননের বিকসিত শতদলসম শোভা বিমলিন হইয়া গিয়াছে, সূচরু অধরের তীরে প্রশান্ত নির্মল হাসির অপরূপ লীলা অপসৃত হইয়াছে, সতত প্রসন্ন নলিন নয়ন দুটি বিষাদ জলদাবৃত হইয়া শ্রাবণ ধারায় অশ্রু নিপতন করিতেছে ও ললিত কোমল দেহ-লতিকাতানি ছিন্ন মৃগাবৎ ধূলি ধূসরিত হইতেছে ! আহা ! শাখাচ্যুত বিগুপ্ত পদদলিত কুহুমের ত্রায় কেহ তাহার দিকে ফিরিয়াও চাহিতেছে না । আর সকলই সে অনায়াসে সহ্য করিতে পারে, কিন্তু প্রবোধের অবিস্বাস ও ঘৃণাই তাহার মর্মান্তিক হইয়াছে ; তাহার ভীষণতাকে শিশু দুটির বিচ্যুতি আরও প্রবল করিয়া তুলিয়াছে । তাহার এই



সমুদ্র সমান অতলস্পর্শী বিপদে বিন্দুপ্রমাণ শাস্তি—রামজীবন বাবুর  
সাহসনা ও বামীর সহায়ত।

রামজীবন বাবুর হৃদয়ে তাঁহার “মা লক্ষীর” প্রতি অবিশ্বাস নিমেষের জ্ঞাণ ও স্থান প্রাপ্ত হয় না। বামী ত তাঁহার নির্দোষীতার বিষয় সম্পূর্ণ অবগত আছে। এই শোচনীয় ঘটনা পুষ্পের পিতা মাতার অগোচর রহিল না। মধ্যাহ্ন ডেপুটী বাবু লক্ষ্যায় মৃতপ্রায় হইয়াও নিজে কণ্ঠকে লইতে আসিলেন, কিন্তু আদরের ছিঁটা পিতার চরণে ধরিয়া সে সাদর আশ্রয় প্রত্যাখ্যান করিল।

এদিকে শব্দর গৃহের উপেক্ষায় অনাদরে ও অনাহারে অনিদ্রায় এবং নিদারুণ মনোবেদনায় ও দুশ্চিন্তা জালের ভীম নিষ্পেষণে পিষ্ট হইয়া সে সাংঘাতিক পীড়াগ্রস্ত হইল।

তখন জীবন্ত পিতা মাতা সেই শীর্ণ সংজ্ঞাহীন তনয়াকে আপনাদের স্নেহ-অঙ্কে লইয়া আসিয়া, তাহাকে রোগমুক্ত করিবার জ্ঞাণ প্রাণপণ ও সর্বস্বপণ করিতে দৃঢ় প্রতিজ্ঞ হইলেন।

পুষ্পের পিত্রালয় গমনের চারি পাঁচ দিন পরে বামীর মা দেশ হইতে প্রত্যাগত হইল এবং বৌদিদিমণির অবিশ্বাস অধৃত কাহিনী শ্রবণ করিয়া যারপরনাই বিস্মিত ও ক্ষুব্ধ হইল। বামীকেও নিতান্ত ক্রোধ ও বিমর্ষা দেখিয়া সে আহালাদির পর গোপনে ঢাকিয়া বড় স্নেহভরে কারণ জিজ্ঞাসা করিলে,—পুষ্পের ক্রোধ ও দুঃখে মর্মান্তিক আহতা বামী দুই হাতে মুখ ঢাকিয়া কাঁদিয়া উঠিল, এবং থোকার আফিং খাওয়ার রহস্য ভেদ করিয়া পুষ্পের যাতনার কথা বর্ণনা করিল।

ভয়াতুরা কণ্ঠার শত কাতরোক্তি ও নিষেধ উপেক্ষা করিয়া আপনাদের ইষ্টানিষ্টের বিষয় চিন্তা করিতেও অবকাশ না পাইয়া সেই অশিক্ষিতা নীচ জাতীয়া বামীর মা তৎক্ষণাৎ প্রবোধের কক্ষ পানে ধাবমান হইল।

( ৬ )

হতভাগা ডেপুটী বাবু পুষ্পকে লইয়া যাইবার পর,—রবিবার দিন  
ছুপুর বেলা প্রবোধ আপন নির্জন কক্ষটিতে বসিয়া নিজের হৃদয়ের

বিষয় চিন্তা পূর্বক অজস্র অর্থ বিসর্জন করিতেছেন, এমন সময়ে রোদন-বিষ্মলা বামীর মা তাঁহার সন্তুখীন হইয়া মাথায় হাত দিয়া বসিয়া পড়িল এবং বহু আক্ষেপপূর্ণ, বিলাপ সম্বলিত ভূমিকাসহ খোকার আফিং খাওয়ার আমূল ঘটনাট বিবৃত করিল ।

এক মাস যাবৎ চিন্তা বিকারে সমাচ্ছন্ন, তন্মূল মস্তিষ্ক প্রবোধ এই যুগপৎ হর্ষ বিষাদের গুরুভার সহ করিতে অসমর্থ হইয়া সংজ্ঞা বিহীন হইয়া পড়িলেন ।

মূচ্ছাভঞ্জে প্রবোধ স্নিগ্ধ মধুর বাক্যে বামীর মাকে অভয় প্রদান পূর্বক অশ্রুরাশিভিমে প্রদাবিত হইলেন, এবং অনতিবিলম্বেই তথায় উপস্থিত হইয়া সেই কাতর ক্রন্দন নিনাদিত, মন্থভেদী দীর্ঘনিশ্বাস হিল্লোলিত পুষ্পের শয়ন কক্ষে উন্মাদের ত্রায় প্রবিষ্ট হইলেন ।

হায় ! তখন জীবনবাপী হাচাকার ব্যতীত প্রবোধের আর সকলই-  
ফুরাইয়াছে ; তাঁহার আসিবার ক্ষণ পূর্বেই পুষ্পের নিম্নলঙ্ক প্রাণপক্ষী  
পরম রমণীয় দেহপিঞ্জর ভগ্নপূস্কক এ পাপ পৃথিবীর নিকট চিরবিদায়  
লইয়া অনন্তের আরামপূর্ণ চরণতলে আশ্রয় লাভ করিবার জন্ত বড়  
আগ্রহের সহিত আনন্দধামের দাবী হইয়াছে !—

পড়িয়া রহিয়াছে শুধু—অলৌকিক মধুর চরিত্রের সন্ধান স্বধাময়  
স্মৃতি !

প্রিমতী ক্ষীরোদকুমারী ঘোষ  
মেদিনীপুর ।



## সরোজিনী

এফ্‌ এ পরীক্ষা দিয়া একবার বাড়ী যাইয়াছিলেন। তাহার পর বি এ পাস করিয়া মেডিকেল কলেজে প্রবেশ করা অবধি নানা কারণে বাড়ী যাওয়া ঘটে নাই ; কলিকাতায় মেসে থাকিয়া পড়া শুনা করিতে-ছিলাম। এবার বাড়ী হইতে ঘন ঘন চিঠি আসায় আজ পাঁচ বৎসরের পর গ্রীষ্মাবকাশে বাড়ী আসিয়াছি।

সেরূপ সুখ জীবনে আর কখনও হইবে কিনা জানি না। আজ অনেক দিন হইল সে ঘটনা হইয়া গিয়াছে, তবু এখনও মার আনন্দোৎফুল্ল মুখ, ছোট ছোট ভাই ভগ্নীদের আনন্দ উচ্চাস যেন চক্ষের সম্মুখে রহিয়াছে। যে প্রবাসী সেই জানে সে সুখ কি নির্মল, কি গভীর। বুঝি বা আমার পক্ষে সে সুখ দ্বিগুণ হইয়াছিল। কেননা তখনও সংসার সাগরের হলাহল আমার ভাগ্যে উঠে নাই, আজীবন কৃত-কার্য্যতা ভোগ করিয়া নৈরাশ্র কথামাত্রেরি পর্য্যবসিত ছিল এবং নূতন উত্তম ও নূতন উৎসাহের দর্পণে পৃথিবীকে স্বর্গ বলিয়াই মনে হইত।

বাড়ী আসিয়া সারাদিন পাড়ায় পাড়ায় বেড়াইলাম। যেদিকে দেখি সমস্তই পরিচিত, অথচ পাঁচ বৎসরের অনুপস্থিতি তাহাতে যেন কি এক অনির্কচনীয় মাধুর্য্য মাখাইয়া দিয়াছে। বেশ বুঝিতে পারিলাম শ্বেতকবি যে বলিয়াছিলেন দূরত্বই দৃষ্ট বস্তুকে মনোহর করে তাহা সত্য বটে। এখানেই বলিয়া রাখা ভাল, আমি মনে মনে কবি ও কবিত্বের বড় পক্ষপাতী এবং আমার নিজের মনও যেন কিঞ্চিৎ কবিত্ব-ভাবাপন্ন, তবে তখন সহপাঠীদের বিদ্রূপের ভয়ে বাহিরে কবিত্ব-প্রভৃতি সকলই বিকৃত মস্তিষ্কের ফল বলিয়া হাসিয়া উড়াইয়া দিতাম।

এই পাচ বৎসরে গ্রামে পরিবর্তন অনেক হইয়াছে । আমার ঠাকুরদাদা মারা যাওয়ার পর আমাদের বাড়ীতে সন্ধ্যাকালে বৃদ্ধদিগের যে এক বৃহৎ মিটিং হইত তাহা আর হয় না । যাহাদের বালক দেখি-  
য়াছি তাহাদের গোরুর রেখা দিয়াছে । আমার সমবয়স্কদিগের মধ্যে কেহ কেহ ঘোরতর সংসারী হইয়া পড়িয়াছেন । চড়ে, যাহার দৌরায়ে কাহারও গাছে আম কাঁঠাল থাকিত না, যে দোর্দণ্ড প্রতাপে বালক-  
দিগের উপর রাজত্ব করিত, এখন দেখি সে নিরীহ ভদ্রলোকের মত হাঁকা হাতে তাহার ছয় মাসের মেয়েটিকে কোলে লইয়া দাঁড়াইয়া আছে । আমিও আর সেই অজাতশত্রু বালক নছি । ভূষণ ঠাকুরদা তো চোখে চসমা দিয়া নিরীক্ষণ করিয়াও আমাকে প্রথমে চিনিতে পারেন নাই । পরে পরিচয় পাইয়া বলিলেন “আরে বস বস দাদা, এ কয়দিনে এত বদলে গিয়েছ যে চিনতেই পারা যায় না” । বিহারী খুড়ো তাঁহার অদৃষ্ট ও তাঁহার পুত্র হরিশের প্রচুর নিন্দা করিয়া বলিলেন “কলকাতায় থাক বাবা, কত সাহের সুবোর সঙ্গে আলাপ আছে, হরিশের একটা চাকরী যদি ছুটিয়ে দিতে পার ।” রাম ভট্টাচার্য্য মহাশয় আমাকে দেখিয়া মহা খুসী হইয়া এক টিপ নম্র লইয়া বলিলেন “আমরা চিরকালই জ্ঞাত ছিলাম বিলয় সংসারে উল্লাস করিবে । বেশ বেশ বাপু, গ্রামের মুখ উজ্জল কর, ক্রিয়া কান্ডে পিতৃপিতামহের লাম রক্ষা কর” ।

অতি শীঘ্রই আমি গ্রামের মধ্যে “কৃষ্ণ বিষ্ণুর” মধ্যে একজন গণ্য হইলাম । গ্রামের মাইনর স্কুলের হেড মাষ্টার মহাশয়ের সন্তান প্রতি-  
পত্তি একেবারে লোপ পাইবার উপক্রম হইল কেননা আমি বর্তমানে তাঁহাকে কেহই ‘অথরিটি’ বলিয়া স্বীকার করে না । একদিন আমি বিশ্বস্তস্থানে অবগত হইলাম যে আমার গ্রামে পদার্পণের দুই ঘণ্টা পরেই পাড়ার বয়সসীগণ “বাড়ুঘোদের সোণার চাঁদ ছেলের” বিবাহটা যে অচিরেই কর্তব্য তাহা স্থির করিয়াছেন । সেই খবর পাইয়া আমি (মেসেতে যাহার ‘সাত চড়ে কথা বাহির হয় না’ বলিয়া কলঙ্ক ছিল সেই আমি) আমাদের বহির্বাটির রোয়াকে বসিয়া পাড়ার বিক্ষারিত

লোচন সুবক ও গম্ভীরভাবে মস্তক সঞ্চালনকারী প্রোঢ়দিগের দ্বারা পরিবেষ্টিত হইয়া অতি গম্ভীর ভাবে, বিষদরূপে মিল, ফসেট প্রভৃতি পণ্ডিতগণের মত উদ্ধৃত করিয়া বুঝাইলাম যে আমাদের দেশে পঁচিশ বৎসর বয়সের পূর্বে বিবাহ করিয়া তুর্কল সন্তান উৎপাদন দ্বারা লোক-সংখ্যা ও দেশের দরিদ্রতা বৃদ্ধি করা কিছুতেই উচিত নহে। ইহার পরদিনই আমি যে একজন ভারি বিদ্বান তাহা গ্রামের মধ্যে সিদ্ধান্ত হইয়া গেল।

একদিন আমি বাড়ীতে আহার করিতেছি মা কাছে বসিয়া আছেন, এমন সময় দেখি বাটার ও প্রতিবেশীদিগের এক দল বালক বালিকা অদূরে দাঁড়াইয়া আমার আহার বাপার নিরীক্ষণ করিতেছে। তাহাদের সহিত আমার ইতিন্দোই বেশ আলাপ পরিচয় হইয়া গিয়াছে। আমি কাহাকেও বা মিষ্টবাক্যে কাহাকেও বা মিষ্টদ্রব্যে আপ্যায়িত করিতেছি এমন সময় মা বলিলেন “দেখ দেখি বিনয়, কেমন মেয়েটি”। ‘মেয়েটি’ শুনিয়াই আমার অকস্মাৎ প্রকম্প উপস্থিত হইল। অতি কষ্টে, মা যেদিকে দেখাইলেন সেইদিকে চাহিয়া দেখিলাম এক জোড়া অতি সুন্দর উজ্জল চক্ষু একদৃষ্টে আমার দিকে চাহিয়া আছে। যাহার চক্ষু, তাহার বয়স এগার বৎসরের বোধ হয় অধিক হইবে না, কাজেই আমি সাহস পাইয়া বলিলাম “বেশ মেয়েটি তো, কার মেয়ে মা?” মা বলিলেন ওটি আমাদের হরি মুখুয্যের মেয়ে; হরি মুখুয্যেকে জান না? আর জানবেই বা কেমন করে, ওরা আজ পনের বছর বিদেশে ছিল, এই আর অস্বাভাবিক মাসে এসেছে। বেশ শিশু শান্ত মেয়েটি, আমি তোমার সঙ্গে ওর বিয়ের সন্ধন করেছি।” আমার মনে কবিজন সুলভ কোপের উদয় হইল, ভাবিলাম “হাঁ, দশ বৎসরের একটা মেয়ে বিয়ে করে তাকে ‘মাহুষ’ করি আর কি?” মুখে কিছু না বলিয়া নীরবে আহার করিতে লাগিলাম।

তাহার পরদিন সকালে আমার কাছে পাড়ার যত ছেলে মেয়ে আসিয়া উপস্থিত হইল। কাহারও ফরমাস “কাগজের নোকা করে খাও”, কেহবা আকার ধরিলেন “একটা গল্প বল”, কেহ বা “হাঁ গল্প

বলতে বুঝি কত হয় না ; তুমি বলো না বিনয় দাদা” বলিয়া আমার কোলে উঠিয়া বসিয়া তাঁহার যে আমার সহিত বিশেষ বন্ধুত্ব আছে -ও তিনি যে আমার -দুঃখে দুঃখী তাহা স্পষ্ট প্রমাণ করিলেন । আমি যথাসাধ্য সকলের আজ্ঞা পালন করিতেছি, এমন সময়ে ছোট ভাইটাকে কোলে করিয়া গভ কলাকার মেয়েটী দীরে দীরে উপস্থিত হইল । আমি একটু বিস্মিত হইলাম ; সেখানে বিবাহের কথা হয়, আমাদের দেশের মেয়েরা তাহার ত্রিসীমায় যায় না, তবে কেন এ এখানে উপস্থিত হইল ? ভাবিলাম, বোধ হয় মেয়েটী কিছু বাচাল কিম্বা লজ্জাহীন । আমি আবার মানব চারিত্র বিশ্লেষণ করিতে বড় ভাল-বাসিতাম । কথার ছন্দ, দাঁড়াইবার ভাব, হাত মুখের ভঙ্গি প্রভৃতি দেখিয়া লোকের চরিত্র সহজে মোটামুটি একটা ধারণা স্ততই হইয়া থাকে । তাহার আবার যত্ন পূর্বক এই বিষয় শিক্ষা করে তাহাদের পক্ষে উহা বড়ই আনন্দজনক । আমি ঠিক করিলাম, মেয়েটী কিরূপ দেখিতে হইবে । এতলে একটু অতিরিক্ত কোঁতুল বোধ হওয়াও আশ্চর্য্য নহে ।

আমি ছেলেদের লইয়া খেলা করিতে লাগিলাম, মেয়েটী স্থিরভাবে দাঁড়াইয়া দেখিতে লাগিল । কিছুক্ষণ পরে তাহার দিকে চাহিয়া জিজ্ঞাসা করিলাম “তোমার নাম কি ?” অতি দীর্ঘ চক্ষু না নাগাই-য়াই সে উত্তর দিল “সরোজিনী” । আমি তাহার মুখের গাভীর্ঘ্য দেখিয়া আশ্চর্য্য হইলাম । পুনর্বার জিজ্ঞাসা করিলাম “তোমার ভাইয়ের বয়স কত ?” সে বলিল “এক বৎসর ।” আমি আর তাহাকে কিছু জিজ্ঞাসা করিলাম না সেও আর কিছুক্ষণ দাঁড়াইয়া চলিয়া গেল । আমি সিকান্ত করিলাম তাহার লজ্জাহীনতার কারণ বাচালতা নহে—সরলতা । ওয়ার্ডস্ ওয়াথের কবিতা মনে পড়িল—  
সরলা বালিকা—সে লজ্জার কি জানিবে ? আমাদের মেয়েরা সাত বৎসর বয়সেই অকালপক্কতা লাভ করে । সরোজিনী সেরূপ নহে দেখিয়া আমি তাহার উপর সন্তুষ্ট হইলাম ।

দিন কয়েক মধ্যেই সরোজিনীর সহিত আমার বেশ চেনাওনা

হইয়া গেল। আমার অমত বুঝিয়া মা আর আমার বিবাহের কথা তোলেন নাই। কাজেই সরোজ ও আমার মিশিবার বড় বেশী সঙ্কোচের কারণ ছিল না। সে আমাকে বিনয়দাদা বলিয়া ডাকিত, আমিও যেমন অত্যাশ্রিত ছেলেদের সহিত মিশিতাম সরোজের সঙ্গেও তেমনই নিঃসঙ্কোচে মিশিতাম। সে তৃতীয় ভাগ পর্যন্ত পড়িয়াছে শুনিয়া আমি তাহাকে কিছু কিছু পড়াইতে আরম্ভ করিলাম। আমি দেখিতাম পড়ার সময়ে কিম্বা অল্প কোন সময়ে, তাহাকে কিছু জিজ্ঞাসা না করিলে সে কখনই কথা কহিত না। প্রথম প্রথম মনে করিতাম সে বড় একটা কিছু বুঝিতে পারে না, সেইজন্ত চুপ করিয়া থাকে। কিন্তু দুই চারিবার প্রশ্ন করায় বুঝিলাম সে অসাধারণ বুদ্ধিমতী। তাহার বুদ্ধিমত্তা দেখিয়া আমি চমৎকৃত হইতাম; মনে হইত বোধ হয় পুরুষের অপেক্ষা স্ত্রীলোকে যে কোন বিষয় শীঘ্র আয়ত্ত করিতে পারে। আমি আরও লক্ষ্য করিলাম তাহার চক্ষু দুইটি বাস্তবিকই “আত্মার গবাক্ষ” অর্থাৎ তাহার চক্ষু দুইটি দেখিলেই “নিম্নল নদী-জল-তলে উপল থণ্ডের ছায়া” তাহার অন্তরের ভাব স্পষ্ট বুঝা যায়। ক্রমে ক্রমে আমি তাহার গুণাবলীর পরিচয় পাইতে লাগিলাম। দেখিলাম যে তাহার অন্তঃকরণ দয়াতে গঠিত ও তাহার সহিষ্ণুতা অসাধারণ এবং এই অল্প বয়সেই তাহার মনের দৃঢ়তার বেশ আভাষ পাইলাম। এই সমস্ত দেখিয়া শুনিয়া আমি তাহার প্রতি কেমন একটু আকৃষ্ট হইলাম। শিক্ষক তাঁহার বুদ্ধিমান ছাত্রের প্রতি যেরূপ আকৃষ্ট হন, বোধ হয় তখন আমি সরোজের প্রতি ভিন্নভাবে আকৃষ্ট হই নাই।

ক্রমে ছুটি ফুরাইয়া আসিল, আমিও সকলের নিকট বিদায় লইয়া কলিকাতা যাত্রা করিলাম।

কলিকাতায় থাকিতে বাড়ী হইতে প্রায়ই চিঠি পাইতাম। চিঠিতে অত্যাশ্রিত কথার মধ্যে সরোজিনীর কথাও থাকিত। শুনিলাম তাহার বিবাহের সম্বন্ধ হইতেছে কিন্তু কোথাও উপযুক্ত পাত্র পাওয়া যাইতেছে না। সরোজিনীর পিতা হরিপদ মুখোপাধ্যায় নাকি ভারি কুলীন, তিনি তো আর যাহার তাহার ঘরে কন্যাদান করিতে পারেন না।

জানান্ত্রার মধ্যে তাঁহাদের পালটি ঘর আমাদের গ্রামেই দুইটি আছে । তাহার মধ্যে আমরা একঘর, আর আমার পিসে মহাশয়েরা একঘর । এই দুই বাড়িতে দুইটি বিবাহোপযুক্ত পাত্র আছে, আমি একটি এবং আমার পিস্তত ভাই সুনীল আর একটি । সুনীল আমার সমপাঠা তবে অল্পবয়সে লেখা পড়া ছাড়িয়া পশ্চিমে চাকরী করিতেছে ।

এক বৎসর চলিয়া গেল, তবু সরোজিনীর বিবাহের কোনরূপ স্থিরতা না হওয়ায় আমি অত্যন্ত দুঃখিত হইলাম । মাঝে মাঝে বড় কষ্ট হইত, যেন আমারই কল্যাণে উপস্থিত । শেষকালে ঠিক করিলাম সুনীলের সহিত সরোর বিবাহের যোগাড় করিতে হইবে ; সুনীল দেখিতে শুনিতেও ভাল বটে, আর বড় ধীর । আর কাল বিলম্ব না করিয়া আমি সুনীলকে চিঠি লিখিলাম “তোমার সহিত অনেক দিন দেখা শুনা হয় নাই ; যদি পার আগামী পূজায় বাড়ি আসিও । আমি দেশে যাইয়া তোমার সহিত সাক্ষাৎ করিব ।” সে সম্মত হইল ।

ক্রমে পূজার দিন নিকটবর্তী হইল, আমিও বাড়ি যাইবার বন্দোবস্ত করিতে লাগিলাম । সমস্ত জিনিষপত্র কেনা হইয়া যাইলে হঠাৎ মনে পড়িল, সরোজিনীর জন্ত কিছু লইতে হইবে । পুনর্ব্বার ছুটিয়া বাজারে যাইয়া সরোজের জন্ত একশিশি কুস্তুলীন ও সুনীলের জন্ত একটা দেলখোস লইলাম ।

যথাসময়ে বাড়ি পৌছিলাম । পৌছিয়াই আমার বাড়ি আসার কারণ মাকে বলিলাম, শুনিয়া তিনি বড় আশ্চর্য্যিত হইলেন । তাহার পরদিনই সুনীল আসিয়া পৌছিল । পূজার কয়দিন খুব আমোদেই কাটিয়া গেল । একদিন কাহারও খোঁজ খবর লইবার অবকাশ পাই নাই এবং সুনীলকেও সরোজের সম্বন্ধে কিছু বলা হয় নাই ।

বিজয়ার দিনে আমি ও সুনীল একসঙ্গে প্রণাম করিতে বাহির হইলাম । এ বাড়ি সেবাড়ি করিয়া ঘুরিয়া শেষকালে হরিপদ মুখো-পাধায় মহাশয়ের বাটিতে উপস্থিত হইলাম । আমি সরোজের মাকে প্রণাম করিয়া জিজ্ঞাসা করিলাম “আমিয়া পর্য্যন্ত সরোজিনীকে দেখি নাই কেন ?” সরোজিনীর মা বলিলেন “সে তোমাদের বাড়ি হবার



গিয়েছিল, কিন্তু তুমি সূশীলের সঙ্গে সব সময়েই থাক বলে সে দেখা করিতে পারে নি। মার আমার সূশীলকে দেখে বড় লজ্জা হয়। হাজার হউক বড় হয়েছে; কিন্তু এমনি পোড়া কপাল যে একটি মনের মত বর জুটল না।” আমি জিজ্ঞাসা করিলাম “সে কোথা?” তিনি একটা ঘর দেখাইয়া বলিলেন “সে ঐ ঘরে আছে।”

আমি সেই ঘরের দিকে চলিলাম, সূশীল বাহিরে দাঁড়াইয়া গল্প করিতে লাগিল, আমি ঘরের ভিতর যাইতেই অক্ষুটস্বরে “বিনয়দাদা এসেছ? আমি বলি তুমি আসবে না” বলিয়া সরোজিনী আমাকে প্রণাম করিল। আমি কি বলিতে যাইতেছিলাম এমন সময় তাহার মুখের দিকে চাহিয়া যাহা দেখিলাম তাহাতে আর আমার বাক্যসূর্য হইল না। সরোজ যে এত সুন্দর তাহা তো আগে দেখি নাই। চন্দ্রের আলোকে দেখিলাম সে আর এখন বালিকা নহে। গাভীয়া ও পূর্ণতা তাহার মুখে কি এক নূতন ভাব আনিয়া দিয়াছে, আর সেই চক্ষু দুইটি যেন কি এক মোহময়, করুণ, সুন্দর ভাবে ভাসিতেছে—যেন প্রতি দৃষ্টি আনিছে বহিয়া দূরতর স্বর্গের সন্দেশ।

আমি নীরবে সেই শোভারশি দেখিতে লাগিলাম। মনে হইল বুঝি এত সৌন্দর্য আর কোথাও দেখি নাই। কিয়ৎক্ষণ পরেই লজ্জিত হইয়া অগ্রদিকে চাহিয়া জিজ্ঞাসা করিলাম “আমার পিস্তত ভাই সূশীল এসেছে তাহাকে দেখেছ?” সে মুখ নত করিয়া বলিল “হাঁ, কই তুমি কিছু খাওনা।” আমি নাম মাত্র বসিলাম, কি খাইলাম কিছু মনে নাই, তাড়াতাড়ি সরোজকে কুস্তলীনের শিশিটি দিয়া ঘর হইতে বাহির হইলাম। পথে যাইতে যাইতে সূশীল জিজ্ঞাসা করিল “তোমার ভারি ঘাম হয়েছে দেখছি, কই আজ তো তেমন গরম নয়।” এই বলিয়া সে গল্প জুড়িয়া দিল। সে কি বলিতেছিল আমি কিছুই শুনি নাই, মাঝে মাঝে “হাঁ হুঁ” বলিয়া সাড়া দিতেছিলাম বটে, আর সূশীলের অনবরত কথার জগ্ন তাহার প্রতি বড় বিরক্ত হইতেছিলাম।

সমস্ত রাত্রি ভাল নিদ্রা হইল না, কেবল সরোজের কথাই মনে হইতে লাগিল। ভাবিলাম সরোজকেত এতদিন দেখিয়াছি কিন্তু

এমন ভাবত আমার মনে কখনই হয় নাই। তাহার বিষয় যতই ভাবিতে লাগিলাম, ততই তাহার প্রত্যেক কথা, প্রত্যেক অঙ্গভঙ্গি, মধুর হইতে মধুরতর বোধ হইতে লাগিল। নিদ্রা হইল না, সাধারাম কি এক অন্ধ জাগরিত সুখবিজড়িত অবস্থায় কাটাইলাম। সেই রাতে যাহা যাহা দেখিয়াছিলাম, অন্ধ স্বপ্নের মত তাহাই বারবার দেখিতে লাগিলাম এইরূপে রাত্র কাটিল।

উহার পর দুই দিন আমি সরোজদের বাড়িতে ঘন ঘন ঘাইতাম। যতবার ঘাইতাম ততবারই আবার ঘাইতে ইচ্ছা হইত। কিন্তু এক দিন আমার চেতনা হইল, ভাবিলাম, করিতেছি কি? তখন চিত্তের দুর্বলতার জন্ত আমার অত্যন্ত আত্মশ্রম উপস্থিত হইল। স্থির করিলাম আর কখনও এরূপ অস্থির চিত্ত হইব না, এবং অতি শীঘ্রই সুশীলের সহিত সরোজের বিবাহ স্থির করিব।

স্থির করিলাম বটে, কিন্তু সপ্তাহ চলিয়া গেল উহা কার্যো পরিণত হইল না। যত দিন ঘাইতে লাগিল, ততই আমি দৈর্ঘ্য ধরাইতে লাগিলাম। প্রথম প্রথম আমি সরোজের বাড়ী ঘাইতাম না, এবং সে আমাদের বাড়ি আসিলে, পাছে তাহার সহিত দেখা হয়, এই ভয়ে নিজের ঘরে দ্বার বন্ধ করিয়া দিয়া বসিয়া থাকিতাম। মনে করিতাম আমি খুব আত্মসংযম করিতেছি, কিন্তু একদিন বৃষ্টিতে পারিলাম ঘরে দরজা দিয়া বসিয়া থাকাটা তত নিরাপদ নহে। কারণ, আমি দেখিলাম, ঘরের ভিতর থাকিয়া আমি সরোজের প্রত্যেক কথা একমনে শুনিয়া থাকি, অথো কথা কহিলে বিরক্ত হই, সরোজের চুড়ীর কি মলের শব্দে ঠিক করি এইবার সরোজ চলিয়া যাইতেছে, আবার সতাই গেল কিনা জানিবার জন্ত কাণ পাতিয়া থাকি। সেতারে ঝঙ্কার দিলে যেমন সেই সুরে বাধা অত্যান্ত সেতার আপনাই বাজিয়া উঠে, সেইরূপ সরোজের অলঙ্কারের শব্দে আমার হৃদয়-তন্ত্রী বাজিয়া উঠিত এবং সেই ঝঙ্কার গ্রামে গ্রামে উঠিয়া তাহার মধুর নিক্রমে আমাকে অভিভূত করিয়া ফেলিত।

ব্যাপার কি তাহা বৃষ্টিতে আমার অধিক সময় লাগে নাই।

বুঝিতে পারিয়াছিলাম বলিয়াই আমি আপনার মন দমন করিতে চেষ্টা করিতাম । যদি আমি বলিতাম আমি সরোজকে বিবাহ করিব তাহা হইলে তাহার পিতা মাতা এবং আমার মা খুদী বই অসন্তুষ্ট হইতেন না । কিন্তু আমার মনে হইত এত লেখাপড়া শিখিয়া নিজের মনের উপর ক্ষমতাহীন হওয়া বড়ই লজ্জার বিষয় এবং সেইজন্য আমি নিজের ব্যবহারের কঠোর সমালোচনা করিতাম । কিন্তু তাহা সত্ত্বেও সরোজের নাম শুনিলে যে আনন্দ হইত, তাহা রোধ করিতে পারিতাম না, তাহার কথা শুনিলে মন সেই দিকে ধাবিত হইত, তাহার গেষ্মানে আসিবার সম্ভাবনা থাকিত সে স্থান হইতে চলিয়া আসিবার সময় মনে কষ্ট হইত এবং যদি তাহাকে দেখিতে পাই, এই আশায় একবার চারি দিক দেখিয়া লইতাম । সে গেষ্মান দিয়া চলিয়া যাইত, সে স্থান পর্যাঙ্স্ত পবিত্র মনে করিতাম ।

এইরূপে দিন পনের কাটিয়া গেল । ইতিপূর্বে আমার নামে অনেক গুলি অভিযোগ আসিয়াছে—প্রথমতঃ মা বলেন আমার খাওয়া দাওয়া একেবারে কমিয়া গিয়াছে, এবং আমি রোগা হইয়া বাইতেছি ; দ্বিতীয়তঃ বন্ধুরা বলেন, আমি তাঁহাদের সঙ্গে আর ভালরূপে মিশি না ; মিশিবই বা কেন, আগে যে তাঁহাদের সহিত মিশিতাম তাহাই তাঁহাদের ভাগ্যা ; তৃতীয়তঃ সরোজ বলে আমি আর তাহার সহিত দেখা করি না ; ইত্যাদি । আমি লজ্জিত হইয়া পূর্কের মত সকলের সহিত মিশিতে লাগিলাম ।

একদিন হঠাৎ সরোজের সহিত আমার দেখা হইল । সে আমাকে দেখিয়া, অত্যন্ত আনন্দিত হইয়া, পূর্কে যেমন নিঃসঙ্কোচে আমার কাছে আসিত, সেইরূপ আমায় কথাবার্তা বলিতে আরম্ভ করিল । আমি কিন্তু মহা বিপদে পড়িলাম ; কি বলিব কিছুই খুঁজিয়া পাইলাম না । মাটির দিকে চাহিয়া, আমতা আমতা করিয়া দুই একটি কথা বলিয়াই হঠাৎ রণে ভঙ্গ দিয়া সে স্থান হইতে প্রস্থান করিলাম । সরোজ আশ্চর্য হইয়া আমার দিকে চাহিয়া রহিল ।

আমি বরাবর নিজের ঘরে যাইয়া দরজা বন্ধ করিয়া দিলাম । মনে

নানারূপ চিন্তা উদয় হইতে লাগিল । আমি বুদ্ধিতে পারিলাম আমার ব্যবহারে সরোজ দুঃখিত হইবে । ইহা ভাবিয়া আমারও অত্যন্ত কষ্ট হইল । তাহার পর মনে হইল, কত দিন এইরূপে চাপিয়া থাকিব, এবং তাহাতে ফলই বা কি হইবে ? আরও ভাবিলাম আমি যে সরোজের প্রতি গোপনে একরূপ ভাব পোষণ করিতেছি ইহা কি ভাল ? আমি যদি তাহাকে বিবাহই না করিব তবে তাহার প্রতি একরূপ ভাব পোষণ করা কি উচিত ? আর সরোজকে বিবাহ করিতে আমার কি বাধা আছে, কেনই বা আমি নির্কোণের ছায়া শুধু শুধু কষ্ট পাইতেছি । ভাবিয়া চিন্তিয়া শেষ স্থির করিলাম, যেমন করিয়া হউক, লজ্জার মাথা থাইয়া মাকে জানাইব আমি সরোজকে বিবাহ করিব । সেই দিন বৈকালেই আমাদের বাহিরের রোয়াকে বসিয়া আমি কথায় কথায় বলিলাম “আমি মনে করিতাম বিবাহ করাটা উচিত নহে ; কিন্তু আর আমার সে মত নাই । দেখুন না কেন, মিল্টন যে এত কঠোর ছিলেন, তিনিও বিবাহকে অত্যন্ত পবিত্র বলিয়া জ্ঞান করিতেন । বাস্তবিকই বিবাহ না করিলে মানুষ অর্ধেক থাকিয়া যায় । আমাদের শাস্ত্রেই ত রহিয়াছে ‘সদ্বীকো ধর্ম্মমাচরেৎ’ ।”

রাত্রে মা আপনিই সরোজের কথা তুলিলেন, বলিলেন “বাবা, তুমি এলে সরোজের বিয়ের জন্তে, কিন্তু তুমি স্ত্রীলের বাপ মাকে এ বিষয়ে কিছু বল নাই কেন ?” আমার বুক ধড়াস ধড়াস করিতে লাগিল, মনে করিলাম এই ত সুযোগ । হুই একবার ঢোক গিলিয়া নিজের কথা বলিতে যাঁইতেছি, এমন সময় মা আবার বলিলেন “আমি সব ঠিক করেছি ; তোমার কিছু ভাবতে হবে না ; আর শুনেছ, সরোজ নাকি নিজেই ওর বেগুনফুল আর সইয়ের কাছে স্বীকার করেছে যে স্ত্রীলকেই বিয়ে করবে । ডাগরটি হয়েছে কিনা ?” আমি চারিদিক অন্ধকার দেখিলাম, পড়িয়া যাইবার ভয়ে কিছুক্ষণ দেয়াল ধরিয়া দাঁড়াইয়া সামলাইয়া লইলাম, বলিলাম “বেশ ত এখন সব কথাবার্তা ঠিক হয়ে গেল, আমি কালই পিসে মহাশয়ের কাছে গিয়ে দিনস্থির করে আসবো” । এই বলিয়া নিজের ঘরে যাইয়া শয়ন করিলাম ।

আমি সরোজের চরিত্র কিরূপ তাহা বিশেষরূপে জানিতাম । আমি জানিতাম যে তাহার ইচ্ছা ও প্রতিজ্ঞা দুই সমান । সে সূশীলকে যে বিবাহ করিবে বলিয়াছে তাহা সামান্য কারণে বলে নাই আর তাহাকে অন্তমত করান সহজ নহে এবং ইরূপ চেষ্টা করাও নিতান্ত অত্যাচার । আমি নিজের আশা ছাড়িয়া দিলাম, কিন্তু সেই রাত্রে আমি যে যত্ননা ভোগ করিয়াছি তাহা ভুক্তভোগী বাতীত কে বুঝিবে ? নিরাশা, দুঃখ, অভিমান আমার হৃদয়ে যে শেল বিদ্ধ করিয়াছে তাহার ক্ষতচিহ্ন এখনও মুছিয়া যায় নাই, কখনও যাইবে কি না সন্দেহ । যাতনায় অধীর হইয়া মনকে কতরূপে প্রবোধ দিতে চেষ্টা করিয়াছি । ভাবিলাম, আমার হৃদয় কত বড়, আমার প্রাণে কত ভালবাসা, আমার কিরূপ শক্তিসামর্থ্য তাহা ‘সে’ কিরূপে বুঝিবে ? সে বাহিরের সৌন্দর্য্য দেখিয়া ভুলিয়াছে । সে আমার উপযুক্ত নহে । আবার মনে করিলাম সে আমাকে ভ্রাতৃত্বাবে দেখে, আমার তাহাকে ভিন্নভাবে দেখা অত্যাচার । সামান্য কারণে এত অস্থির হওয়া নির্দুষ্কিতার কার্য্য । ভগবান যাহাকে যাহার জ্ঞাত করিয়াছেন সে ত তাহারই হইবে ; আমিও দুই দিন পরে এ সমস্ত ভুলিয়া যাইয়া সকলের তায় হাসিয়া থেলিয়া বেড়াইব । এইরূপ কত কি ভাবিলাম, কিছুতেই স্থির হইতে পারিলাম না, ভাবিলাম সূশীল কি আমার মত ভালবাসিতে পারে, না কখনও সরূপ পারিবে ? তবে কোন বিচারে সে সরোজকে পাইতে চলিল ? এইরূপ নানা প্রকার চিন্তা করিতে করিতে শেষ রাত্রে একটু নিদ্রাকর্ষণ হইল । কত যে স্বপ্ন দেখিলাম তাহার ইয়ত্তা নাই । কখনও দেখিলাম সরোজকে আমি পড়াইতেছি, কখনও যেন তাহার সহিত কথা কহিতেছি, কখনও আবার সেই বিজয়া দশমীর রাত্রে যেন সরোজদের বাড়ী যাইতেছি এমন সময় তাহাদের বাড়ি হইতে বাজনা বাজ করিয়া কাহাদের বর বাহির হইল । এক পালকীতে দেখিলাম সূশীল, বুঝিলাম সেই বর । কনের পালকী কাছে আসিলে, চাঁদের আলো তাহার মুখে পড়ায় চিনিলাম সরোজ—বিজয়া দশমীর রাত্রে যেরূপ দেখিয়াছিলাম ঠিক সেইরূপ । শেষ কালে যেন আমাকে কে

আমিয়া বলিল সরোজ মরিয়া গিয়াছে ; আমি শোকে অধীর হইয়া কাঁদিতেছি এমনি সময়ে ঘুম ভাঙ্গিয়া গেল । সরোজ যে সত্য সত্য মরে নাই তাহাতে যে কি আনন্দ হইল তাহা বলিতে পারি না । কিন্তু পরক্ষণেই আবার সরোজের বিবাহের কথা মনে হইলে আবার চারিদিক শূন্যময় বোধ হইল । অত্যন্ত অসহ্য বোধ হওয়ায় বালিশে মুখ লুকাইয়া অনেকক্ষণ কাঁদিলাম । সর্কাস্তঃকরণে ভগবানের নিকট প্রার্থনা করিলাম “দয়াময়, বল দাও ।”

বোধ হয় ভগবান প্রার্থনা শুনিলেন । আমি অনেকটা শান্ত হইলাম ।

\*   \*   \*   \*   \*   \*   \*

সেই বৎসরের অগ্রহায়ণ মাসের ১৬শে তারিখে আমাদের গ্রামে বিস্তর ঘট। করিয়া সরোজের বিবাহ হইল । বিবাহের পরে নাকি গ্রামের লোকেরা বলাবলি করিয়াছিল সেই বিবাহে বিনয় বন্দ্যোপাধ্যায় মত কেহই থাকে নাই, এবং বিবাহের সভার বিনয়ের অবিরত উচ্চ হাস্যধ্বনিতে নাকি অনেকে বিরক্ত হইয়াছিলেন ।

এ বিবাহের দিন কতক পরেই আমি গ্রামের সকলকে বৈশ করিয়া বুঝাইয়া দিলাম যে আমি যে ইতিপূর্বে বিবাহের সপথে মত প্রকাশ করিয়াছিলাম, তাহাতে আমার সম্পূর্ণ ভ্রম হইয়াছিল । বিবাহ করা যে একেবারেই উচিত নহে ইহাই আমার অভ্রান্ত মত এবং এই মত অনুসারেই আমি চলিব ।

এখন পর্যান্ত আমার মত পরিবর্তন হয় নাই ।

শ্রীঅপূর্বকৃষ্ণ মুখোপাধ্যায় ।

C/o Asst. Civil Judge, Cooch Behar.



## অতিরিক্ত পুরস্কার ৫১

### বুদ্ধিমান রাজার স্বর্গযাত্রা ।

#### প্রথম সর্গ ।

রাজসভাতলে বসি রাজা বুদ্ধিমান,  
রাজকার্য্য করিছেন প্রফুল্ল বয়ান ।  
হেন কালে প্রজাগণ চারিদিক হতে,  
প্রণাম করিল আসি রাজচরণেতে ।  
বলিল একটি ঠক পশেছে নগরে,  
নিশি দিন আমা সবে জ্বালাতন করে ।  
ঠকাইয়া ধন রত্ন সব নিয়ে যায়,  
বাচে না প্রজারা প্রভু, কি হবে উপায় ।  
কোন বেশে কবে আসে বুদ্ধিতে না পারি,  
কেমনে বুদ্ধিব প্রভু, ঠকের চাতুরী ।  
শুনিয়া প্রজার মুখে ঠকের কাহিনী,  
অস্থির হইল রাজা পরমাদ গণি ।  
কহে আমি বুদ্ধিমান বুদ্ধে বৃহস্পতি,  
মম রাজ্যে ঠক আসে এমন শক্তি ।  
বুদ্ধি-জালে জড়াইয়া ঠককে ধরিব,  
কত বুদ্ধি-রাখে ঠক সকলি বুদ্ধিব ।  
মম বুদ্ধি হতে বল কার বুদ্ধি বড়,  
কেন ভয় পাও সবে যাহ্ নিজ ঘর ।  
এত কহি বুদ্ধিমান মনেতে বিচারি,  
নগরে পাহারা দিল দশ পাঁচ কুড়ি ।

সুখ পানে মত্ত হয়ে পাহারা সকল,  
নগরের প্রান্তভাগে ঘুমায় কেবল ।

### দ্বিতীয় সর্গ ।

কৃষ্ণ চতুর্দশী তিথি নিশীথ সময়,  
অন্ধকারে পথ ঘাট দৃষ্টি নাহি হয় ।  
হেন কালে বুদ্ধিমান নিজ ইম্মাতলে,  
পূজিছেন শিবলিঙ্গ অতি কৃতুহলে ।  
চন্দন কুশুম চুয়া কুসুমের হার,  
ধূপ দীপ নৈবিদ্যাদি নানা উপচার ।  
হেনকালে ঠক এক চিন্তি মনে মনে,  
ধরিল শিবের মূর্তি পরম যতনে ।  
হরিষে হাড়ের হার গলায় পরিল,  
ব্যাঘ্র চর্ম্ম পরি নিজ বসন তাজিল ।  
থড়ি মাটি গুলি অঙ্গে রং ফলাইল,  
দর্পণ ধরিয়া ভালে ত্রিনেত্র আঁকিল ।  
হু একটি মৃত সর্প স্কন্ধে জড়াইয়া,  
চলিল রাজার কাছে বলদে চড়িয়া ।  
রাজদ্বারে গিয়া জোরে করে করাঘাত,  
সে শব্দে রাজার ধ্যান ভাঙ্গিল হঠাৎ ।  
বাহিরে থাকিয়ে ঠক বম্ বম্ করে,  
রাজা গিয়ে দ্বার খোলে হরিষ অন্তরে ।  
বলদে চড়িয়া ঠক গৃহে প্রবেশিল,  
আমি শিব আসিয়াছি রাজাকে বলিল ।  
রাজা ভক্তিভাবে চাহি দেখে বার বার,  
উপাস্ত্র দেবতা শিব সগুণে তাহার ।  
আনন্দে অস্থির হয়ে বুদ্ধিমান রাজা,  
হীরক প্রবাল দিয়ে তারে করে পূজা ।



ঠক কহে তুমি রাজা ভকত প্রধান,  
 এ জগতে কেহ নাই তোমার সমান ।  
 তোমায় পূজায় তুষ্ট হইলাম অতি  
 তাই আজি স্বর্গ ছাড়ি মর্ন্তে মম গতি ।  
 পূণ্য ক্রম চতুর্দশী তাতে নিশাকাল,  
 এ সময়ে সুরলোকে চল মহীপাল ।  
 মর্ত্যবাস তবরাজা পূর্ণ হইল আজ,  
 আজ তব গতি হবে দেবের সমাজ ।  
 রাজা বলে অধমের গতি মাত্র তুমি,  
 এখনি তোমার সঙ্গে স্বর্গে যাব আমি ।  
 অধম পাতকী জনে এত তব দয়া,  
 তোমার চরণে আমি সঁপিলাম কায় ।  
 ঠক বলে এক কথা শুন তবে রাজা,  
 স্বশরীরে স্বর্গে যাওয়া নাহি হয় সোজা ।  
 স্বর্গে যেতে মানবেরা যত কষ্ট পায়,  
 সে সকল কষ্ট কিন্তু স্পর্শিবে তোমায় ।  
 ঘোড় হাত করি রাজা কহে তবে ধীরে,  
 কষ্ট বিনে স্বর্গ স্মৃথ কেবা লাভ করে ।  
 ঠক কহে তবে রাজা মুদ নেত্রদ্বয়,  
 খুলিবে, যখন মম অন্তরমতি হয়  
 বাক্যব্যয় না করিয়া চলহ ভূপতি,  
 বাক্যব্যয়ে হইবে না স্বর্গপুরে গতি ।  
 এই আমি চলিলাম বলদে চড়িয়া,  
 নীরবে বৈসহ তুমি লাঙ্গুল ধরিয়া ।

### তৃতীয় সর্গ ।

ঠকের ইঙ্গিত পেয়ে চলিল বলদ,  
 লাঙ্গুল ধরিয়া রাজা ভাবে গদ গদ ।

চলিল চতুর ঠক কাঁটা পথ দিয়া,  
 জঙ্কর হটল রাজা কণ্টক ফুটয়া  
 কত শিমুলের কাঁটা কত বেল কাঁটা  
 ঘটাইল রাজ অঙ্গে শোণিতের ঘট।  
 কণ্টকে কণ্টকে রাজা হল ভর ভর,  
 তবুও অটল রাজা নাহয় কাতর।  
 ভাবে এত কষ্ট নয় স্ত্রের কারণ,  
 কষ্ট বিনে স্বর্গ যেতে পারে কোন জন।  
 রহিল কণ্টকে বিধি বসন রাজার,  
 তথাপি সঙ্কোচ ভ্রুখ নাহয় রাজার  
 ধূলা কাদা মল মূত্র শরীরে ভরিল,  
 তথাপি ভকত শ্রেষ্ঠ চক্ষু না মেলিল।  
 ভাবে অল্পমতি বিনে মেলিলে নয়ন,  
 যদি আর নাহি হয় স্বর্গ দরশন।  
 সঙ্গে করি স্বর্গে শিব না লয়েন যদি,  
 আমা সম অধমের কি হইবে গতি।  
 এত ভাবি অতি জোরে নয়ন মুদিয়া,  
 শিব মূর্ত্তি ধ্যান করে তন্ময় হইয়া।  
 ব্যথিত বলদ অতি লাস্কুলের টানে,  
 আতঙ্কে অস্থির হয়ে ছোটো প্রাণ পনে,  
 এই ভাবে কিছুক্ষণ করিলে গমন,  
 রজনীর শেষ ভাগ দিল দরশন।  
 একটি কলুর গৃহে রাজাকে লইয়া,  
 কলুর ঘানির পরে দিল উঠাইয়া।  
 গোটা কত গরু তাতে বাধি আনি দিল,  
 শিক্ষিত ঘানির গরু ঘুরিতে লাগিল।  
 কলুর ঘানির শব্দে রাজা পুলকিত,  
 মনে ভাবে এই বুঝি স্বর্গের রথ।

ঠক বলে শুন ওহে ভকত প্রধান,  
 এই রথে স্বর্গ ধামে করিবে প্রয়ান ।  
 চক্ষু না মেলিবে তুমি কথা না কহিবে,  
 তা হইলে স্বশরীরে স্বর্গ পুরে যাবে ।  
 আমিও তোমার সঙ্গে অন্তরীক্ষে রব,  
 সময় হইলে ধরি স্বর্গে উঠাইব ।  
 স্বর্গের অনেক পথ এসেছ রাজন,  
 এই দেখ স্বর্গ গন্ধ মধুর কেমন ।  
 এতবলি তাড়াতাড়ি ঠক চুরামণি,  
 টেলে দিল এক শিশি “কুন্তলীন” আনি ।  
 “কুন্তলীন” সৌরভেতে বিমুগ্ধ রাজন,  
 ভাবে আছে সম্মুখেতে পারিজাত বন ।  
 সময় বৃক্ষিয়া তবে ঠক পলাইল,  
 অভ্যাসে ঘানির গরু ঘুরিতে লাগিল ।  
 ঘার ঘার ঘার ঘার ঘানির শব্দে,  
 রাজা ভাবে যাইতেছে রথ স্বর্গ পথে ।  
 এই ভাবে বিভাবরী প্রভাত হইল,  
 কলুর গৃহের লোক সকল জাগিল !  
 ঘানির সে শব্দ শুনি আশ্চর্য্য মানিল,  
 এত ভোরে ঘানি ঘোড়ে গরু কে বাঁধিল ।  
 দেখিতে চলিল সবে হয়ে একত্রিত,  
 ভয়ানক দৃশ্য হেরি হইল চমকিত ।  
 ঘানি পরে উপবিষ্ট বুদ্ধিমান রাজা,  
 কোমল শরীরে তার কতরূপ সাজা ।  
 পরনে বসন নাই উলঙ্গ শরীর,  
 শরীর কণ্টকাকীর্ণ বহিছে রুধির ।  
 মল মুত্র মাখা অঙ্গ রাজা বুদ্ধিমান,  
 নেত্রদ্বয় নিয়ীলিত প্রফুল্ল বয়ান ।

কিসের স্বগন্ধ এক কোথাহতে আসে,  
সে গন্ধে ভ্রমর ছোটে মনের উল্লাসে ।  
সকলে ইহার অর্থ জিজ্ঞাসে রাজায়,  
নয়ন না মেলে রাজা উত্তর না পায় ।  
তখন মুকল লোক বিষয় অন্তরে,  
সংবাদ কহিল গিয়া মন্দির গোচরে ।

### চতুর্থ সর্গ ।

সংবাদ শ্রবনে মন্ত্রী আশ্চর্য্য হইল,  
রাজাকে আনিতে লোক পাঠাইয়া দিল ।  
রাজার অবস্থা হেরি অতি বিপরীত,  
দাস দাসী লোক জন হল বিবাদিত ।  
কিসে হল এ দুর্দশা জিজ্ঞাসে রাজায়,  
তবু বুদ্ধিমান রাজা উত্তর না দেয় ।  
অবশেষে লোক জন বিষয় অন্তরে,  
সংবাদ বলিল গিয়ে মন্দির গোচরে ।  
তখন আপনি মন্ত্রী সেই স্থানে গিয়া,  
বিস্ময় মানিল অতি রাজাকে দেখিয়া ।  
জিজ্ঞাসিল কেন রাজা সিংহাসন ছেড়ে,  
বসিয়া রয়েছ কলু ঘানির উপরে ।  
দাস দাসী লোক জন জিজ্ঞাসে তোমায়,  
কোন জন কোন রূপ উত্তর না পায় ।  
হে রাজা নয়ন দুটি মেল একবার,  
এই দেখ আমি মন্ত্রী সম্মুখে তোমার,  
এমন দুর্দশা তব কে করেছে বল,  
এখনি তাহারে আনি দিব প্রতিকূল ।  
রাজা কহে মন্ত্রী আমি মেলিল নয়ন,  
আর না হইবে মম স্বরণে গমন ।

## কুন্তলীন পুরস্কার ।

স্বর্গযাত্রা করিয়াছি শুভক্ষণ করি,  
তুমি কেন বাদ সাধ করিয়া চাতুরী ।  
পুণ্যফলে স্বর্গরীরে স্বর্গে যাই আমি,  
তাহাতে আসিয়া মন্ত্রী হিংসা কর তুমি ।  
মন্ত্রী কহে ভাল স্বর্গে চলেছ রাজন,  
সকলি বুঝিবে যদি মেল ছনয়ন ।  
রাজা কহে ভ্রাণশক্তি হীন মন্ত্রী তুমি,  
স্বর্গের গন্ধ যায় দশ ক্রোশ ভূমি ।  
এ গন্ধ কি নাহি যায় তব নাসিকায়,  
নিতান্তই মূর্খ তুমি কি বলিব হায় ।  
মন্ত্রীও সে স্রসোরভে মোহিত হইল,  
বহু অপ্রেমিয়া শিশি বাহির করিল ।  
কহিল এ “কুন্তলীন” স্বর্গ গন্ধ নয়,  
চক্ষু মেলি একবার দেখ সমুদয় ।  
ঠকে ঠকাইয়া তোমা এনেছে এখানে,  
পরম দয়ালু ঠক মারে নাই প্রাণে ।  
এত শুনি বুদ্ধিমান নয়ন মেলিল,  
ঠকের চাতুরী সব বুঝিতে পারিল ।  
নিজের অবস্থা দেখি লজ্জিত বিশেষ,  
“বুদ্ধিমানের স্বর্গযাত্রা” এইখানে শেষ ।

শ্রীমতী অম্বজামন্দরী.দাস ।  
পুরী, উড়িষ্যা ।







